







— ❧ احکام الاوقاف ❧ —

از

محکمه تمیز حقوق رئیس سابق مرحوم

عمر حلمی افندی

مکتب حقوق شاهانه طرفند

طبع ایتدیرلشدر

استانبول

مطبعه عامره

۱۳۰۷

— فهرس —

اتحاد الاخلاق

— فی —

احکام الاوقاف

اشبو کتاب بر مقدمه ایله یکر می بر بادر

صفیحه

| | | |
|----|-----------|--|
| ۰۲ | مقدمه | وقفه دائر اصطلاحات بیاننده ایکی مبحثدر |
| ۰۰ | مبحث اول | وقفه متعلق اصطلاحات فقهیه بیانندهدر |
| ۰۹ | مبحث ثانی | وقفه متعلق اصطلاحات قانونیه در دائر در |
| ۱۳ | باب اول | وقفك انعقاد وسببی و شرائط و صحتی و بعض احکامی بیاننده بش فصلدر |
| ۰۰ | فصل اول | وقفك انعقاد وسببی حقندهدر |
| ۱۷ | فصل ثانی | وقفك صحته شرط اولوب اولیان شیلر |
| | | حقندهدر |
| ۳۰ | استطراد | وقف منقطع الآخر و منقطع الوسط بیانندهدر |
| ۳۲ | فصل ثالث | صحیح اولوب اولیان و قفلر حقندهدر |
| ۳۶ | فصل رابع | من غیر ذکر وقفه داخل اولوب اولیان |
| | | شیلر حقندهدر |
| ۳۸ | فصل خامس | وقف مریضه دائر در |
| ۴۴ | باب ثانی | وقفك لزوم و عدم لزومنه دائر مسائل بیاننده |
| | | ایکی فصلدر |
| ۰۰ | فصل اول | وقفك کیفیت لزومنه دائر در |

| | | |
|-----|-----------|---|
| ۵۰ | فصلی ثانی | وقف لازم و غیر لازم متعلق بعض احکام و مسائل بیاننده در |
| ۵۳ | استطراد | وقف ایچون تبرعیدن رجوع صحیح اولمدیغنه دائردر |
| ۵۳ | باب ثالث | اراضی موقوفه به دائردر |
| ۵۹ | استطراد | تخصیص صحیح و تخصیص غیر صحیح به دائردر |
| ۶۰ | باب رابع | واقفلرک ذکر ایده کلدکلی شروطه دائر اوج فصلدر |
| ۰۰ | فصل اول | اولاد واقربا و جیران حقنده اولان شروط وقفه دائردر |
| ۷۱ | فصل ثانی | شروط واقفک تبدیل و تغیرینه دائر مسائل حقنده در |
| ۷۲ | فصل ثالث | شروط واقفه مخالفت جائز اولوب اولیان مواد حقنده در |
| ۸۲ | باب خامس | عقارات موقوفه نك اقسامی و مؤسسات خیریه نك بعض احکامی بیاننده در |
| ۸۵ | باب سادس | اجارینلو مسقفات و مستغلات موقوفه به دائر اون اوج فصلدر |
| ۰۰ | فصل اول | اجارینلو مسقفات و مستغلات موقوفه نك فراغ و تقویضنه و صور انتقالیه سنه دائردر |
| ۸۵ | اجارین | معامله سنك زمان و سبب ظهورینه دائر مقاله در |
| ۹۹ | فصل ثانی | موانع انتقال حقنده در |
| ۱۰۲ | فصل ثالث | فراغ قطعی بیاننده در |
| ۱۰۶ | فصل رابع | فراغ مریض بیاننده در |

- ۱۰۹ فصل خامس ولی ویا وصینک فراغ و تفرغی حقند در
- ۱۱۱ فصل سادس شرط ایله فراغ حقند در
- ۱۱۳ فصل سابع خیار عیب و خیار رؤیت و غبن فاحش و تغیر حقند در
- ۱۱۵ فصل ثامن بدل فراغ و استحقاق حقند در
- ۱۱۷ فصل تاسع تقسیم و مهایة و افراز حقند در
- ۱۲۴ فصل عاشر بالا جارتین مشترکاً تصرف اولنان عقارات موقوفه به دائر بعض مسائل حقند در
- ۱۲۶ فصل حادی عشر فراغ بالوفا و استغلاله دائر در
- ۱۳۰ فصل نانی عشر فراغ و تفرغه و کالته دائر مسائل بیاننده در
- ۱۳۴ فصل ثالث عشر مسائل شقی بیاننده در
- ۱۳۶ فصل سابع اجاره واحدلو عقارات موقوفه حقند در
- ۱۴۰ باب ثامن مقاطعه لو عقارات موقوفه نك احكامنه دائر در
- ۱۴۵ باب تاسع تولى متعلق مسائل بیاننده درت فصلدر
- ۰۰۰ فصل اول نصب متولى به دائر در
- ۱۵۱ فصل نانی قائم مقام متولى نصبه و تولى قصريدینه دائر در
- ۱۵۵ فصل ثالث متولى نك محاسبه سنه متعلق مسائل بیاننده در
- ۱۵۷ فصل رابع متولى نك عزلنى موجب اولوب اولمیان اسباب حقند در
- ۱۶۰ باب عاشر متولى نك انواع تصرفاتنه دائر یدى فصلدر

- ۰۰۰ فصل اول متولینک موجب ضمان اولوب اولیان
افعالنه دأردر
- ۱۶۴ فصل ثانی متولینک صلح و ابراسنه دأردر
- ۱۶۶ فصل ثالث ید متولیده اولان اموال وقفه و متولینک
یمینیه مصدق اولوب اولمدینی مواده
دأردر
- ۱۶۸ فصل رابع بر وقفك مالنی دیگر وقفه صرفی جائز
اولوب اولماسی حقنده در
- ۱۶۹ فصل خامس مستغنی عنه اولان مؤسسات خیریه
دأردر
- ۱۷۱ فصل سادس وقف ایچون استدانه نك جائز اولوب
اولماسنه دأردر
- ۱۷۳ فصل سابع نقود موقوفه یه دأر بعض مسائل بیاننده در
- ۱۷۵ باب حادی عشر وظائفه متعلقدر
- ۱۸۱ باب ثانی عشر جهاته دأر ایکی فصلدر
- ۰۰۰ فصل اول توجیه جهاته دأر
- ۱۸۴ فصل ثانی استنباهیه و تعطیلله دأردر
- ۱۸۵ باب ثالث عشر ایجار وقفه دأردر
- ۱۹۱ باب رابع عشر غصب وقف حقنده در
- ۱۹۴ باب خامس عشر وقفه متعلق ترمیمات و انشاءت حقنده ایکی
فصلدر
- ۰۰۰ فصل اول سکناسی مشروط وقف عقاری مشروط
لهك تعمیر و ترمیمی حقنده در

۱۹۷ فصل ثانی وقف عرصه اوزرینه انشا اولئان ابنیه
دائر در

۱۹۸ باب سادس عشر استبدال وقف حقند در

۲۰۰ باب سابع عشر وقفه متعلق دعاوی حقنده ایکی فصل در

۲۰۳ فصل اول مسموع اولوب اولمیان دعوالره دائر در

۲۰۶ فصل ثانی مرور زمانه دائر در

۲۱۵ باب ثامن عشر خصم اولوب اولمیانلره دائر در

۲۲۰ باب تاسع عشر وقف حقنده شهادته دائر اوچ فصل در

۰۰۰ فصل اول مقبول اولوب اولمیان شهادت حقنده در

۲۲۲ استطراد برحاکمک کندی لهنه حکمی نافظ اولمدیغه

دائر در

۲۲۳ فصل ثانی تسامعله شهادته دائر در

۲۲۴ فصل ثالث ترجیح بیناته دائر در

۲۲۷ باب عشرین متولی به یمین توجه ایدوب ایتمان مواد

حقنده در

۲۲۹ باب حادی و عشرین اقراره دائر در

﴿ افادۀ مخصوصه ﴾

ارباب نه-ایه خفی اولمدینی اوزره معابد و مکاتب و کتابخانه
و خسته خانه و فقرا خانه کوپری و چشمه کبی دیانت و مدنیته
لوازمندن اولان مؤسسات خیریه اصطلاح فقهاده وقف دینلان
معامله ایله وجوده کلمش اولدیغندن معامله مذکوره بالجمله مال
متمدنه عندنده معتبر و مرعی الاجرادر

وقف معامله سی شرایع سابقه ده دخی موجود ایدی دیانت
اسلامیه نك ظهورندن مقدم اعظم ام سالفه بو یولده بر چوق
آثار خیریه وجوده کتور مشلدر

بومعامله الاول انبیاء عظام و رسل فیخامدن ابراهیم علیه السلام
افندمزدن صدور ایتشدنر شویله که نبی مشار الیه جناب حقل
کندویه عنایت و احسان بیوردینی ثروت و برکتی غربا
و مسافرینی اطعام و فقرا و مساکینه انعام یولنده بذل و نثار
بیور مقدمه ایدی ایسه ده، بوندن انتفاع عصر مشار الیه ادراک

ایدنلره مخصوص اولوب عصر مشار الیه ادراک ایدمه میان
اخلافه شمولی اوله یه جغندن الی الابد اخلافه دخی شمولی
اولور آثار خیریة مؤبدنک انشا واحداثه نبی مشار الیه ارشاد
بیور مق و سائر اصحاب خیره بر نمونه امتثال اولق حکمت بالغه
صمدانیه سنه بناء معامله مذکورنک اجر اسنه دایر نبی مشار الیه
وحی الهی نازل اولمشدر

نبی مشار الیه دخی وحی الهی منطوقجه بر خیلی آثار خیریة انشا
بیور مشلدر در آثار مذکورنک اقدمی والک مقدس ومحترمی قبله کاه
عامه موحدین وطواف کاه حجاج مسامین اولان کعبه علیادر نبی
مشار الیه ک سائر آثار خیریة لری دخی الیوم بلاد عربده موجود
وخلیل الرحمن اوقافی دینمکله معروفدر

مؤخر اشریعت اسلامیة نک ظهورنده معامله مذکورده استصحاب
وقبول واکتاف دایر مجتهدین عظام نورالله مراقدهم الی یوم القیام
حضراتی طرفلرندن دخی ادله شرعیة مستند اوله رق نیجه
نیجه مسائل اجتهاد وتدوین ایله معامله مذکورده اصول منتظمه یه
ربط ایدیلرک تقویه وتأيید ایدلمشدر

آثار خیریة انشا سنه اغنیاء امتی تشویق وترغیب ضمننده
احادیث شریفه وارد اولمشدر

از جمله (اذا مات الانسان انقطع عمله الا من ثلثة من صدقة
جارية او علم ینتفع به او ولد صالح یدعوله) حدیث شریفدر —
حدیث شریف مذکورک ترجمه وتفسیری
انسان وفات ایتدکده عملی منقطع اولوب آرتق دفتر اعمالنه
مثوبات قید اولمده از اولور فقط اویچ شیدن ناشی اولان عملی

منقطع اولیوب اندن طولای الی الابد دفتر اعمالنه ثواب قید اولنور
 بو اوج شیدن اولکیینی الی یوم القیام جاری و باقی اولان
 صدقه درکه وقف صورتیه انشا اولنان آثار خیریه در چونکه
 حیاتنده بذل مال ایله آثار خیریه انشاسنه موفق اوله رق وفات
 ایدن انسانک آثار یله خلق انتفاع واستفاده ایتدجکه خلق طرفندن
 دایم اخیر و رحمت ایله یادایدیله جکمندن بوضورتله اول انسانک وفاتیه
 عملی منقطع اولیوب الی قیام الساعة دفتر اعمالنه ثواب قید اولنور
 ایکنجیسی کندوسیه انتفاع اولنان عملدر شویله که بر عالم
 علوم نافعهدن بر علمی تشنکان زلال علم و معرفت اولان طلاب
 علومه تعلیم و تدریس و یا خود علوم نافعیه دایر بر اثر مفید
 تألیفنه موفق اوله رق وفات ایدرسه حیاتنده کندوسندن تلقی
 علم ایتمش اولان شاگردانی اول علمی طالینه نشر و افاده
 و یا خود اول عالمک حیاتنده تألیف ایتمش اولدینی اثرندن ارباب
 مطالعه انتفاع واستفاده ایتدجکه اندن حاصل اوله جق اجور
 جزایله دن اول عالم متوفی دخی حصه مند اوله جنی جهته اوله
 بر عالمک وفاتیه عملی منقطع اولمش اولماز
 علوم و معارفک نشری حقنده بوندن زیاده تشویق و ترغیب اوله من
 اوچنجیسی والدک ارتحالندنصکره اکا خیردعا ایدر ولد صالحدر
 زیرا بر انسان حیاتنده صلاح اوزرینه تربیه ایتمش اولدینی
 ولدینک اعمال صالحه و دعوات خیریه سندن بعد الوفات مستفید اوله
 جنی جهته خیر الخلفه نائل اولان بدرك وفاتیه عملی منقطع اولماز انتهی
 منقولدرکه بر کون حضرت عمر الفاروق رضی الله عنه حضور

حضرت سیدالانامده یار رسول الله بن خیبرده بر ارضه مالک
اولدمکه مدت عمرمده عندمده اعز وانفس اوپله بر ماله مالک
اولمامش ایدم انک حقمنده نه امر عالیکنز اولوردیو استفسار ایلدکارنده
جناب رسالتپناه افندمز دخی جواب عالیلرنده یا عمر دیلرسک اول
ارضک عیننی حبس ووقف ایدوب ثمره و منفعتنی فقرایه تصدق
ایله دیو فرمان بیوروب حضرت عمر دخی بر موجب فرمان نبوی
اول ارضی وقف بیورمشدر

جناب رسالتپناه افندمز بوبابده یالکنز تشویقات قولیه ایله اکتفا
بیورمیوب بطریق الوصیه مدینه منورده مالک اولدقلری یدی
قطعه عقارات سذیه لرینی وقف و سکناسنی فقراء مؤمنینه شرط
وبو صورتله فعلاً دخی اجرای تشویقات بیورمشلردر عایه
افضلی الصلوات واکمل التحیات

اثر پاک نبوییه امتثالاً چهار یارکزین وسائر آل واصحاب کرام
ذوی الاحترام دخی برخیلی آثار خیریه وقف و تأسیس بیورمشلردر
حتی حضرت جابر رضی الله عنه بیورمشکه بن مهاجرین
وانصاردن برکیسمه بیلمم که مالی اولوبده مالی وقف و تصدق
ایتمسون رضی الله عنهم و ضاعف اجورهم

خلفاء راشدیندن صکره ظهوره کلان خلفاء امویه و خلفاء عباسیه
وسائر ملوک اسلامیه ووزرالر طرفلرندن برخیلی مؤسسات
خیریه وقف و تأسیس اولمشدر

وباخصوص بو امت مرحومه یه عنایت ربانیسه اوله رق ظهور
ایتمش اولان سلاطین آل عثمان ایدالله نسلهم فی مقام الخلافه

الى آخر الزمان حضراتي كثر خيرات ومبرات ايله ملوك
ماضيہ بي تفوق بيورمشلردر

چونكه سلاطين عدل آين عثمانيه فتح و تسخير بيورمش اولدقلىرى
بلاد وامصاره اليوم منظور اعين افتخار مرز اولان جوامع
ومدارس وعمارات و چشمه و كوپرى كبي آثار خيريه بي بنا و انشا
ايدرك اكمل لوازم ديانت و مدنيت ايله اخلافه بيوك بيوك يادكار
كران قيمت برافمشلردر

اعصار سابقه ده بالجملة اوقاف صرف مسائل فقهيه به توفيق اداره
اولمقده ايكن بيك يكرمى سنه هجريه سنه انصكره مهممامكن قواعد
شرعيه بي توفيقاً اجار تين ناميله بر قاتون احداث ايدلمشدر شويله كه
بيك يكرمى تاريخه كلنجه يه دكين مستغلات اوقاف اجاره واحده
ومقاطعه زمين اصول مشروعه سنه توفيقاً اداره اولمقده
اولديغي حالده تاريخ مذكور انصكره اجار تين بابنك ابتدا سنه
اجار تين معامله سنك زمان و سبب ظهورينه دائر اولان مقاله ده
بيان اولنه جنجى و جهله اجار تين اصولى احداث اولمشدر

وصكره لرى ذكر اولنان اصولك وضع اصل يسندن خارج بر چوق
معاملات غير مشروعه وجوده كلشدر

اجار تين معاملاتنك نتيجه سيئنه طبيعيه سى اولمق اوزره تاريخ
مذكور دن تقريباً يوز يكرمى سنه صكره تدريجاً كدك اصول
نامشروعى احداث اولنه رق اوقاف قديمه نك خيليدن خيلى حقوقى
اضاعه ايدلمشدر كبي اصول تصرفيه دنخى تشويش و اخلال ايدلمشدر
بروجه بالا اجار تين و كدك اصولرينك ظهور لر نذ صكره بونلره

دائر برچوق تعامل و عرفلر حصوله کلوب و تواریخ مختلفه ده اراده سنیه آلتنه انهرق سجلات محاکم و دفاتر اقلامده مقید اولوب بونلر تدوین اولندیغندن اصول و تعامل اوقافه کسب وقوف مدت و فیره اوقاف ایشلریله اشتغال و سجلات محاکم و قیود اقلامی تتبع ایتمه متوقف اولور بوفقییر ایسه فتواخانه جلیله مدت برخیلی مدت استخدام اولندقدنصکره اون ایکی سنیه قریب مدت ایچنده محکمه تفتیش مستشارلغنده و مفتشالکننده وسندات عمومیه شرع مأموریتنده بونلوب اوقاف ایشلریله اشتغال ایدرک اوقافک قوانین قدیمه سنی و صکره دن ظهورایدن عرف و تعامللری ضبط ایلمش اولدیغندن اوقافه دائر کتب فقهیه ده مسطور اولان مسائلدن مفتی به و معاملات اوقافدن ایوم معمول به اولنلرینی جمع و تحریر ایدرک هم مسائل فقهیه بی و همده قوانین و تعاملی جامع بر کتاب تحریرینه ابتدار و « اتحاف الاخلاف فی احکام الاوقاف » اسمیله تسمیه ایلدم

همان جناب حق ولی نعمت بی امتنان « سلطان عبدالحمید خان » افندمزک عمر و شوکت پادشاهیلمی افزون بیورسون آمین

احکام الاوقاف

از

محکمه تمیز حقوق رئیس سابق مرحوم

عمر حلمی افندی

مکتب حقوق شاهانه طرفندن
طبع ایتدیلمشدر

استانبول

مطبعه عامه

۱۳۰۷

— ❧ سقا مایه ❧ —

— ❧ احکام الاوقاف ❧ —

اشیو کتاب
و مکتبہ نعلی سید رفیعہ نیمہ فم

بر مقدمه ایله یکر می بر بابی حاویدر

رحمۃ اللہ علیہ

مقدمه

وقفہ ذیل اصطلاحات فقہیہ بیانندہ اولوب

ایکی مبحثی امشبیلدر

مبحث اول

وقفہ متعلق اصطلاحات فقہیہ بیانندہ در

باب اول

(مسئله) ۱

وقف منفعتی عبادالالهه عائد اولور وجهله بر عینی جناب حقل
ملکی حکمنده اولق اوزرده تمایک و تملکدن محبوس و ممنوع
قیامقدر

وقف ایدن کیسه یه واقف و تقابل ایدیلان عینه موقوف و محل
وقف دینور

۲ (مسئله)

۷ (حل شده)

وقف بالاده بيان اوليان معناده استعمال اولنديغي کي عين
موقوف معناسنده دخي استعمال اولنه رقي فلان مال وقفدر دنيلور
جمعي اوقاف کلور

۳ (مسئله)

۸ (حل شده)

وقف ارضادی اموال بیت المالدن اولان برمايکک منفعتی طرف
پادشاهیدن شرعاً بیت المالدن استحقاقی اولان کیمسه
تعیین وتخصیص بیورلمقدن عبارتدر وقف ارضادی ایله
وقف اولان اوقافه تخصیصات اطلاق اولنور
طایفه اولان اوقافه منفعتی

۴ (مسئله)

وقف لازم وغير لازم قسملرییه منقسمدر
وقف لازم قابل فسخ اولمیان وقفدر
وقف غير لازم قابل فسخ اولان وقفدر

۵ (مسئله)

۹ (حل شده)

غایه وقف وقفک فائده سی و محصولی دیمکدر ثلایح رحمة ثلایح
نقود موقوفه نك راجحی و عقار موقوفه نك اجاره سی و وقف باغی نك
ثمره سی کي
رانک فتحی ویا نك سکونیه ریع وقف غایه وقف معنایسنمدر

۶ (مسئله)

تسجیل وقف فصل مخصوصندف بییان اولنه جق کینین اوزیره
بر وقفک لازم اولسنه حکم اتمکدر میان ثلایح رحمة ثلایح

٧ (مسئله)

وقفك منافعی واقف طرفندن قننی جهته شرط و تخصیص ایدلش
ایسه اكا مشروط له و موقوف علیه و مصرف وقف دینور

٨ (مسئله)

متولی شروط و ققیه موجب بنجه امور و مصالح وقفی اداره و رؤیت
ایتمک ایچون تعیین اولنش اولان کیمسه در
متولی ایکی قسمدر

اولکیسی مشروطیت اوزره متولیدر که انک متولی اولمی شروط
و ققیه مقتضاسندن اوله

ایکنجیسی کندوسنک متولی اولمی حقننده واقف طرفندن بر شرط
در میان اولنیوب مجرد توجیه حاکمه نصب اولنش اولان
متولیدر

٩ (مسئله)

قافک فتیحی و یانک تشدید و کسریله قیم وقف متولی وقف دیمکدر
جمعی قافک ضعی و و و و تشدیدیه قوام کاور
متولی یه متکلم علی الوقف دخی دینلور

١٠ (مسئله)

قائم مقام متولی فصل مخصوصنده بیان اولنه حق احوالده متولی
مقامنه قائم اولوق و اکا عائد وظائفی ایضا ایتمک اوزره طرف
حاکمدن نصب اولنان کیمسه در

۱۱ (مسئله)

ناظر وقف متولينك وقف حقنדה تصرفاتنه نظارت ايلامك
وامور وقفده رأياً متولى يه مرجع اولمق اوزره نصب اولمىش
اولان ذاتدر

بعض بلدهلرده نظارت لفظنك توليت مقامنده استعمالى حقنדה
عرف جارى اوله رق اول بلدهلرده متولى يه ناظر وقف دخى
اطلاق اولنور

۱۲ (مسئله)

جانبى وقف وقفك تحصيلدارى ديمكدر

۱۳ (مسئله)

رشيد امور ومصالحه واقف اولوب شرع وعقلاڭ خلافيه
مالى صرف واسرافدن توقى ايدن كيمسه در

۱۴ (مسئله)

ميمك ضمى وسينك سكونى وتاوغينك فتحي ولامك تشديديله
مستغل مؤسسات خيريه نك اداردسيچون اقتضا ايدن غلات
ووارداتى كتورمك اوزره وقف ايدلمى اولان مالدر جمعى
مستغلات كلور

كرك اول مال عقار اولسون باغ باغچه خان حمام كجى وكرك
منقول اولسون استرباحى مشروط اولان نفود موقوفه وكرك
تعبير اولنور آلات لازمه صنايعيه كجى

۱۵ (مسئله)

ميمك ضمى وسينك فتحي وقاڭك تشديدى وفتحي ايله

مسقف سقفي يعنى طوانى حاوى ابنيه يى مستعمل اولان
مستغلات جمعى مسقفات كلور [*] مستغلات مستعمله
مستغلات مستعمله مستغلات مستعمله مستغلات مستعمله
١٦ (مسئله)

مؤسسات خيريه معابد ومدارس ومكاتب وعمارات ودارالقرآن
وزوايا وكتبخانه ووقف خانه و مسافر خانه و كوبرى و خسته خانه
ودارالشفاء و چشمه و بيابخانه و حوض و قوئى و قبرستان كبرى
اصحاب خير طرفندن انشا و وقف ايدى لان آثار خيريه در
١٧ (مسئله)

مسقفات و مستغلات موقوفه فراغ بر كسمه مستغلات
مستغلات موقوفه اولان حق تصرفى آخر ك عهده ستمه
ترك و تفويض اولان كسمه موقوفه و فراغ اولان مسقف
و مستغله مفروغ به دينلور
و تفويض مقابله فارغك مفروغ لهندن الدينى الحجه بدل
فراغ دينلور

مسقف و مسقفك تعريفلندن مستفاد اولدينى اوزره مستغلات اعظم
و مسقف اخضر فقط اكثر يا مسقفات و مستغلات موقوفه دينلور
مستغلات مسقفانه مقابل اوله رق ذكر و استعمال اولنه بور
بوحالده عام خاصه مقابل ذكر اولند قده عامدن او خاصك ماعداسى
اراده اولنور قاعده اصوليه شى منطوقنجه مستغلاتدن مسقف اوليان
مستغلات اراده ايدى لور
١٨ (مسئله)

نكته كيم بو كتابك مواضع عديده ستمه اولو جهله ذكر و اراده ايدى لور

بديهي رساله رخصه ستين

۱۸ (مسئله)

فراغ قطعی بلا شرط وقوع بولان فراغدر

۱۹ (مسئله) رساله رخصه ستين

مستغلات و مستغلات موقوفه فراغ بالوفا برکيه مستغلات آخر دن

استيدانه ايلديكي مبالغ مقابله تصريفه اولان وقف برشيدني

دینی ادا ايتدکده ينه کندويه رد اولمق شرطيله دايته فراغ

ایتمکدر

۲۰ (مسئله) رساله رخصه ستين

مستغلات و مستغلات موقوفه استغلال فراغ مفروغ بری

مفروغ لهدن استجار اتمک شرطيله وقوع بولان فراغ بالوفا در

۲۱ (مسئله) رساله رخصه ستين

وقفك غله سندن ویریلان معاش و تعينه وظیفه دیلور جمعی

وظا قدر

وبو معاش و تعینی آلان کیمسه لرد مرتزقه و اهل وظائف دیلور

۲۲ (مسئله) رساله رخصه ستين

احفاد برکيه مستغلات اولادینک اولادیدر

۲۳ (مسئله) رساله رخصه ستين

اولاد صایمه بر آدمک بالذات کندوسندن حاصل اولان

اولادیدر بناء علیه بر آدمک احفادینه اول آدمک اولاد

صایمه سیدر دنيله من

۲۴ (مسئله) رساله رخصه ستين

نسل اولاد صایمه و احفاده شاملدر

ذريت دخی نسل کيدير

۲۵ (مسئله)

وقفیه وقفه دائر واقفك تقرير و حاكمك تسجيلی حاوی تنظیم
اولنان حجت شرعیه در

۲۶ (مسئله)

تبرع بر مالی بلا عوض تمامك ايتمكدر جمعنده تبرعات دينوز
۲۷ (مسئله)

تعامل استعمالا اکثر اولاندر

بناء عليه بر ويا ايكي كشيذك استعماليله تعامل حاصل اولماز
۲۸ (مسئله)

فقير نصابه يعنى كندى اوزرينه زكوة واجب اوله جق مقدار
ماله مالك اولميان كي مسه در

بناء عليه نصابه مالك اولان كي مسه شرعاً اغنيادن غد
ايديلور

۲۹ (مسئله)

مرمت مستهلكه ابنیه دن تفريق واخذى قابل اولميان
ترميماتدر بويلا وصيوا كي

۳۰ (مسئله)

مرمت غير مستهلكه ابنیه دن تفريق واخذى قابل اولان
ترميماتدر مجدداً علاوه ايديان بنا كي

۳۱ (مسئله)

استبدال بر وقفى مالك ايله مبادله ايتمكدر

(مسئله) ۳۲

تسجیل استبدال قابل نقض اولیایم ایچون استبدالک صحت
ولزومیه حکم ایتمکدر

مبحث ثانی

وقفه و تمام اصطلاحات قانونیه دایر در

(مسئله) ۳۳

اوقاف مضبوطه طوغریدن طوغرییه اوقاف هایون نظارتی
طرفدن اداره اولنان اوقافدر
اوقاف مضبوطه ایکی قسمدر
قسم اول سلاطین عظام خیراتیه و معائنات سزیه لری اوقاف
شریفه لریدر

اوقاف مذکور دنک تولیت لری مقام معالی خلافت پناهیه مشروطه
ایدوکندن امور تولیتی اداره ایتمک اوزره طرف اشرف
خلافت پناهیدن اوقاف هایون ناظری توکیل بیورلمشدر
قسم ثانی ذریت و معائنات و اتفادن تولیتک مشروط لهی
منقرض اوله رق اوقاف هایون خزینه سندن ضبط و اداره اولنان
اوقافدر [*]

[*] بر قسم اوقاف مضبوطه دخی وارددر که تولیت لری مشروط لهری
عهد لرنده اولدینی حالدده متولیلرینه معین بر معاش تخصیصیه امور وقفه
مداخله ابدیرلیوب طوغریدن طوغری اوقاف هایون نظارتی طرفندن
اداره اولنور

بوقسمه اداره سی مضبوطه اوقاف دینور
کبرلی و جفال زاده و شهید محمد پاشا وقف لری کبی
بو یولده ضبط اوقاف شرع شریف ایله اصلا قابل توفیق دکلدر

٣٤ (مسئله)

(در مسئله)

اوقاف ماحقه نك اوقاف هيايون ناظرينك نظارتك اوقاف ماحقه
اوله رق متولى مخصوصه صبرى معرفتلىله اداره اوقاف
اوقافدر

اوقاف ماحقه نك اكثرينك نوقيله نظارتلى واقفلى
ظرفندن صدارت عظمى و مشيخت عليا و دار السعادة الشريفة
اعالى و صدرين محترمين و قنوى امانت و جليله سى و استعانة
و بلاد ثلثه قاضيه لقرى كبرى مناصب عاليه اربابنه شرط ايدىلوب
انلى طرفندن اداره اولمقنده اكن مؤخر اوقاف هيايون
نظارتك تشكياليه اكا احاله ايدىلشد

اوقاف ماحقه نك امور نظارتنده اوقاف هيايون ناظرينك
مشروعيت تصريفى ذكر اوليان نظارتلك مشروط الهارى بولسان
ذوات ظرفندن وكالت استحصاليه متوقفدر
٣٥ (مسئله)

مستثنى اوقاف اوقاف هيايون ناظرينك نظارتى و مداخلى
اولمقده رق خود بخود متولى مخصوصه صبرى ظرفندن اداره اوليان
اوقافدر
غزاة واعزة كرام اوقافى كبرى
٣٦ (مسئله)

عوارض وقفى غله سى برقرىه و يا محله اهاالىستك عوارض
واحتياجاسته صرف اولمق اوزره تأسيس ايدىلان و وقفدر

برقریه و یا محله ده فقرادین وفات ایند لک تجهیز و تکفیفه و خشته
اوله رق کار و سبدن عاجز قالان لک اتفاق و اعاشه * نه وقریه
و محله نك قالدیرم و صویولای محتاج تعمیر اولدقده الملک
تعمیر لریمه صرف اولمقی اوزره تأسیس ایندی لان و قف لر ی کی
۳۷ (مسئله)

اجارتین اجاره معجله و اجاره مؤجله دیکدر
و بوتله ایکی اجاره ایله ایجار اولانه کلان مسقفات و مستغلات
موقوفه نه اجارتینلو اوقاف تسمیه قاتمون ^{موقوفه}
۳۸ (مسئله)

اجاره واحده لو اوقاف نصل که بر شخص کسی تصرفنده
اولان عقاری آی وسنه کی بر مدت قصیره تعینله موقتا ایجار
ایندرایسه بعینه او یولده متولی وقف طرفندن ایجار اولانه
کلان مسقفات و مستغلات موقوفه در

۳۹ (مسئله)
مقاطعه عرصه سی وقف و اوزرنده کی انیه و اشجار و کرومی
ملک اولان عصارده متصرفی طرفندن جانب وقفه و بر ملک
اوزره عرصه ایچون قطع و تعین اولمش اولان اجاره بنویسه در
و بوکا اجاره زمین دخی دانیلور ^{موقوفه}

۴۰ (مسئله)
براصناف و صنعه مخصوص اولوب دائمی صورتده

مستقر اولقى اوزره بر عقار دروننه وضع اولنش اولان آلات لازمهدر [*]

۴۱ (مسئله)

كدكات موقوفه نك بر قسمنه نظاملو ديكر قسمنه عادى كدك تعبير اولنور

۴۲ (مسئله)

نظاملو كدكات موقوفه جد امجد خلافتناهي جنتمکان سلطان محمود خان عدلى حضرتلرى و حرمين محترمين وقف شر بفلرندن اولان كدكاردر

بونلرك غیری سائر وقفلر دن اولان كدكاره عادى كدك تعبير اولنور

نظاملو كدكار ايله عادى كدكارك فراقى جارتين بابنك فراغ بالوفا فصانده كلور

[*] بيك ايكيوز يتمش يدي سنه سى ذى الحجة الشريفه سنك سكرنجي كوني تاريخنده مجدداً كدك اعتباريله سند اعطاسى بااراده سنیه قطعياً منع اولندينى مثللو بيك ايكيوز قرق يدي تاريخندن مؤخر تاريخ ايله سند وقيدى اولوبده تاريخ مذکور دن مقدم تاريخ ايله سند ويا اقلام وسجلاتده قيدى بولنميان كدكاره قطعاً اعتبار اولنميه جنى نظام مخصوص اقتضاسندندر.

كدكك مستقر فيهي اولان عقار وقف اولسه بيله عرفده اكا مالك تعبير اولنور

مالكي محتوق اولمش اولان كدكه عرفده كدك مستخلص دنيلور كدكلرك بعضيلرى بيك ايكيوز يتمش يدي سنه سندن مقدم اصحابى طرفندن وقف ايديلوب بعضيلرى ملكيته قالمشدر .

باب اول

وقفك انعقاد وسببی و شرائط صحیحی و بعض احكامی

حقنیده اولوب بش فصلی حاویدر

فصل اول

وقفك انعقاد وسببی حقنیده در

۴۳ (مسئله)

وقفك انعقادی وقفك حکمنی قابل اولان محلّه مضاف اوله رق

رکن وقفك اهاندن صدور ائتمنه توقف ایدر

۴۴ (مسئله)

وقفك رکنی مالی وقف ایتدم و یا خود صدقه مؤبدّه ایله صدقه

ایتدم کی انشاء وقفه دلالت ایدن سوزلردر

۴۵ (مسئله)

دلسترك اشارت معلوم مسئله دخی وقف منعقد اولور

۴۶ (مسئله)

وقفك حکمنی قابل اولان محل مال متقومدر

مال متقوم کندوسبله انتفاع مباح اولان مال معناسنده

استعمال اواندینی کی مال محرز معناسنده دخی استعمال

اولنور

بومقامده شواکی معنادن هر قمغیسی مراد اولنسه جائزدر

۴۷ (مسئله)

موقوف علیه اشخاص غیر معینه ایسه وقفك انعقادنده موقوف
 عایهك قبولی شرط دكدر
 بناء علیه بوصولتده یا لکز واقفك ایجابیلله وقف منعقد اولور
 مثلاً برکیمسه مالی وقف ایتدکده منافعنی بر بلده نك غیر معین
 اولان فقراسنه شرط ایسه وقفك انعقادی اول بلده فقراسنك
 قبوللرینه متوقف دكدر (مسئله)

امام موقوف علیه اشخاص معیندن عبارت ایسه اوصورتده
 وقفك انعقادی اولك قبوللرینه متوقف
 موقوف علیه وقفی رد ایتدیکی تقدیرجه ردی انجق کنیدی
 حقهده وقفك انعقادینه مانع اولور یعنی کنودی اول وقفك
 منعقدن محروم اولور
 دیگر موقوف علیهلر حقلرنده وقفك انعقادینه مانع اولماز مثلاً
 برکیمسه مالی وقف و غله سنی اوغلنه بعده برزاویه نك فقراسنه
 شرط ایتدکده واقفك اوغلی اول وقفی رد ایتسه یا لکز
 کنودی اول وقفك غله سندن محروم اولوب غله وقف زراویه
 فقراسنه عائد اولور

۴۸ (مسئله)

موقوف عایهك سکوتی دلالة قبول عد اولور
 بناء علیه موقوف علیه وقفی رد و یا قبول ایتدکنه دائر بر سوز
 سویله میوب سکوت ایسه سکوتی دلالة قبول عد اولور
 منعقدن وقفه ایستحق اولور

۴۹ (مسئله)

(حل شده) ۲۵

بعد از رد قبول و بالعکس بعد قبول رد معتبر دکلر
بنیاء علیه موقوف رعایه وقفی رد ایتد کد ذکره ردینه نام
اولوب وقفی قبول ایاسه منفعت وقفه مستحق اولسان کذلک
موقوف علیه وقفی قبول ایتد کدن صکره رد ایاسه ردی معتبر
اولمادیغدن شرط واقف موجب نه کندویه عائد اولان منفعتدن
محرور اولمان
۵۰ (مسئله)

وقفک حکمی مال موقوفک عینی محسوس و منفعتی عبادالاله
عائد اولمقدر
۵۱ (مسئله)

وقفک اهلی حر و عاقل و بالغ اولان کمسه در
۵۲ (مسئله)
وقفک سببی امور خیریه به بدل مال ایله جناب حق به تقرب
و عبادت قصددر
۵۳ (مسئله)
وقفک افضل ناسک کندویه اشذا احتیاج ایله محتاج اولدیغی
رشتی وقف ایتدکر

مثلا اها ایستک احتیاجی دفعه کافی چشمه سی اولان بر محله نک
مکشی اولسه اوراده وقف اوله رق مکتب یا بق چشمه یا بمقدن
افضلدرد و ماخبر لودرد

۵۴ (مسئله)

برکیمسه وقف ایتک نیتله برمال اشترا ایدوب فقط بعدالاشترا
اول مالی وقف ایتدیکنه دأر برسوز سویلهسه مجرد نیتله اول
مال وقف اولمش اولماز

۵۵ (مسئله)

بروققک متوالی اول وقفک غله سیله وقف ایچون برمال
اشترا ایلسه مجرد غله وقف ایله اشترا اولمغله اول مال وقف
اولمش اولماز

بناء علیه متولی اول مال حقنده باع ایله بالتراضی عقدبیع
اقاله ویاخود اول مالی آخره بیع ایدیهیلور

شوقدر وارکه متولی بعدالاشترا اول مالی اصول مشروعه سنه
توفیقاً حکم حاکمه وقفه تصحیح ایدرایسه اول مال وقف
اولمش اولور

امامتولی غله وقف ایله اشترا ایتیموبده اصل مال وقف ایله
اشترا ایدرایسه اوصورنده مجرد اشترا ایله مال مشترا وقف اولمش
اولور

مثلاعه-اره تبدیلی مشروط اولان نقود موقوفه ایله متوالی
برعقار اشترا ایلسه مجرد اشترا ایله اول عقار وقف اولمش
اولور

بونده حکم حاکمه وقفه تصحیح معامله سنه حاجت یوقدر

فصل ثانی

وقفك صحتمند شرط اولوب اولميان شيلير حقننده در

۵۳ (مسئله)

واقفك تملك وتبرعه اهل اولمسی شرطدر .

بناء عليه صبي ومجنون ومعتوهك وقفلى صحيح اولماز .

فقط انلره ديكرى برمال وقف ايدهرك انلرك موقوف عليه اولملى صحيحدر .

كذلك حر اولميان كيمسه نك وقفي صحيح دكلدر .

فقط برمال وقف ايتسه مولاى طرفندن مأذون اولان برعبد

مملوك اول مالى وقف ايتسه صحيح اولور [*]

۵۴ (مسئله)

واقفك رضاى شرطدر .

[*] چونكه عبد ويدنده اولان مال شرعاً مولاى ملكى اولمغه

بو عبد كندى يدنده اولان مالى مولاى ملكى وقف ايتديكى تقايرجه

اول مالى مولاى طرفندن انابة وقف ايتمش عد اولمهرق وقف صحيح

من القديم دولت عليه ده دارل سعاده الشريفه اغالى مسند عاليه شرفياب

اولوب سلاطين عظام حضراتك عادتاً آذاد قبول ايتمز بندگان بولنان

ذوات كرامك وقفلى بو قبيلدنر

ذوات مشار اليهك على العموم وقفه لرنده كندولرينك اجراى وقفه

طرف اشرف ملوكانه دن مأذون بيورلدقلى تحرير اولنمىك سببى اشبو

مسئله دن ظاهر و نمايان اولور .

بناءً عليه اكره معتبر ايله وقوع بولان وقف صحيح اولماز .

۵۵ (مسئله)

واقفك دين وياسفه سبييله محجور اولماماسى شرطدر .
بناء عليه سفیه محجور و يامديون محجور فك حجر ايدلمكسزين
مالى وقف ايلسه صحيح اولماز

۵۶ (مسئله)

وقفك تبعه دولت اسلاميه دن اولمى شرط دكلدر
بناء عليه مستامن دارا سلامده برمالى وقف ايلسه وقف صحيح
اولور .

۵۷ (مسئله)

واقف ايله موقوف عليهك ديناً اتحادلى شرط دكلدر
بناء عليه برمسلم وقف ايتديكى مالك منفعتى تبعه غيرمسلمه
فقرا سنه و يا خود بر غير مسلم وقف ايتديكى مالك منفعتى فقراء
مسلمينه شرط ايلسه وقف صحيح و شرط معتبردر

۵۸ (مسئله)

مال موقوفك عقار اولمى شرطدر
بناء عليه منقولك اصالة وقفى صحيح دكلدر
شوقدر و ارکه بر منقولك وقف اولمش حقنده بر بلده عرف
وعادات جريان ايتمش ايسه اول بلده او مقوله منقولك وقفى
صحيح اولور مثلاً آرزو ايدنلر مطالعه ايتمك اوزره كتب و رسائل
و قرائت ايتمك اوزره مصحف شريف و دلائل و استبراج اولنه رق
برنجى برجهت خيره صرف اولمقى اوزره اموال نقديه مكاتب

ومدارس کبی اما کن خیریه ده استعمال اولنق اوزره مفروشات
واونی^۱ نحاسیه وولیه جمعیتلرنده کلینلره اعاره اولنق اوزره
البسه و حیات و محصولات بر جهت خیره عائد اولنق اوزره
برقیون برکچی و اینک کبی حیوانات و فقراء ذراعتن تحمی اولیانلره
اقراض اولنق اوزره حبوبات وقف ایتک عادت جاری اولان
بلده لرده اونوع منقوللرک وقفی صحیحدر .

۵۹ (مسئله)

عقاره تبعاً منقولک وقفی صحیح اولور
یعنی بر عقار وقف اولندقدمه اول عقاره تابع اولان منقولک دخی
اول عقار ایله برابر وقف اولنمی صحیحدر
کرك او منقولک وقفیق حقتیه عرف و عادات جاری اولسون
و كرك اولسون .

مثلاً بر چفتلک وقف اولندقدمه آلات زراعت و تخم و حیوانات
واوانی کبی اول چفتلک دروننده بولنوب اکا تابع اولان منقولات
چیفتلک ایله برابر وقف اولنسه چفتلکه تبعاً منقولات مذکوره ده
وقف صحیح اولور [*]

۶۰ (مسئله)

موقوفک عین اولمی شرطدر
بناء علیه ذمتده اولان دینک قبل القبض وقف اولنمی صحیح دکدر

[*] چونکه مجله نك الى دردنجی ماده سنده ذکر اولنان قاعده فقهیه
موجبجه بالذات تجویز اولنه میان بالطبع تجویز اولنور .

بناء على هذا برکیمسه دیکرک ذمتنده شوقدر غروش آلاجغنی
برجهته وقف ایدوب بیده انی مدیوندن قبض ایتدکده کندی
امورینه صرف ایده بیلور و مبلغ مزبوردن مدیونک ذمتی ابرا
ایلسه ابراسی صحیح اولور .

وقبل القبض والابرا واقف وفات ایدرایسه ورثه ثنی مبلغ
مزبوری مدیوندن قبض ایدوب بینلرنده اقسام ایتک اوزره
ترکیه ادخال ایده بیلورلر .

بو صورتده اول جهت متولسی مجرد بر وقف ایدلنی
دیو مبلغ مزبوری دعوی ایده مز

شوقدر وارکه برکیمسه دیکرک ذمتنده اولان آلاجغنی برجهته
خیره وقف اولمق اوزره وصیت ایلسه صحیح اولور

بوصورتده اوکیمسه آلاجغنی مدیوندن قبض ایتکسزین وفات
ایدوب ثلث مالی اووصیته مساعده اولسه دین مذکورمدیوندن
قبض اولندقدمه تعیین اولنان جهته عائد اولمق اوزره وقف
اولمش اولور .

کذلک بر عقارک عینی وقف اولنمیوب یالکز منافی وقف اولنمق
صحیح دکلدور

مثلا برکیمسه ملکی اولان برخانک رقبه سنی ملککنده ابقایده رک
یالکز غله واجارده سنی بر جهت خیره وقف ایلسه وقف صحیح
اولماز

فقط برکیمسه فلان عقاریمک غله سنی مؤبد آفقارایه صدقه ایتدم

دیسہ بطریق الاقتضا اول عقاری فقرا ایچون وقف ایتیش اولور.

۶۱ (مسئله)

مال موقوفه غیرک حق تعلق ایتمک شرط دکلدر بناء علیه برکیمسه آخره رهن ویا ایجار ایتیش اولدینی عقاری برجهته وقف ایاسه صحیح اولور .

وبوقت سبیلہ عقد ورهن وعقد ایجاره منتقض اولماز صورت اولاده مدت اجازه منقضی ویا خود احد عاقدینک وفاتیلہ اجاره منفسح اولدقده ویا خود بالتراضی عقد اجاره منفسح اولدقده و صورت ثانیہ ده اداء دین اولنه رق رهن فک ایدلدکده اول عقار قنخی جهته وقف ایدلمش ایسه اورایه عائد اولور فقط واقف مرتبه اولان دینی ادا ایتمک سمرین وفات ایدرسه نظر اولنور

اگر واقفک ادای دینه وافی دیکر مالی واریسه اول مال ایله مرتبه اولان دینی ایضا اولنه رق اول عقار وقفیت اوزره قالور . واکر وقفک دیکر مالی یوغیسه او صورتده مال موقوف صاتیله رق مرتبه اولان دینی ادا اولنور

۶۲ (مسئله)

موقوفک مشغول اولمامنی شرط دکلدر بناء علیه برعین کرک وقفک وکرک دیکرک مالیه مشغول بواندینی حالده وقف اولنسه وقف صحیح اولور .

مثلا بر کیمسه دروننده کندی اشیاسی بولنان بر خانه سنی اول
اشیادن تخلیه ایتیکسزین وقف ایلسه وقف صحیح اولور
کذلک بر کیمسه مک خانه سنده دیگر کیمسه نک اشیاسی بولندی
حالده او کیمسه قبل التخلیه اول خانه یی وقف ایلسه وقف صحیح اولور
۶۳ (مسئله)

موقوفک حین وقفده واقفک مالی اولسی شرطدر
بناء علیه بر کیمسه دیگر کیمسه نک مالی بلا اذن فضولا وقف
ایلسه صحیح اولماز
فقط بوجه محرر فضولا وقف ایتدکن صکره مال صاحبی
اووقفی مجیز اولسه اوصورته وقف صحیح اولور [*]
مال صاحبی مجیز اولقسزین فضولا وقف ایدن کیمسه اول ماله
مالک اولیورسده اول مال وقف اولمش اولماز مثلا بر کیمسه
اقرباسدن بر شخصک مالی فضولا وقف ایدوب بعده اوشخص
وقفی مجیز اولقسزین وفات ایدوبده وراثتی او کیمسه یه منحصر
اولسه ویاخود غاصب غصب ایتمش اولدینی مالی فضولا وقف
ایتدکن صکره قبل الاجازه اول مالی مغضوب منهدن اشترا
ایدیورسه بوجه مشروح وقوعبولمش اولان عقد فضولی یه
بناء اول مال وقف اولمش اولماز

کذلک بر کیمسه بالاجارتین تحت تصرفده اولان وقف عقاری
مؤسسات خیریه دن برینه وقف ایلسه صحیح اولماز [*]

[*] چونکه اجارت لاحقه وکالت سابقه کبدر

[*] چونکه بالاجارتین مستأجر اولان کیمسه مستأجر فیه اولان

مال ووقفک یالکر منفعتنه مالکدر رقبه سنه مالک دکلدر

کذا دیونی ترکہ سنده ازید اولدینی حالده وفات ایدن کیمسه نیک ورثه سی ترکہ دن بر عقارک قیمتی غرمایه ادا ایله اول عقاری استخلاص و تملک ایتیمکسزین برجهته وقف ایلسه لروقف صحیح اولماز

بناء علیه غرما بروجه مشروح وقوعبولان وقفی طوتمیوب اول عقاری قسمت غرمایه ادخال ایده بیلورلر

۶۴ (مسئله)

موقوفک مفرز اولسی شرط دکادر

بناء علیه کرک شیوع اصلی و کرک شیوع طاری وقفک صحته مانع ارلماز

مثلا بر کیمسه بر عقاردن نصف ویا ربع کبی حصه شایعه سی وقف ایلسه کرک اول عقار قابل تقسیم اولسون و کرک اولسون هر حالده وقف صحیح اولور

کذلک بر کیمسه ملکی اولمق اوزره بر عقارک مجموعی وقف ایتدکدنصکره اول عقارک نصف ویا ثلث کبی بر مقدار شایعه مستحق چیقوب بعدالاثبات و الحلف اول مقدار مستحقه حکم اولنسه ذکر اولنان عقارک اول مقداردن ماعداسنده وقف منتقض اولمیوب علی حالا قالور

شو قدر واره مسجده ویا مقبره اولمق اوزره بر ملکک حصه شایعه سی وقف ایتک اولماز

کرک او ملک قابل تقسیم اولسون و کرک اولسون

۶۵ (مسئله)

موقوفك معين ومعلوم اولسى شرطدر
 بناء عليه بر كيمسه لاعلى التعيين مالمدين برشى وقف ايتدم وياخود
 لاعلى التعيين شو ايكي دكاندن برينى وقف ايتدم وياخود شو
 زيتونلقده مالك اولديغ زيتون اشجارندن لاعلى التعيين اون
 عددننى وقف ايتدم وياخود ملكم اولان عرصه دن لاعلى التعيين
 شوقدر زراع محلى وقف ايتدم ديسه وقف صحيح اولماز
 فقط بر كيمسه ديكريله على الاشتراك مالك اولديغى بر عقاردن حصه
 شايه سنك نمقدار اولديغى بيان ايلميه رك اول عقاردن حصه
 شايه سنى وقف ايسه صحيح اولور

۶۶ (مسئله)

موقوفك حدودىنى بيان ايتك وقفك صحته شرطدكلدر
 بناء عليه بر كيمسه اشارت ويا توصيف ايله معلوم اولان بر عقارىنى
 وقف ايتدكده حدودىنى بيان ايلماسه وقف صحيح اولور

۶۷ (مسئله)

وقفك منجر اولسى شرطدر
 بناء عليه وقفده موجود وحقق اولميان بر شئيه تعالىقأوقوعبولان
 وقف صحيح اولماز
 مثلا بر كيمسه آخر ديارده اولان اوغلم كلور ايسه وياخود مبتلا
 اولديغ مرضدن افاقت بولور ايسه م فلان مالم وقف اولسون
 ديوبده بغده صورت اولاده اوغلى اول دياردن كلسه وصورت
 ثانيه مبتلا اولديغى مرضدن افاقت بولسه بيله وقف صحيح
 اولماز

۶۸ (مسئله)

موجود و محقق اولان بر شیئه تعلیق تنجیزدر
بناء علیه حین وقفه موجود و محقق اولان بر شیئه معاق
اوله رق وقوع بولان وقف صحیح اولور
مثلا بر کیمسه کندوسنک تحت تمامکننده اولان بر عقار اشارت
ایدرك اکر شو عقار بنم ملکم ایسه وقف اولسون دیسه وقف
صحیح اولور

کذلک زمان مستقبله مضاف اوله رق وقوع بولان وقف صحیح
اولماز

مثلا بر کیمسه فلان عقاریمی کله جک فلان سنه نك ابتداسندن
اعتباراً وقف ایتدم دیوب بعده وقت مذکور حلول ایتسه بیله
وقف صحیح اولماز

کذلک بر کیمسه فلان عقارم وفاتمدنصکره وقف اولسون دیسه
فی الحال وقف صحیح ومنعقد اولماز

فقط بوصورتنده او کیمسه اوعقارک وقف اولنسنی وصیت
ایتمش اوله جغندن او وصیت اوزرینه ثابت ومصر اوله رق
وفات ایدوبده ثلث مالی وقفه مساعد و یا خود ورثه بحیز اولدینی
تقدیرده اول عقارک تمامی وقف صحیح ایله وقف اولمش اولور
تتکیم باب ناینک فصل اوانده تفصیلاً بیان اولنه جقدر

۶۹ (مسئله)

وقفده خیار شرط اولماق شرطدر
بناء علیه خیار شرطله وقوع بولان وقف صحیح اولماز

مثلا بر کیمسه بر مدت ایچنده وقفی ایتک و یا خود انفاذ ایتک خصوصاً نرنده بخیر اولمق اوزره بر مال وقف ایتسه کړک اودت معلوم اولسون و کړک اولسون علی الاطلاق وقف صحیح اولماز

شوقدر واز که واقفک بخیر اولماق اوزره بر ملکینی مسجد اوله رق وقف ایلسه خیاری باطل و وقف صحیح اولور
۷۰ (مسئله)

وقفک مؤبد اولمسی لازمدر

بناء علیه موقت اولان وقف صحیح اولماز

مثلا بر کیمسه ملککی اولان بر عقاری اون سنه مدتده وقف اولمق و آند نصکره ینه کندی ملکینه رجوع ایتک اوزره وقف ایلسه وقف صحیح اولماز

کذلک واقف وقفنک مؤبد اولمسنه منافی بر شرط ذکر ایدرک وقف ایلسه وقف صحیح اولماز

مثلا بر کیمسه ملک عقارینی وقف ایدر اولدقده حین اقتضاده اول عقاری بیع و ثمنی کندی مصرفه صرف ایتک شرطیه وقف ایلسه وقف صحیح اولماز

فقط عقار موقوف ایلروده بیع اولنوب ثمنیه وقف ایچوندها فائده بر عقار اشترا اولمسنی شرط ایدرایسه اوصورتده وقف صحیح و شرط معتبر اولور

شوقدر واز که شرط مذکور موجبنه عقار موقوف بیع اولنه حق اولدقده حاکمک انضمام رأی لازمدر

۷۱ (مسئله)

وقفك مشروط لهی ذكر اولند قدده قطعی صورتده تعیین ایدلك لازمدر

بناء علیه مشروطله تشكيك وترديد ایديلهرك بر مال وقف اولنسه وقف صحیح اولماز

مثلا بر کیمسه مالی وقف ایتدکده اول مالی یافلان معبدده و یافلان مکتبه وقف ایتدم دیوبده انلردن برینی قطعی صورتده تعیین ایتیهرك مشکوک و مردد اولهرق وقف ایلسه وقفی صحیح اولماز شو قدر وارکه غله بی صرف خصوصنده واقفك متولی بی بر قاج جهت بیننده مخیر بر اقسای وقفك صحتنه خلل ویرمن

مثلا واقف وقفمه متولی اولان ذات وقفك غله سنی دیلر سه فلان مکتبك لوازمه و دیلر سه فلان خسته خانه نك مهماتنه صرف ایتسون دیو شرط ایدرك وقف ایلسه وقف صحیح اولور كذلك واقف وقفمه متولی اولان ذات وقفك غله سنی وجوه خیردن مناسب کور دیکی محله صرف ایتسون دیو شرط ایدرك وقف ایلسه وقف صحیح اولور

۷۲ (مسئله)

وقف ایديلهك ابنیه و اشجارك مستحق القلع اولماسی شرطدر بناء علیه مستحق القلع اولان ابنیه و اشجارك وقفی صحیح اولماز مثلا بر کیمسه یدغصبنده اولان بر عرصه اوزرینه نفسی چون بنا احداث ایدوب بعده اول بنایی بر جهته وقف ایلسه وقف صحیح اولماز

كذلك بر كيمسه اراضی اميريه دن طابو ايله تصرفنده اولان تارلايه
بلا اذن صاحب الارض ابنیه احداث ویا اشجار غرس ایدوب
بعده اول ابنیه ویا اشجاری وقف ایلسه صحیح اولماز

كذلك بر كيمسه اجاره ايله تصرفنده اولان وقف عرصه اوزرينه
بلا اذن المتولی نفسی چون ابنیه احداث ویا اشجار غرس ایتد کدن
صو کره اول ابنیه ویا اشجاری بر جهته وقف ایلسه وقف صحیح اولماز.
اما اذن صاحب ارضله ارض میری اوزرینه احداث ایلدیکی
بنایی ویا غرس ایلدیکی اشجاری ویا خود عرصه موقوفه اوزرینه
اذن متولی ايله نفسی چون احداث ایلدیکی بنایی ویا خود غرس
ایلدیکی اشجاری وقف ایلسه وقف صحیح اولور

۷۳ (مسئله)

بر كيمسه اراضی اميريه دن طابو ايله تصرفنده اولان تارلايه
صاحب ارض دن اذن استحصا ل ایتد کسزین اشجار غرس ایتد کدن
صکره اوچ سنه مرور ایدوب اول اشجار دن انتفاع اولنمق درجه سنه
کلد کد نصکره اول اشجاری وقف ایلسه وقف صحیح اولور [*]

[*] چونکه اراضی قانونک یکر می بشنجی ماده سنده ارض میری
اوزرینه مأمورینک اذنی اولمق سزین متصرفی طرفندن اشجار مشمره غرسيله
باغچه اتخا ذ اولدینی حالده اوچ سنه یه قدر جانب میرینک اول اشجاری
قلع ایتدیر. که صلاحیتی اولمی و اوچ سنه تجاوز ابدوبده اول اشجار دن
انتفاع اولنمق درجه سنه ککش ایسه علی جاله ترك اولنمق لازم
کله جکی مصرح اولسنه نظرا بلا اذن غرس اولوبده اوزرینه اوچ سنه
مرور ایدرک انتفاع اولنمق درجه سنه ککش اولان اشجار مستحق القلع
اولمقن حیقار بناء علیه اول اشجارک وقفی صحیح اولور

۷۴ (مسئله)

موقوف عليهم هم حد ذاتنده و همده واقفك اعتقاد تنده قربت
و عبادت نوعدن اولمسی شرطدر
بناء عليه حد ذاتنده و نهده واقفك اعتقاد تنده قربت و عبادت
اولمیان بر جهته وقف صحیح اولماز

كذلك حد ذاتنده قربت و عبادت اولوبده واقفك اعتقاد تنده
قربت و عبادت اولمیان و بالعکس واقفك اعتقاد تنده قربت و عبادت
اولونده حد ذاتنده قربت و عبادت اولمیان جهتلرنده وقف صحیح اولماز

۷۵ (مسئله)

موقوف عليهم ذكر و تعيینی شرط دكلدر
بناء عليه بر کیمسه مالنی وقف ایتد کده موقوف عابهی ذکر
و بیان ایلماسه وقف صحیح اولور
بوصورتده اول وقفك غلهسی مطلقا فقرایه صرف اولور

۷۶ (مسئله)

موقوف عليهم معدود و محصور اولمسی شرط دكلدر
مثلا بر کیمسه عقارینی وقف ایتد کده غلهسنی علی اطلاق
فقرایه شرط ایلمسه وقف صحیح اولور

۷۷ (مسئله)

حين وقفده موقوف عليهم موجود اولمسی شرط دكلدر
مثلا هنوز اولادی اولمیان بر کیمسه عقارینی وقف ایدوب
غلهسنی اولادینه شرط ایلمسه وقف صحیح اولور

بوصورتده واقفك بعدالوقف تولد ايدن اولادى شرط
 مذكوره بناءاول عقارك غلهسنه مستحق اولور
 كذلك برکيمسه معبد ومکتب کي برائر خير بنا ايتک ايجون
 بر محل تهيه ايدوب فقط اول محله اثرمذکوري هنوز بنا
 ايتمکسزين بعض عقاراتي وقف وغلهسني اثرمذکوره شرط
 ايلسه وقف صحيح اولور لر
 مؤخر اثرمذکور بنا اولندقدده عقار موقوفک غلهسي اكا
 عائد اولور

صورت اولاده واقفک اولادى تولد ايدنجيه وصورت ثانيه ده
 اثرمذکور بنا اولنجيه دكين عقار موقوفک غلهسي فقرايه
 صرف اولور
 بومثللا ابتداء مشروط لهي موجود اوليان وقفه منقطع اولان
 دينور

استطراد

۷۸ (مسئله)

بروقفك مشروط لهي ابتداء موجود اولوبده صکرده دن منقطع
 ومنقرض اولسه اول وقفه منقطع الآخر دينور
 مثلا وقف واقفك غلهني ذريته شرط ايدوب بعده واقفك
 ذريتي بر مدت غله وقفه متصرف اولدقدن صوکره بلاد اول
 وفات ايدرك ذريت واقف بالکليه منقرض اولسه اول وقفه
 منقطع الآخر دينور

۷۹ (مسئله)

بر وقفك مشروط لهی ابتداء موجود اولدينی حالده برارالق
منقطع اولوب بعده ينه ظهور ايلسه اولوقفه منقطع الوسط
دينور

مثلا واقف وقفك غله سنی ذريتك ذكورينه شرط ايدوب
بعده ذكور بر مدت غله وقفه متصرف اولدقدنصـكره انجق
اولاد اناتنی ترك ايدرك وفات ايدوب بوجهله مشروطله منقطع
اولدقدن بر مدت مرورنده واقفك اولاد انانندن اولاد ذكور
تولد ايتسه اول وقفه منقطع الوسط دينور

وقف منقطعك جميع انواعه مشروط لهك وجودی تقديرنده
آكام مشروطه اولان غله مشروط لهك انقطاع وفقدانی زماننده
فقرايه صرف اولنور .

لاحقه

۸۰ (مسئله)

مشروطو لهی منقرض اولق احتمالی اولان وقفده واقف طرفندن
بر جهت مؤبدہ ذکر و علاوه ايدلميدر .

مثلا بر كيمسه وقفك غله سنی ذريتك فقراينه شرط ايلدكه
اكر ذريت منقرض اولوبده بو شرطك اجراسنی متعذر اولور
ايسه غله وقف مطلقا فقرايه مشروطه اوله ديو بر جهت
مؤبدہ ذکر و علاوه ايتلميدر .

فصل ثالث

صحیح اولوب اولمیان وقفار حقننده در

۸۱ (مسئله)

بر کیمسه آخردن اشترا ایتدیکی بر مالی قبل القبض وقف
ایسه نظر اولنور اکر اول مالک ثمنی بایعه ادا ایتدکن صکره
وقف ایتمش ایسه وقف صحیح اولور .

واکر ثمنی ادا ایتدکنسزین ایسه او صورتده ثمنی ادا ایدنجیه
دکین وقف معاق و موقوف قالور .

اداء ثمن ایتدکده وقف صحیح و نافذ اولور .

۸۲ (مسئله)

شراء فاسد ایله اشترا اولنان بر مالی مشتریك بعد القبض وقف
ایتمی جائزدر .

بر وجه محرر وقف اولندقدده آرتق بایعك حق فسخی

قالماز فقط مال موقوفك قیمتی واقفك بایعه ضامن اولمسی لازم
کلور اما شراء فاسد ایله اشترا اولنان بر مالی قبل القبض
مشتریك وقف ایتمی جائز دکادر .

هبة فاسده بو حکمدده بیع فاسد کیدر .

۸۳ (مسئله)

شراء باطل اینه اشترا اولنان مال ولوبعد القبض مشتری طرفندن
وقف اولنسه وقف صحیح اولماز .

مثلا بر کیمسه بر یتیمک عقارینی ثمن مئامن نقصان فاحش ایله ولی ویا وصیسندن اشترا ایدوب بعدد اول عقاری بر جهته وقف ایتسه وقف باطل اولور

بناء علیه یتیم بالغ اولدقده اول عقاری وضع الید اولان متولیدن استرداد ایدر

کذلک بر کیمسه وقف لازم ایله وقف ایدلمش بر مالی اشترا ایدوب بر جهته وقف ایتسه وقف ثانی باطل اولور

کذا بر کیمسه بیت الماله عائد اولان بر عقاری ثمن مئامن نقصان فاحش ایله امین بیت المالدن اشترا ایدوب بعده بر جهته وقف ایتسه وقف باطل اولور

۸۴ (مسئله)

بر کیمسه مدت معینه ایچنده مخیر اولق اوزره اشترا وقبض ایتدیکی بر مالی مدت خیار منقضى اولمکسزین وقف ایلسه وقف صحیح و خیار باطل اولور

کذلک بایع مدت معینه ایچنده مخیر اولق اوزره بیع ایتدیکی بر مالی مدت خیار مرور ایتمکسزین وقف ایلسه بیع باطل و وقف صحیح اولور

۸۵ (مسئله)

بر کیمسه بر جهته مشروطه اولان وقف عرصه اوزرینه متولیدی اذنیله بنا احداث ایدوب بعده اول بنایی بشقه بر جهته وقف ایتسه بیله وقف صحیح اولور

اما بر کیمسه عرصه و بناسی ملک اولان بر عقارک عرصه سنی
ملککنده ایفا ایدرک یالکیز بناسنی بر جهته وقف ایلسه وقف
صحیح اولماز

اشجار ایله کروم بو حکمده بنا کییدر

۸۶ (مسئله)

بر کیمسه بر عقارینی وقف ایتدکده کندوسی مدت حیاتنده اول
عقاره دیلدیکی کی متصرف اولمق و بعدالوفات اول عقار بیع
اولوب ثمنی و چوه خیره صرف اولمق اوزره وقف ایلسه
وقف صحیح اولماز (۶۸) مسئله نک فقره نائیه سنه مراجعت
اولنه

فقط بو وقف ضمتنده اول عقارک بیعیله ثمنک فقرایه صرف اولمسنی
وصیت ایتمش اولدینی جهته آنده احکام وصیت جریان ایدر

۸۷ (مسئله)

بر کیمسه آخره وصیت ایتمش اولدینی بر مالی وقف ایلسه وصیتدن
رجوع ایتمش اولور

بناء علیه وقف صحیح و وصیت باطل اولور

مثلا بر کیمسه ملک منزلی دیگر کمسنه یه وصیت ایتدکده انصکره
اولی منزلی بر جهت خیره مسجلاً وقف ایتسه وقف صحیح
و وصیت باطل اولور

بو صورتده واقف وفات ایتدکده اول کمسنه مجرد واقف اول
منزلی وقف ایتزدن مقدم بکا وصیت ایتمش و ثلث مالی وصیت

مساعدا بولنش اوانغله اول منزلی بحکم الوصیه بن ضبط ایدرم
دیه من

۸۸ (مسئله)

یا لکز کتابتله وقف صحیح اولماز
بایک اعلان و اشهاد لازمدر

بناء علیه بر کیمسه بر وقف انشا ایتدیکنه دائر بروقفنامه تحریر
وتنظیم ایدوب فقط اول وقفنامه بی محضر شهوده قرائتله
مضمونتی اعلان و اشهاد ایتماسه وقف صحیح اولماز
۸۹ (مسئله)

منفعت وقفی واقفک کندویه ویا اولادینه شرط ایتدی وقفک
صحنه خالی ویرمن

مثلا بر کیمسه بر خانه وقف ایتدکده انک غله ویا سکناسنی
حیاتده اولدجقه نفسنه بعدالوفاة اولادینه واولاد اولادینه
شرط ایلسه وقف صحیح شرط ومعتبردر

کذلک بر کیمسه مالنی وقف ایتدکده ایلروده ظهور ایدمجاک
دینک اول وقفک غله سندن ادا اولمنسنی شرط ایلسه وقف
صحیح و شرط معتبردر

۹۰ (مسئله)

استبدال شرطیله وقوعبولان وقف صحیح اولور
مثلا بر کیمسه ملک خاننی وقف ایتدکده ایلروده لدی الحاجه
اول خانک دیکر بر عصار ایله استبدال اولمنسنی شرط ایلسه
وقف صحیح اولور

فقط وقف ایلدیکی عمار ایلروده ساتیلوبده ثمنك فقرايه تصدق اولمنسی شرط ایلمسه بو شرطله اولان وقف صحیح اولماز
 ۹۱ (مسئله)

ارضه تبعاً حق شربك وقواته تبعاً صویك وقفی صحیح اولور
 ۹۲ (مسئله)

برکیمسه مسجد اولق اوزره خانه سی دروننده بر محل بنا ایدوب فقط اكا خارجدن جماعت دخول ایتك ایچون طریق افراز وکشاد ایتامسه اول محله مسجد حکمی ویرلر
 بناء غایه اول محلی خانه نك مشتملاتندن معدود اوله رق کندو
 سنده انواع ملکیت اوزره تصرف جائزدر
 ۹۳ (مسئله)

فوقانی اوله رق بر مسجد بنا ایدوب تحینه اول مسجدك مصا -
 لایچون بعض عمارات انشا ووقف ایتك جائزدر
 اما تحتانی اوله رق بنا اولمش بر مسجدی هدم ایله یرینه عمار وانك فوقنه مسجدی بنا ایتك جائز دکلدر

فصل رابع

من غیر ذکر وقفده داخل اولوب اولیان شیلر حقمندهدر
 ۹۴ (مسئله)

برکیمسه بر عمار وقف ایتدکده اول عمارك طریق خاص وحق شرب وحق مسیل کبی حقوق و مرافقنی وقف ایتدیکنی ذکر ایلمسه بیله اول عماره تبعاً انلردخی وقفده داخل اولمش اولور

۹۵ (مسئله)

بر عرصه وقف اولند قدّه حین وقفده اوزرنده بولنان ابنیه
واشجار وکروم بن غیر ذکر وقفده داخل اولور

۹۶ (مسئله)

حین وقفده اشجار اوزرنده ظهور ایتش اولان میوه وقفده
داخل اولیوب واقفک ملکی اوله ری قالور
کذلک بر بستان وقف اولند قدّه دروننده بولنان سبزه وقفده
داخل اولیوب واقفک ملکی اوله رق قالور

۹۷ (مسئله)

حدود و مشتملاتی بیان اولنه رق وقف ایدلمش اولان بر عقارک
مشتملاتی حین وقفده نقصان ذکر اولنسه شرعاً اعتبار حدوده
اولدیغندن حدود داخلنده بولنان مشتملاتک جمله سی وقفده
داخل اولمش اولور

مثلاً یکر می اوطه یی مشتمل بر خان وقف اولنورکن اون بش
اوطه یی مشتملدر دیو توصیف و حدودی بیان اولنسه بیان اولنان
حدود داخنده بولنان یکر می اوطه تمامیه وقفده داخل اولمش
اولور فقط بر کیسه حدودینی بیان ایدرک بر عقارینی وقف ایتدکن
اول عقارک بعض مشتملاتی وقفدن استثناء و ملکنندن ابقا ایلاسه
اول حالده استثناء ایلدیکی بعض مشتملات وقفده داخل اولماز
مثلاً بر کیسه حرم و سلاملق دائره لرینی مشتمل اولان بر قوناغی
حدودینی بیان ایدرک وقف ایدمچک اولد قدّه سلاملق دائره سنی

ملككمده ابقا ايدوب يالكنز حرم دائره سنى وقف ايتدم ديسه
سلاملق دائره سى وقفدن خارج اولور

۹۸ (مسئله)

بر كيمسه ديكريله شريك اولدينى بر عقارده حصه شايعه
شومقدارده ديو بر مقدار معين بيان ايدرك وقف ايتدكدن صكره
كنمدرسنگ اول عقارده حصه شايعه سى بيان ايديكى مقداردن
زياده اولدينى ظاهر اولسه وقف صحيح و ظهور ايدن زياده
دخى وقفده داخل اولمش اولور

مثلا بر عقار مشتركده حصه شايعه سى ربع مقدارى اولدينى
بيان ايدرك وقف ايتدكدن صكره اول عقارك نصف حصه
شايعه سى كنمدرسنگ ملكى اولدينى ظاهر اولسه وقف صحيح
و ظهور ايدن زياده دخى وقفده داخل اولمش اولور

فصل خامس

وقف مريضه دائردر

۹۹ (مسئله)

مديونك مرض موتنده غرمانك حقوقنى ابطاله مؤدى اولان
تصرفاتى نافذ دكلدر

بناء عليه ديونى اموالندن ازيد اولان كيمسه مرض موتنده بعض
اموالنى وقف ايتدكدن صكره وفات ايلسه دايملر وقفى طوتميوب
مال موقوفى قسمت غرمائه ادخال ايتديره بيلورلر

۱۰۰ (مسئله)

وارثی اولمیان کیمسه نك مرض موتنده تبرعاتی جمع مالنندن
معتبردر

بناء علیه اصلا وارثی اولمیان کیمسه مرض موتنده جمیع اموالی
بر جهت خیره وقف ایسه وقف صحیح و نافذ اولور
بو صورتده بعد الوفاة این بیت المال اموال موقوفهیه مداخله
ایده من

۱۰۱ (مسئله)

وارثی اولان کیمسه نك مرض موتنده تبرعاتی انجق ثلث مالنندن
معتبردر

مکر ورثه ثلثندن زیاده ده تبرعی مجیز اولمش اوله
بناء علیه بر کیمسه مرض موتنده بر مالی مسجلاً وقف ایدوب
بعده ورثه سنی ترك ایدرك وفات ایسه نظر اولنور
اكر ثلث مالی وقفه مساعد ایسه كرك ورثه مجیز اولسون
و كرك اولسون هر حالده وقف صحیح اولور
واكر ثلث مالی وقفه مساعد دكل ایسه ورثه مجیز اولسون
اول مالک جمله سی وقف اولمش اولور

ورثه مجیز اولمز ایسه اوصورتده ثلث مال مقصداری وقف
اولوب اندن زیاده سنی ورثه میراثه ادخال ایده بیلورلر
ورثه نك بعضیسی مجیز اولوب بعضیسی مجیز اولمديغی تقدیرجه
ثلث مال مقداريله برابر مجیز اولان ورثه نك حصه لری دخی وقف
اولمش اولور

بو صورتده مجيز اولميان وارث مال موقوفدن حصه سنى آخره
بيع ايتد كدنصكره واقفك ديكر مالى ظهور ايدرك ثلث مالك
وقفه مساعد اولدينى تبين ايتسه اول بيع نقض اولنه، يوب
على حانه قالور

فقط صاتيلا ن حصه اول وارثه تضمين ايدير يلوب ضماناً النان
مباغ ايله بيع اولنان حصه يرينه وقف اولمق اوزره ديكر بر
مال اشترا اولنور
١٠٢ (مسئله)

ثلث مقدارندن زياده ورثه نك وقفه اجازتي واقفك وفاتندنصكره
اولمق شرطدر
بناء عليه قبل الوفات ورثه نك اجازت وياردر يرينه اعتبار يوقدر
١٠٣ (مسئله)

بر كيمسه مرض موتنده ملكي اولان بر عقارى وقف ايتد كدنصكره
ايكي نفر وارثنى ترك ايدرك وفات ايتد كده متوفانك ثلث مالى
اووقفه مساعد اولماغله او وارثلردن برى ثلثدن زياده ده وقفى
مجيز اولوب ديكرى مجيز اولمق سز ين وفات ايدوبده نك وراثتى
مجيز اولان وارثه منحصر اولسه ثلثدن زياده ده وارث
متوفانك حصه سنده وقفك صحى مجيز اولان وارثك تكرار
او حصه حقنده دخى اجازته متوقفدر اجازت سابقه كفايت
ايتمز

١٠٤ (مسئله)

زوجه سندن ماعدا وارثى اولميان بر كيمسه مرض موتنده جمع

اموالی مسجلاً وقف ایدوب وفات ایتسه زوجہ سی وقفی مجیز اولدیغی تقدیرجه متوفانک جمیع اموالی وقف اولمش اولور مجیز اولدیغی تقدیرجه ترکه نك سـدسی زوجہ یه عائد اولوب ماعداسی وقف اولمش اولور .

۱۰۵ (مسئله)

زوجندن ماعداد وارثی اولمیان بر قادین جمله مالی مسـجلاً وقف ایتدکدن صکره وفات ایتسه زوج وقفی مجیز اولدیغی تقدیرجه متوفانک جمله مالی وقف اولمش اولور .
مجز اولدیغی تقدیرجه ترکه نك ثانی زوجہ وریلوب آندن ماعداسی وقف اولمش اولور .

۱۰۶ (مسئله)

مرض زائل صحت حکمنده در .

بناء علیه بر کیسه خسته واسیر فراش اولدقده بعض املاکی مسجلاً وقف ایدوب بعده مرض مـذکور زائل اوله رق بر مدت سالماً کزدکدن صکره وفات ایلسه ورثه سی مجرد خسته لیکن وقف ایتمکله ثابندن زیاده وقفی طوتمایز دیه منزلر .

۱۰۷ (مسئله)

بر سنه دن زیاده ممتد اولان مرض مزمن مریضـک حالی تعیر ایتمدکجه صحت حکمنده در .

بناء علیه بر سنه دن زیاده مدت بر مرض مزمنه مبتلا اولان کیسه حالی تغیر ایتمزدن اول بعض املاکی مسجلاً وقف ایدوب بعده

بر قاج کون مرورنده حالى متغير و مرضى مشد اوله رق وفات ايلسه اول وقف متوفانك جميع مالندن معتبر اولور بو صورتده متوفانك ورثهسى ثلثدن زياده ده وقفى طوتماي ز ديه منزل

اما حالى تغير ايتدكدن صكره وقف ايدرسه اوصورتده ثلثدن معتبر اولور بناءً عليه بو صورتده ورثه ثلثدن زياده ده وقفى طوتماي ز ديه بيلورلر

۱۰۸ (مسئله)

بر كيمسه مرض موتنده بر مالى وقف و منفعتى ورثه سندن برينه و بعد وفاته بر جهت خيره شرط ايتدكدن صكره واقف وفات ايدرك ثلث مالى وقفه مساعد اولسه وقف صحيح اولور بو صورتده سائر ورثه مجيز اولور ايسه منفعت وقفه ياللكيز مشروط له اولان وارث متصرف اولور

مجيز اولمدينى تقديرجه منفعت وقفه ياللكيز مشروط له اولان وارث متصرف اولوب ايسكه انك حياتنده انكله برابر سائر ورثه دخى مسئله ميراثيه لرى وجهله متصرف اولورلر

مشروط له اولان وارث حياتنده سائر ورثه دن بريسى وفات ايتسه متوفانك حق انتفاعنده ورثهسى انك مقامنه قائم اولور مشروط له اولان وارث وفات ايتدكده منفعت وقف تماماً ايكنجى درجه ده مشروط له بولسان جهت خيره عائد اولوب آرتق سائر ورثه نك بر وجه محرر تصرفه حق و صلاحيتلى قالماز

اما بر کیمسه مرض موتنده بر مالنی وقف و منفعتنی بعض ورثه سنه شرط ایدوب مشروطله اوله رق بشقه بر جهت خیر بیان ایتماسه او صورتده سائر ورثه وقفی مجیز اولمدینی تقدیرده ثالث مساعد اولسه بیله وقف باطل اولوب اول مال جمله ورثه یه موروث اولور

۱۰۹ (مسئله)

بر کیمسه بر عقارینی مسجد اولق اوزره مرض موتنده وقف ایتد کدنصکره وفات ایدوب ثالث مالی وقفه مساعد اولماسه ورثه ثلثدن زیاده ده وقفی مجیز اولمدینی تقدیرجه اول عقارک کایسنده وقف باطل اولور

بناء علیه اول عقار تماماً ورثه یه موروث اولور (۱۰۸) مسئله نک فقره اخیر سنه مراجعت اولنه

۱۱۰ (مسئله)

وقف صحته و تسجیل مرض موتنده وقوعبولسه اعتبار حال وقفه در یوقسه حال تسجیله دکلدر

بناء علیه بر کیمسه حال صحته مالکی اولان بر عقاری بدون التسجیل وقف ایدوب بعده اول وقفی مرض موتنده تسجیل ایتد ایدوب وفات ایتسه اول وقف متوفانک جمیع مالندن معتبردر یوقسه ثالث مالندن معتبر دکلدر

بناء علیه بوصورته واقفک ورثه سی مجرد تسجیل مرض موتنده وقوعبولش اولغله وقف ثلثدن معتبر اولمش اولور دیو ثلثدن زیاده ده وقفی طوتمایز دیه منزله

باب ثانى

وقفك لزوم وعدم لزومنه دائر مسائل حقنده اولوب
ايكى فصلى حاويدر

فصل اول

وقفك كيفيت لزومنه دائردر

۱۱۱ (مسئله)

وقف منعقد اولد كدنصكره انك لازم اولمى ذكرى آتى ايكى
طريقك برينه متوقفدر
طريق اول تسجيل يعنى برحا كمك لى المرافعه وقفك لزوميله حكم
ايتسيدر

شويله كه باب اولك فصل ثانیسـنده بیان اولنان شرائط صحته
توفیقاً بر کیمسه مالی اولان برعین وقف ولاجل التسجيل نصب
ایلدیكى متولی به تسلیم ایتد كدنصـكده وقفندن رجوع ایدوب
اول عینی كالاول ماىكى اولمق اوزره متولیدن کیرو آلمق مراد
ومتولی دخى انك رد واعاده سندن امتناع ایدوب بوجهله واقف
ایله متولی بیننده نزاع واختلاف وقوعبولوبده برحا كم حضورنده
مرافعه اولد قلرنده حاكم دخى وقف لزوم وعدم لزومى حقنده
بین المجتهدین جریان ایدن اختلافاته عالم اولدیغى حالده جانب
وقفى ترجیح ایدوب لزوم وقفه قائل اولان مجتهدك رأی

موجب‌بنجه اول وقفك لزوميله حکم ايلسه وقف لازم اولور [*]

بروجه مشروح مرافعه جريان ايتمکسزین يالکسز واقفک و يامتوايدن برينک مراجعتی اوزرينه حاکم وقفک لازم اولسنی رأی ايتدم

[*] وقفک جوازی متفق علیهمدر فقط عقد لازم اولوب اولماسنده مجتهدین بیننده اختلاف وقوع بولمشر .

امام ابی حنیفه حضر تلی وقفک اعاره کبی بر عقد غیر لازم اولسنه و امام محمد حضر تلی تسلیم الی المتولی شرطیله وقفک لازم اولسنه و امام ابی یوسف حضر تلی علی الاطلاق وقفک عقد لازم اولسنه قائل اولمشر در امام ابی حنیفه حضر تلرینک رأبنه کوره بر کیمسه بر مالی وقف و متولی به تسلیم ایتسه بیله مال موقوف واقفک ملکندن خروج ایتدیکی جهتله وقفدن رجوع ایدوب انواع ملکیت اوزره مال موقوفه تصرف ایده بیلور واقفک وفاتنده ورثه سی ایچون دخی بوضاحت واردر

امام محمد حضر تلرینک رأبنه کوره متولی به تسلیم اولنیاں وقفده حکم بویله جه در امام ابی یوسف حضر تلرینک اجتهدینه کوره واقف مجرد وقف ایتدم دیسمیله مال موقوف ملک واقفدن خروج ایدوب آرتق اندن رجوع ایله ملکیت وجهله تصرف باطل اولور

بین المجتهدین اختلاف وقوع بولان بر مسئله به متعلق بر خصوصده قاضی مجتهدیندن برینک رأبنی ترجیح ایدوب انک موجب‌بنجه حکم ایتسه اختلاف مرتفع اوله رق اول خصوصده قاضینک حکمنک نفاذنده بین المجتهدین اتفاق واردر .

بناء علی هذا وقفه متعلق بر خصوصده قاضی لزومه قائل اولان مجتهدک رأبنی ترجیح ایدوب حکم ایتسه با اتفاق المجتهدین اول وقف لازم اولوب اندن صکره دیگر قاضی ایچون عدم لزومه قائل اولان مجتهدک رأبنه تمسک ایله اول وقفی ابطاله طریق قالمدینی جهتله اول وقف نقض و ابطالدن مصون قالمش اولور ایشته تسجیل بوندن عبارتدر

دیسہ مجرد حاکمک بویله دیمسیله تسجیل حاصل اولمش اولماز
 ۱۱۲ (مسئلہ)

حکیمک حکمیله وقف لازم اولماز

شویله که واقف ایله متولی لاجل التسجیل بو کیمسہ بی حکم
 نصب ایدوبده او کیمسہ وقفک لزومیله حکم ایتسه وقف لازم
 اولماز بلکه وقفک لازم اولسی طرف سلطاندن منصوب بر
 حاکمک حکم ایتسه متوقفدر

واقف قبل التسجیل وفات ایدوبده ورثه سی مال موقوفی ترکیه
 ادخال وینلرنده تقسیم ایتک اوزره متولیدن حضور حاکمه
 طلب و متولی دخی تسلیمدن امتناع ایتدکده حاکم وقفک لزومیله
 حکم ایدوب متولی به معارضه دن ورثه بی منع ایلسه وقفک
 تسجیلی حاصل اولمش اولور

کذلک بر کیمسہ اصلاً مدیون دکل ایکن صحتمده بعض اموالی
 بر جهته بلا تسجیل وقف ایدوب بعده زمان دیونی ترکیسندن ازید
 اولدینی حالدہ وفات ایتکله داینلر قسمت غرمایه ادخال ایتک
 اوزره اموال موقوفه بی حضور حاکمه متولیدن طلب و دعوی
 و متولی دخی تسلیمدن امتناع ایتدکده حاکم وقفک لزومیله حکم
 ایدوب متولی به معارضه دن داینلری منع ایلسه وقف تسجیل
 اولنمش اولور

۱۱۳ (مسئلہ)

طریق ثانی وقفک وصیت صورتیله اولمسیدر

شویله که بر کیمسہ بن وفات ایلدیکنده فلان مالم فلان جهت خیره

وقف اولسون دیو وصیت ایدوب بعده اول وصیت اوزرینه ثابت ومصر اوله رق وفات ایدوبده ثلث مالی مال موصی بهه مساعد اولسه اول مال وقف لازم ایله وقف اولمش اولور واکر ثلث مالی مال موصی بهه مساعد دکل ایسه او صورتده انجق ثلثك مساعد اولدینی مقدار وقف لازم ایله وقف اولمش اولور

اولمقداردن زیادده سی ورثه یه موروث اولور مکرکه ورثه ثلثدن زیاده ده وصیتی مجیز اولمش اوله اوصورتده مال موصی بهك تمامی وقف لازم ایله وقف اولمش اولور بروجه مشروح وصیت ایدن کیمسه نك اصلا وارثی یوغیسه اول حالده ینه مال موصی بهك تمامی وقف لازم ایله وقف اولمش اولور (۱۰۱) و (۱۰۳) و (۱۰۴) و (۱۰۵) مسئله لرده بیان اولنان تفصیلات بومسئله ده دخی جاریدر [*] ۱۱۴ (مسئله)

بالاده بیان اولنان ایکی طریقدن هیچ بری بولمندقچه وقف لازم اولماز

فقط ذکر آتی ایکی مسئله مستنادر که انلردووقفك لازم اولسی بالاده بیان اولنان طریقلدن هیچ برینه متوقف دکدر اولکیسی بر مسجد بنا وطریقله برابر ملکندن افراز ایدوب [*] وصیته دأثر ده زیاده تفصیلات در دست ترتیب اولان احکام و صایاده بیان اولنه جقدر

درونده ایفای صلات ایتمک اوزره ناسه اذن و یروبدن ناس دخی اوراده جماعتله جهداً ایفای صلات ایلمه لر اول مسجد وقف لازم ایله وقف اولمش اولور .

ایکینجیسی برکیمسه مالکی اولان عرصه یی مقبره اولمق اوزره وقف ایدوب دفن موتایه اذن و یرمکله اورایه میت دفن اولنسه اول عرصه وقف لازم ایله وقف اولمش اولور

۱۱۵ (مسئله)

مجرد الحاق ایله وقف لازم اولماز

شویله که برکیمسه بعض عقاراتی مسجلاً وقف ایدوب بعدد دیگر بعض تنقارتی دخی بلا تسجیل وقف ایتدکده اشبو عقارتی مقدما مسجلاً وقف ایتمش اولدیغم عقاراته الحاق ایلدم ایسه واقفک مجرد بویله دیسمسایله صکره کی وقف ایتدیکی عقارات وقف لازم ایله وقف اولمش اولماز

بلکه انلرک لازم اولسی ایریجه تسجیله متوقفدر

۱۱۶ (مسئله)

برکیمسه عقارینی بر جهته وقف ایدوب لیکن تسایم الی المتولی و تسجیل شرعی و قوعی و لمقسرین آندن رجوع ایدرک اول عقاری بشقه بر جهته وقف ایدوب تسجیل ایتدیرسه وقف اول باطل و وقف ثانی صحیح و لازم اولور

۱۱۷ (مسئله)

مدیونک وقفی تسجیلدن حکام با اراده سنیه ممنوعدر

بناء علیه مدیون اولان کیمسه ولو حال صحتمده املاکنی وقف
ایتدکن صکره وفات ایدوب اداء دینه وافی دیگر مالی اولسه
دائئر وقفی حاکمه نقض ایتدیروب اول املاکن استفاء دین
ایده بیلورلر

بو صورتده حاکم وقفی نقض ایتیموب اول وقفک لزومیله حکم
ایدوب وقفی تسجیل ایلسه حکمی نافذ و تسجیلی معتبر دکلدر
[*] اما بر کیمسه مدیون دکل ایکن حال صحتمده بعض املاکنی
مسجلاً وقف ایدوب بعده مدیون اوله رق اصلاً ترک می
اولدینی حالده وفات ایتسه بیله دائئر املاک موقوفه یه مداخله
ایده مزلر

۱۱۸ (مسئله)

کدک وقفی تسجیلدن حکام با اراده سنییه ممنوعدر
بناء علیه بر کیمسه مالک اولدینی بر کدیکی وقف ایتدکده حاکم
اول وقفک لزومیله حکم ایدوب وقفی تسجیل ایلسه حکمی
نافذ و تسجیلی معتبر دکلدر [**]

[*] مدیونک وقفی تسجیلدن حکامک ممنوعیتنه دائر اولان اراده
معنیه طقوز یوزاللی تاریخنده شیخ الاسلام ابوالسعود افندی مرحومک
غرضی اوژرینه صادر اولمشدر

[**] اشبو ممنوعیتک اراده سنییه سی اکیوز یتمش یدی سنه سی
ذی الحجة الشریفه سنک سکرنجی کونی شرفصدور ایتمشدر

فصل ثانی

وقف لازم و غیر لازم متعلق بعض احکام و مسائل

بیان شده در

۱۱۹ (مسئله)

بر مال وقف لازم ایله اوقف ایدلدکده آرتق آنده بر وجه
ملکیت تصرف اولنه من تصرف اولنمش اولسه اول تصرف
باطل اولور

مثلا بر کیمسه وقف لازم ایله وقف ایدلدیکی بر مالی آخره بیع
ویا هبه ویا رهن ایسه عقد مذکور لر باطل اولور
کذلک وقف لازم ایله وقف اولنسان مال ورثیه موروث
اولماز

فقط وقف لازم ایله وقف اولنسان بر مال فصل مخصوصنده بیان
اولنه جق مسائله توفیقاً دیگر بر مال ایله استبدال اولنور ایسه
بدل اوله رق آنه جق دیگر مال انک یرینه قائم ووقف اولوب
مستبدل اولان مال موقوف ملکیتیه عودت ایددرک آنده احکام
ملک جریان ایدر

کذلک بر کیمسه نک آخیردن اشترایتدیکی عقارده دیگر کیمسه نک
اسباب شفعه دن بریله حق شفعه سی ثابت اولدقدن صکره اول کیمسه
اول عقاری مسجلاً وقف ایسه بیله شفیعک طلب و دعوا سی اوزرینه
وقف فسخ ایدیلوب اول عقار ملک اولیق اوزره شفیه تسلیم اولنور
کذا وقف لازم ایله وقف اولنمش بر مسقفک اینیه سی بالکلیه

منهدم اولوب وقفنده قدرت اولماغله او مسقفی مجدداً بنا ايله
انقاضك بنایه صرفی ممکن اولمسه متولیسى اول انقاضى ثمن
مثلیله وقف ایچون بیع ایتك جائزر
كذلك وقف لازم ايله وقف اولنمش بر بانچه نك قورییان اشجار
مشمره سنى متولیسى بعد القلع ثمن مثلیله وقف ایچون بیع ایتك
جائزر

۱۲۰ (مسئله)

بر کیمسه آخردن اشترا ایتدیكى مالی ولو مسجلاً وقف ایتدكدن
صكره بر مستحق ظهور ایدوب اول مال بنم ملكمدر دودعوى
ومدعاسنى بر نهج شرعى اثبات ایدوب بعد الحاف اول مال
مستحق ایچون حکم اولنسه وقف منتقض اولوب اول مالی
مستحق ضبط ایدر

بو صورتده اول کیمسه بایعه ویردیكى ثمنی بحق المراجعة بایعدن
استرداد ایتدكده ثمن مذکور کندوسنك مالی اولور
یوقسه اول ثمن ايله استحقاقاً ضبط اولنا مال یرینه دیکر بر مال
اشترا ووقف ایتك کندو اوزرینه لازم اولماز

۱۲۱ (مسئله)

وقف غیر لازم ايله وقف اولنا مالک وقفی حاکم طرفندن
فسخ ایدلدىكى تقدیرده آنك وقفی باطل اولوب مالکیت وجهله
تصرف اولور

مثلاً بر کیمسه ملك دكانى بر جهت خیره وقف ایدوب فقط
تسليم الى المتولى و تسجل شرعى بولمقسزین مؤخر او کیمسه

دوچار فقر و ضرورت اولمغله اول دكانك بر وجهه ملكيت
تصرفنه محتاج اولوبده وقفندن رجوع مراد ايلسه وقفى
فسخ ايتديرمك ايجون اول امرده حاكمه مراجعت ايدر
حاكم دخى وقفى فسخ ايتديكى حالده واقف اول ماله ملكيت
وجهله تصرف ايدر واقفك ورثهسى دخى وقفى حاكمه فسخ
ايتديرسه حكم بو منوال اوزره در

وقف غير لازم ايله وقف اولان مال حاكم طرفندن وقفى
فسخ ايدلمكتمز ين آخره ساتيلوبده لى المرافعه حاكم اول بيعك
صحيله حكم ايتسه وقف باطل اولور
۱۲۲ (مسئله)

بر كيمسه مابعد موتنه اضافتله على طريق الوصيه بر مالى وقف
ايلسه واقف او وصيت اوزرينه مصر اوله رق وفات ايتدكجه
اول مال واقفك ملكندن خروج ايتمز
بناء عليه واقف حياتنده اول ماله بوجه ملكيت تصرف ايدر
و مرض موتنده اولسه بيله اول وصيتدن قولاً و يا فعلاً رجوع
ايد بيلور

قولاً رجوع وصيت ايدن كيمسه نك بن وصيتدن رجوع ايتدم
ويا خود وصيتدن صرف نظر ايتدم كى وصيتدن واز كچديكنه
دلاات ايدر بر سوز سويلسيدير
فعلاً رجوع وصيت ايدن كيمسه نك وصيت ايتمش اولدينى مالك
اسمى دكشديره جك و يا خود آندن ملكى ازاله ايدم جك بر ورثه
آنده تصرف ايلسيدير

مثلاً بر یکمسه بن وفات ایتدیکمده مالکم اولان فلان عرصه وقف
اولسون دیو وصیت ایتدکدن صکره اول عرصه اوزرینه منزل
ویا دکان بنا ایلسه ویاخود کروم واشجار غرسيله اول عرصه نی
باغ ویاباغچه اتخاذ ایلسه ویاخود اول عرصه نی آخره بیع وهبه
وتسایم ایله ملکندن اخراج ایتسه فعلاً وصیتدن رجوع ایتش
اوله جفندن وصیتک اصلاً حکمی قالماز
بو مقوله وصیتدن رجوعده حاکمه مراجعت لازم دکدر

استطراد

۱۲۳ (مسئله)

وقف ایچون وقوعبولان تبرعدن رجوع صحیح اولماز
مثلاً بر یکمسه وقف عرصه اوزرینه کندی مالیه تبرعاً للوقف
بنا انشا ایتدکدن صکره تبرعدن رجوع ایدوب اول بنایی ملکی
اولق اوزره ضبط ایده من

کذلک بر یکمسه بروقفک متوالیسنه اول وقفک امورینه صرف
ایتمک اوزره تبرعاً بر مقدار اچیه ویزوب متولی دخی مبالغ
مزبوری وقفک امورینه صرفله استهلاک ایتدکدن صکره او یکمسه
تبرعدن رجوع ایدوب مبالغ مزبوری متولی به تضمین ایدیره من

باب ثالث

اراضی موقوفه به دائردر

۱۲۴ (مسئله)

اراضی موقوفه ایکی قسمدر

قسم اول اوقاف صحیحہ دن اولان اراضی موقوفہ در
قسم ثانی اوقاف غیر صحیحہ دن یعنی تخصیصات قیامندن اولان
اراضی موقوفہ در

۱۲۵ (مسئلہ)

اراضی عشریہ و یا خراجیہ مالکی طرفندن وجہ مشروع
اوزرہ وقف اولنسه اول وقف اوقاف صحیحہ دن اولور

۱۲۶ (مسئلہ)

بر کیمسہ اراضی موآندن بر محلی کندی ملکی اولق اوزرہ
اذن سلطانی ایله احیا ایدوب بعدہ اول یری بر جهت خیرہ
وقف ایلسہ اول وقف اوقاف صحیحہ دن اولور

۱۲۷ (مسئلہ)

اراضی امیریہ دن بر قطعہ مفرزہ طرف سلطنت سنیہ دن بر کیمسہ
تملیک صحیح ایله تملیک اولنوبده او کیمسہ دخی اول قطعہ
بر جهت خیرہ وقف ایلسہ اول وقف اوقاف صحیحہ دن اولور

۱۲۸ (مسئلہ)

تملیک صحی متملک شراہ صحیح ایله اشتراسنہ متوقفدر
شویله کہ اراضی امیریہ دن بر قطعہ طرف سلطنت سنیہ دن
طالبنہ تملیک اولندقدم نظر اولنور

اگر وقت تملیکده بیت المالدہ مضایقه وار ایسہ تملیک صحی
متملک اول قطعہ بی جانب بیت المالدن ثمن مثلی ایله اشترا
ونمنی بیت الماله ادا ایتسنہ متوقفدر

بو صورتده ثمن مثلندن نقصان فاحشلہ اشترا اولنسه تملیک
صحیح حاصل اولمش اولماز

واكر وقف تمايكده بيت المالد مضايقه يوق ايسه اول حالده
تمليكك صحي متملكك اوقطعه ني ايكي قات قيمتيله جانب بيت
المالدين اشتر ايتمنه متوققدر

بوصودتله ايكي قات قيمتمندن نقصان فاحشله اشتر اولنسه تمليك
صحيح حاصل اولمش اولماز
(مسئله) ۱۲۹

اراضى اميريه نك تمايكي مصاححت عامه ايله مقيد ومشروطدر
بناءعليه اراضى اميريه نك تمايكي مصاححت عامه ني اخلال
ايتديكي تقديرجه اصلا تمليك جائز ومشروع دكلدر
(مسئله) ۱۳۰

مجرد تمليكنامه ايله تمليك صحيح حاصل اولماز
شوييله كه بر كيمسه اراضى اميره دن بر قطعه ني مسائل سابقه ده
بيان اولنديني وجه اوزره شراء صحيح ايله جانب بيت المالدين
اشتر ايتمكسزين اول قطعه كندويه مجانا تمليك ويدينه تمليكنامه
اعطا اولنسه تمليك صحيح حاصل اولمش اولماز
(مسئله) ۱۳۱

سلاطين اعظام حضراتنك اراضى اميره دن بدون التملك مصا
رف بيت المالدين اولان جهات خيريه ته تعيين بيوردقلى اوقاف
تخصيصات قيبيلندن اولمش اولور

« ۱۲۸ » و « ۱۲۹ » و « ۱۳۰ » مسئله لره مراجعت اولنه
(مسئله) ۱۳۲

بر كيمسه اراضى اميره دن بر قطعه ني تمليك صحيح ايله تمليك

ایتمکسزین اذن سلطانی ایله مصارف بیت المالدن اولان بعض
جهات خیریه وقف ایلمسه اول وقف تخصیصات قیلمیدن
اولمش اولور

۱۳۳ (مسئله)

برکیمسه اراضی امیریمن طاپوایله تصرفنده اولان بر تارلای
تملك صحیح ایله تملك ویا خود اذن سلطانی ایله استحصال ایتمکسزین
بر جهته وقف ایلمسه او وقف نه اوقاف صحیح مدن ونده
تخصیصات قیلمنددر

بلکه کالاول صرف اراضی امیریمن معدوددر
بناء علیه اوکیمسه کالاول اول تارلایه متصرف اولوب عشرینی
بیت الماله ادا ایدر و دیلیدیکی حالده اول تارلای اذن صاحب
ارضه آخره فراغ ایدر و وفاتی وقوعنده اول تارلا اراضی
قانوننامه سی موجبجه اصحاب انتقالدن ورثه سی وار ایسه انلره
یوغیمسه محلول بیت الماله عائد اولوب طاپوی مثیله طالبنه
تفویض اولنور بوجه محرر وقوعبولان وقفك اصلا حکمی
یوقدر

۱۳۴ (مسئله)

اشخاصك تحت تملكکرنده اولان ارضی عشریه و خراجیه نك
بیت الماله عائد اولان عشر و خراجلری طرف سلطانیدن
مصرف بیت المال اولان بر جهته وقف و تخصیص بیسورلمش
اولسه اول وقف تخصیصات قیلمدن اولمش اولور

۱۳۵ (مسئله)

اصلی اراضی امیریه دن اولدینی حالدہ قدیماً وقف ایدلمش
اولان بر مزرعه نی واقفک قبل الوقف جانب بیت المالدن اشترا
ایتدیکی معلوم اولسه اول مزرعه نك اوقاف صحیحهدن اولدیغنه
حکم اولتور

کرك اول شرانك ۱۲۸۵ء مسئله ده بیان اولنان صورت مشروعه ده
موفق اوله رق وقوع بولمش اولدینی معلوم اولسون و کرك
اولماسون

اما واقفک اول مزرعه نی قبل الوقف جانب بیت المالدن اشترا
ایتدیکی اصلاً معلوم اوله ماسه اول مزرعه نك اوقاف صحیحهدن
اولدیغنه حکم اولنه من

۱۳۶ (مسئله)

سندہ مستند اولیان برا حتماله التفات اولتماز

بناء عایه فی الاصل اراضی عشریه ویاخراجیه اولان بر مملکت
قدیماً وقف ایدلمش اولان بر مزرعه حقه ده احتمال که اول
مزرعه نك مالکی بلا وارث وفات ایدوبده مزرعه مذکورہ جانب
بیت الماله عائد اولان اراضی امیریه حکمنی اکتساب ایتدکدن صکره
بدون التملك واقفی طرفدن وقف ایدلمش اولسون دیوسنده
مستند اولیان بر احتمال مجردایله اول مزرعه نك اوقاف غیر
صحیحهدن اولدیغنه حکم اوله من

۱۳۷ (مسئله)

اراضی امیریه دن ایکن بروجہ محرر تخصیصات قیلندن اوله رق

وقف غیر صحیح ایله وقف ایدلمش اولان یرلر اوج قسمدر
قسم اول رقبه سی کبی حقوق تصرفیه سی دخی کماکان جانب
بیت الماله عائد اولدینی حالده یالکیز اعشار ورسوماتی طرف
سلطنت سزیه دن برجهته وقف و تخصیص بیورلمش اولان
اراضیدر

قسم ثانی اعشار ورسوماتی کالاول بیت الماله عائد اولوب یالکیز
حقوق تصرفیه سی طرف سلطنت سزیه دن برجهته وقف و تخصیص
بیورلمش اولان اراضیدر

قسم ثالث هم حقوق تصرفیه سی و هم اعشار ورسوماتی طرف
سلطنت سزیه دن برجهته وقف و تخصیص بیورلمش اولان
اراضیدر

قسم اولدن اولان اراضیده اعشار و خرج فراغ انتقال و بدل
محمولات کبی رسوماتی طرف وقفه عائد اولور

بو قسمدن اولان اراضینک حقوق تصرفیه سی بیت الماله عائد
اولدیندن سائر اراضی امیریّه صرفه کبی طرف بیت المالدن
باطاپو زراعه احاله و تفویض اولور

قسم ثانی و ثالثدن اولان اراضی طرف وقفدن زراعت و حرث
ویا خود آخره ایجار و یا خود عقد مزادعه صورتیله تصرف
اولور

فقط قسم ثانیدن اعشاری بیت الماله ادا اولوب قسم ثالثدن
ادا اولماز بو اوج قسمدن انحق قسم اولده اراضی قانوننامه سی
احکامی جاری اولور

دیگر ایکی قسمده حقوق تصرفیه طرف وقفه عائد اولدیغندن
آنلرده قانوننامه مذکور احکامی جاری اولماز
استطراد

۱۳۸ (مسئله)

تخصیص ایکی نوعدر
نوع اول تخصیص صحیحدرکه بیت الماله عائد بر قسم وارداتی
مصارف بیت المالدن اولان بر جهته تخصیصدن عبارتدر
نوع ثانی تخصیص غیر صحیحدرکه بیت الماله عائد بر قسم وارداتی
مصارف بیت المالدن اولان بر جهته تخصیصدن عبارتدر
نوع اولده واردات مخصوصه مخصص لها اولان جهته صرف
اولنوب انك نقض وابطالی جائز دكل ایسهده ایکنجی نوع رأی
ولی الامر ایله نقض وابطال اولنور

۱۳۹ (مسئله)

اراضی عشریه ویا خراجیه دن بر یر مالکی طرفندن وقف
ایدملکه اول یرك عشر و خراجی ساقط اولنوب کالاول بیت
الماله اداسی لازم کلور

کذلک اراضی امیرییه دن بر مزرعه طرف سلطنت سنیدن بر کیمسه یه
تملیک صحیح ایله تملیک اولنوبده او کیمسه دخی اول مزرعه یی
مسجلاً وقف ایتسه بیله انك اعشار شرعیه سی کافی الاول
بیت الماله ادا اولنمق لازم کلور

بناء علیه بر محله وقف صحیح ایله تخصیصات قیلندن اولان
وقف غیر صحیح اجتماع ایده بیایور

شویله که بالاده ذکر اولسان اراضی مملو که دن بری مالکی طرفندن وقف صحیح ایله وقف اولندقدنص کیره انک بیت الماله عائد اولان حاصلاتی دخی طرف سلطانی دن بر جهته وقف و تخصیص بیورلسه بر محله وقف صحیح ایله تخصیصات قبیانندن اولان وقف غیر صحیح اجتماع ایتمش اولور

باب رابع

وقفلر ذکر ایده کلدکلری شروطه دائر اولوب

اوج فصلی حاویدر

فصل اول

اولاد واقربا و جیران حقنده اولان شروط

وقفه دائردر

۱۴۰ (مسئله)

اولاد لفظی بردفعه ذکر اولندقدن اولان صاییه به محمولدر

بناء علیه احفاده شامل اولماز

مثلا واقف وقفکم غله سنی اولادمه شرط ایلدم دیو اولاد

لفظی بردفعه ذکر ایدوب تکرار ایتماسه مشروطله یالکیز

واقفک اولاد صاییه سنه مخصوص اولوب احفاده شامل اولماز

شو قدر وارکه واقفک عباره سنده اولاد لفظک احفاده دخی

شمولنه دلالت ایدر بر قرینه موجود ایسه او صورتده اولاد

لفظی احفاده دخی شامل اولور

مثلاً واقف وقفك غله سنی نسلاً بعد نسل اولاد مه شرط ایلدم
 دیسه نسلاً بعد نسل کلامی قرینه سیله اولاد لفظی اخفاده دخی
 شامل اوله رق واقفك كرك اولاد صاییه سی و كرك اخفادی غله
 وقفه مستحق اولور لر

۱۴۱ (مسئله)

اولاد لفظی ایکی دفعه ذکر اولندقدنه كرك قریب و كرك بعید
 بالجمله بطونه شامل اولور

یوقسه یا لکز بطن اول و ثانیه منحصر قلمز

بناء علیه غله سی وقفك اولادینه و اولاد اولادینه مشروطه
 اولان وقفك غله سنه وقفك بطن اول و ثانیده موجود اولان
 اولادی متصرف لر ایکن واقفك بطن نالیده دخی اولادی حادث
 اولسه انلر دخی غله وقفده بطن اول و ثانیدن بولنان اولاده
 مشارکت ایدر لر

بوصورته بطن اول و ثانیده بولنان اولاد (واقف اولاد لفظی
 ایکی کره ذکر ایتمه کله بطن نالیده بولنان اولاده شمولی اوله من
 بناء علیه غله وقفدن سزه حصه ویرمین) دیو بطن نالیده بولنان
 اولادی کندولرینه مشارکتدن منع ایدر من

کذلک واقف وقف ایتدیکی منزلك سسکنا سنی اولادینه و اولاد
 اولادینه و بعد الانقراض بر مسجدك امامنه شرط ایاسه واقفك
 بالکلیه ذریعی منقرض اولدقچه نوبت سکنی اول مسجدك امامنه
 کلز

يوقسه يالكنز بطن اول و نانيده بولنان اولادك انقراضيله اول
مسجدك امامي منزل المذكورك سكتاسنه مستحق اوله من

١٤٢ (مسئله)

اولاد و اولاد اولاده مشروط اولان وقفده واقف بطونك
ترتبه دلالت ايدر بر لفظ ذكر ايدر ايسه او صورتده بطن
اول موجود ايكن بطن ثانيه حصه ويرلمز

مثلا واقف وقفك غله سني بطنا بعد بطن اولاده و اولاد اولاده
شرط ايلدم ديسه بطن اولده اولاد صلبيه موجود ايكن بطن
نانيده بولنان اولاده غله وقفدن حصه ويرلمز

كذلك بطن نانيده اولاد موجود ايكن بطن ثالثه بولنان اولاده
حصه ويرلمز

بطون سائر دخي بو قياس اوزره در

١٤٣ (مسئله)

واقفينك كلاملارنده مفهوم مخالفت معتبردر

بناء عليه واقف موقوف عليهمى بروصف ايله توصيف ايدرايسه
اول وصف مدار استحقاق اولوب اول وصف ايله موصوف
اوليان كيمسه منفعت مشروطه به مستحق اولماز

مثلا واقف وقفك غله سني ذريته شرط ايتدكده وقفك

غله سنيه فلان بلده ده متوطن اولان اولادم و اولاد اولادم

متصرف اولسونلر ديسه اول بلده ده متوطن اوليان اولاد

و اولاد اولادي وقفك غله سني مستحق اولمازلر

كذلك عاجان اولان اولاد و اخقادم متصرف اولسونلر ديسه
واقفك جهله دن يولنان اولاد و احقادی غله وقفه مستحق اولمازلر

كذا فقرادن اولان اولاد و اخقادم متصرف اوله لر ديسه
اغنيادن اولان اولاد و احقادی غله وقفه مستحق اولمازلر
سائر اوصاف دخی بو قياس اوزر در

۱۴۴ (مسئله)

زوجی اغنيادن اولان قادين اصلا مالی اولماسه بيله غنيه عد
اولنور

بناء عليه زوجی غنی اولان زوجيه فقرايه مشروط اولان
وقفده داخل اولماز

وبالعكس زوجيه سی غنيه اولوب كندوسنك مالی اولميان
زوجی غنی عد اولماز

بناء عليه زوجيه سی غنيه اولوب كندوسنك مالی اولميان زوج
فقرايه مشروط اولان وقفده داخل اولور

۱۴۵ (مسئله)

واقف وقفك غله سنی بطناً بعد و بطن اولادينه شرط ايدوب
فقط بطن اولده اولادين بري فوت اولدقده حياتده اولديغی
تقديرجه غله دن كندويه اصابت ايددچك حصه انك اولادينه
ويراسون ديوب بعده اولي وقفك غله سندن بطن اولده اولاد
واقفدن بر قايچ كشی متصرفلر اينكن ايجلرندن بري بر قايچ نفر

ولدي ترك ايدرك وفات ايلسه متوفى حياتده فرض اولنه رق غله وقف بطن اولده متوفى ايله برابر سائر بر حيات بولنان اولاده مساوات اوزره تقسيم اولنه رق متوفايه اصابت ايدن بر حصه آنك اولادينه ويريلور بطن اولده ديكرى دخى اولاديني ترك ايدرك وفات ايتدكده تا بطن اول منقرض اولنجيه دكين بو منوال اوزره معامله اولور

بطن اول بالكيه منقرض اولدقده قسمت مذكوره نقض اولنه رق غله وقف بطن ثانیده بولنان اولادك جمله سنه مساوات اوزره توزيع اولور

١٤٦ (مسئله)

اولاد لفظى عرفاد واحده دخى شامل اولور بناء عليه واقف وقفك غله سنى اولادينه شرط ايدوب فقط واقفك بر نضر ولدى بولنسه اول ولد وقفك مجموعنه مستحق اولور

١٤٧ (مسئله)

اولاد لفظندن بعض كره مجازاً احفاد مراد اولور آيه يعنى كندوسندن ولد تولد ايتيمى عادة متمتع اولان برسنه واصل اولمش بر قادينك بالجملة اولاد صدر يه سى وفات ايدوب يالكيز احفادى بر حيات اولدينى حالده اوقادين بروقف احداث ايتدكده اول وقفك غله سنى اولاديه شرط ايتدم ديسه بوكلامده اولاد لفظندن معنای حقيقيسى اولان اولاد صدر يه يى اراده ممكن اولمديغندن معنای مجازيسى اولان احفاد اراده ايديلهرك غله نك مشروط لى احفاد اولور

١٤٨ (مسئله)

بعيده صرف ايدر بر قرينه اولمدقچه كنيابه اقرب مكنياته
منصرف اولور .

مثلا واقف وقف ايلديكي عتارك عربى العبارة اولان وقفيه سنده
(جعل الواقف توليته لنفسه ثم الى ولده يحيى ثم الى اولاده)
ديو تحرير ايتديرسه (ثم الى اولاده) عبارة سنده كنيابه اولان
ضمير قريب اولان يحياه منصرف اولور يوقسه بعيد اولان
واقفه منصرف اولماز

بناء عليه بوصورته واقف واوغلى يحيى وفات ايدوب توليته
يحيانك اولادى منصرف اولسه لر واقفك ديكر اوغلتك اولادى
مجرد عبارة مذ كورده ده كي ضمير واقفه منصرف در بناء عليه بز
دخى توليتد . يحيانك اولادينه مشاركت ايدرز ديه منزل
تركى العبارة اولان بر وقفيه ده واقف وقفك توليتنى اولادى
كندويه وبعده اوغلى سليمان وبعده اولادينه شرط ايلدى ديو
محرر بوانسه حكم ينه بو منوال اوزره در

١٤٩ (مسئله)

تفاضل شرط قائم دقچه باب وقفده اصل اولان باسويه قسمتدر
بناء عليه غله سى على الاطلاق اولاد واقفه مشروطه اولان
وقفك غله سنى واقفك اولاد ذ كوريله اولاد انانى مساوات
اوزره اقتسام ايدر لر

اولادك ذ كورينه اناشدن زياده حصه ويرلر

مگر غله نك بين الاولاد ارث ترتيبى اوزره توزيعى واقف طرفندن شرط قانمش اوله اوصورتده غله وقف اولاد بيننده
للدكر مثل حظ الاثني توزيع اولور

١٥٠ (مسئله)

واقف وقفكم غله سنى اولاد ذكورمه واولادكم اولاد ذكورينه
شرط ايلدم ديسه واقفك بناتك اولاد ذكورى دخى شرط
مذكورده داخل اولور

١٥١ (مسئله)

عبارة واقفده اولاد لفظى مطلق ذكر اولندقدده بعد الوقف
حادث اولان اولاده دخى شامل اولور
بناءعليه واقف وقفكم غله سنى اولاديه شرط ايلدم ديسه
واقفك كرك حين وقفده موجود اولان وكرك بعدالوقف حادث
اولان بالجملة اولادى شرط مذكورده داخل اولور

(٧٧) مسئله مراجعت اولنه

اما واقف اولادى موجود وصفيله توصيف ويا اسملىرى تعداد
ايدرك تخصيص بالذكر ايدر ايسه اوصورتده بعدالوقف حادث
اولان اولاد مشروط لهدده داخل اولماز

مثلا واقف وقفكم غله سنى اليوم موجود اولان اولاديه شرط
ايلدم وياخود وقفكم توليتنى اولادم فلان وفلان وفلان شرط
ايلدم ديسه بعدالوقف حادث اوله حق اولاد مذكور شرطلرده
داخل اولمازلر

احفاد دخى بو حكمدده اولاد كيدير

۱۵۲ (مسئله)

اولاد اولاد لفظی اولاد ذکورک اولادینه مخصوص اولیوب

اولاد اناتک اولادینه دخی شاملدر

بناءعلیه غله سی واقفک اولاد اولادینه مشروطه وقفک غله سی

واقفک اوغلنک اولادیه قزینک اولادی برابر اقسام ایدرلر

بروجه بالا غله حقنده جاری اولان تفصیلات تولیت حقنده

دخی جاری در

۱۵۳ (مسئله)

برکشینک صلی اولادی و ابوینی اوکشینک قرابتنده داخل

اولماز

بناءعلیه منافعی واقفک قرابتنه مشروطه اولان وقفده واقفک

اولاد صامیه سی و ابوینی مشروط لهده داخل اولماز

۱۵۴ (مسئله)

برواقف مسلم وقفک منفعتی مطلقا اقرباسنه شرط ایلسه واقفک

غیر مسلم بولنان اقرباسی دخی شرط مذکورده داخل اولور

کذلک برواقف غیر مسلم وقفک منفعتی مطلقا اقرباسنه شرط

ایلسه واقفک مسلم بولنان اقرباسی دخی شرط مذکورده داخل

اولور (۷۶) مسئلهیه مراجعت اولنه

اما واقف منفعت وقفی کندی ماتندن اولان اقرباسنه شرط

ایدر ایسه او صورتده دیگر ماتندن بولنان اقرباسی مشروط

لهده داخل اولماز (۱۴۳) مسئلهیه مراجعت اولنه

١٥٥ (مسئله)

بر کیمسه وفاتند نصکره ثلث مالنی بر جهت خیره وقف اولمق اوزره وصیت ووقفك تعیین شروطنی دخی وصی مختارینه تفویض ایتدکن صوکره مصرأ علی ایصانه وفات ایتدکده وصی ترکهك ثلثنی اخذ واول جهته وقف ایدوب تولیتنی کندویه واولاد واحفادینه شرط ایلسه وصینك بروجه مجرر وقف وشرطی صحیح ومعتبر اولوب موجبنجه عمل اولنور

١٥٦ (مسئله)

واقفك اقرب اقرباسنه مشروط اولان وقفده اقربدن مراد رحم ودرجه جهتمدن وقفه اك زیاده قریب اولاندر یوقسه ارث وعصبه جهتمدن اك زیاده قریب اولان دكلندر بناءعایه واقفك اقرباسندن بری رحم ودرجه جهتمدن دیگرى ارث وعصبه جهتمدن واقفه اقرب اولسه رحم ودرجه جهتمدن اقرب اولان ترجیح ایدیلور

مثلا واقفك قزینك قزیده اوغلنك اوغلنك اوغلی اجتماع ایتسه قزینك قزی ترجیح ایدیلور

یوقسه اوغلنك اوغلنك اوغلی ترجیح ایدلمز چونكه بر آدمك قزینك قزی رحم ودرجهده اول آدمه اوغلنك اوغلنك اوغلندن دها زیاده قریبدر

هرنه قدر اوغلنك اوغلنك اوغلی اك وارث وعصبه اولوب قزینك قزی وارث اولمز ایسهده اما اوغلنك اوغلی ایله قزینك قزی اجتماع ایتسلر واقفه نسبتله ایکیسی بردرجهده بولندقلرندن ایکیسی دخی بالفعل مشروطه اولورلر

خال ایله عم دخی بویاجهدر

١٥٧ (مسئله)

اقریبته اعتبار قرب درجه‌یه در

یوقسه قوت قرابتہ دکلدر

بناء علیہ واقفك اقرب اقربا منه مشروطہ بر وقفده واقفك
اقرباسندن ایکی کیمسه بر درجه‌ده بولوب فقط برینك قرابتی
قوی دیگرینك کی ضعیف بولنسه ایکیسی دخی مشروط لہده
داخل اولورلر یوقسه قرابتی قوی اولان ترجیح ایدیلوبده
دیگری محروم ایدلمز

مثلا واقفك لابوین قرنداشی ایله لام قرنداشی اجتماع ایتسه لر
انلرك ایکیسی دخی منفعت وقفہ برابر متصرف اولورلر
یوقسه لابوین قرنداش قوت قرابتہ بناء لام قرنداش اوزرینہ
ترجیح ایدلمز

١٥٨ (مسئله)

بر کیمسه وقف ایتدیکی منزلك سکناسنی بعد وفاته نفسنی آخرہ
ترویج ایتماک اوزره زوجہ سنہ شرط ایتدکن صوکره او کیمسه
وفات ایدوب بعدہ زوجہ سی نفسنی آخرہ ترویج ایلسہ اول
منزلك سکناسنده اولان حق منقطع اولور
بو صورتده زوجك وفاتی ویاخود تطلیقی ایله زوجہ یه حق
سکنا عودت ایتمز

مکر واقف زوجك وفات ویاخود تطلیقی وقوعنده سکنانك
عودتی تصریح ایتش اوله اوصورتده عودت ایدر

۱۵۹ (مسئله)

واقف وقفك غله سنی فقراء جیرانسه شرط ایلسه واقف
غله نك ظهوری زماننده قنغی محله اقامت ایتمکده ایسه اوراده کی
جیرانك فقراسنه صرف اولنور

یوقسه حین وقفده مقیم بولندیغی محلك جیرانسه مخصوص
دکدر

شوقدر وارکه واقف بر محله مقیم ایکن وفات ایدر ایسه الی الابد
اول محله کی فقراء جیرانسه صرف ایدیلور

مثلاً بر کیمسه استانبولده بر محله مقیم ایکن بر مالنی وقف
وغله سنی فقراء جیرانسه شرط ایتدکنصکره آخر محله یه نقل
ایدوب اوراده مقیم ایکن غله وقف ظهور ایلسه غله مذکور
محله نانیه ده کی قومشولرینك فقراسنه صرف اولنور یوقسه
محله اولاده اولان قومشولرینك فقراسنه صرف اولنور

محله نانیه دن آخر محله یه نقل ایتدیکی صورتده دخی حکم
بوموال اوزرده در فقط واقف حین وقفده غله یی مقیم بولندیغی
محله ده کی فقراء جیرانسه تخصیص ایدر بر سوز سویلر ایسه
او صورتده مشروطله منحصرأ محله اولاده کی فقراء جیرانی
اولمش اولور

مثلاً واقف وقف ایدر ایکن وقفك غله سنی الحاله هذه ساکن
بولندیغی محله ده بولناز فقرا قومشولرله شرط ایلدم دیسه واقف
دیگر محله یه نقل ایتسه بیله غله وقف محله اولاده بولنان فقراء
جیرانسه صرف ایدیلور

۱۶۰ (مسئله)

عتقا و اولاد عتقایه مشروط وقفده عتیقات و اولاد عتیقات دخی
داخل اولور لر

فصل ثانی

شروط واقفك تبدیل و تغییرینه دأر مسائل حقنه در

۱۶۱ (مسئله)

بر وقف صحیح لازمك موافق شرع شریف اولان شروطنی
واقفی بیله تبدیل و تغییر ایدمن ایتمش اولسه صحیح و معتبر اولماز [*]
شو قدر وار که ایلروده وقفنك شروطنی تبدیل ایتك صلاحیتنی
حین وقفده واقف کندی یدنده ابقا ایتمش ایسنه اوصورتده
تبدیل شروط ایدمیلور

فقط بر دفعه تبدیلك وقوعیله صلاحیت مذکوره منتهی اولور
آرتق اندنصکره تبدیل شروط ایدمن

مکرکه واقف حین وقفده تبدیل شروط صلاحیتك مرة بعد
اخری کندی یدنده اولسنی شرط ایتمش اوله او خالده
بر دفعه ایله صلاحیت مذکوره منتهی اولمبوب دفعات عدیده یه
شامل اولور

واقف کندودنصکره وقفه متولی اوله جقلره دخی حین وقفده

[*] تولیت حقنه اولان شرط بو حکمدن مستثنادر

نتکیم قریباً بیان اولنه جقدر

صلاحیت مذکورہ بی شرط ایتام ایسہ آنلر دخی بروجہ
مشروح تبدیل شروط ایدہ بیلورلر

۱۶۲ (مسئلہ)

وقفك شروطنی تبدیل ایتامك صلاحیتنی حین وقفہ کندی یدندہ
ابقا ایتام اولان واقف مرض موتندہ وقفك شروطنی تبدیل
ایسہ تبدیل صحیح و معتبردر

۱۶۳ (مسئلہ)

واقف حین وقفہ وقفك شروطنی تبدیل ایتامك صلاحیتنی یدندہ
ابقا ایتامسہ بیله تولیت حقندہ اولان شروطنی تبدیل و تغیر
ایدہ بیلور فقط حاکمک رأی منضم اولمیدر

مثلا واقف وقفك تولیتنی اجانبدن برکیمسہ یه شرط ایتد کدنصکره
رأی حاکمکله اوشرطندن رجوع ایدوب تولیتی اولادینه شرط
ایسہ صحیح اولوب ایکنجی شرطی موجبنجہ عمل اولور

۱۶۴ (مسئلہ)

برکیمسہ برعقارینی وقف ایتد کده وقفك تبدیل و تغیری یدمدہ
اولسون دیسہ بو کلام شروط وقفی تبدیل و تغیرہ محمولدر
یوقسہ اصل وقفی تبدیل و تغیرہ محمول دکلدر

فصل ثالث

شرط واقفہ مخالفت جائز اولوب اولیان مواد حقندہ در

۱۶۵ (مسئلہ)

اوقاف صحیحہ ده موافق شرعشریف اولان شرط واقفہ مخالفت
جائز دکلدر

شوقدر واركه وقف حقنדה انفعيت وياخود ضروريت تحقق
ايدن بعض خصوصاتده متولينك رأى حاكمه شرط واقفه
مخالفت ايتيمى جائزدر

مثلا بروقف نقودك اونى اونبر غروشه استرباح اولنمى واقف
طرفندن شرط ايدلمش اولسه متوليسى نقود مذكوره ي رأى
حاكمه اونى اونبر بحق غروشه استرباح ايدرك شرط واقفه مخالفت
ايدم بيلور

كذلك اجاره واحدملو بروقف عقارك برسنه دن زياده مدتله
ايجار اولنماسى واقف طرفندن شرط ايديلوب فقط اول عقارك
بر سنه مدتله استيجارينه طالب بولنيوب ايكي وياخود اوچ سنه
مدتله استيجارينه طالب بولنسه متولى رأى حاكمه اول عقارى
ايكي ويا اوچ سنه مدتله ايچار ايدرك شرط واقفه مخالفت
ايدم بيلور

والحاصل حاكمك اوقاف حقنדה تصرفى نظريدر يعنى مصلحته
منوطدر

بنا عليه حاكمك اوقاف حقنדה موافق مصلحت وموجب
منفعت اولان رأى شرط واقفه مخالف اولسه بيله صحيح
ونافذدر

اما منافي مصلحت وموجب مضرت ارلان رأى صحيح ونافذ
دكادر

مثلا بر سنه دن زياده مدتله ايچار اولنماسى مشروط اولان
بروقف عقارك برسنه مدتله استيجارينه طالب بولنيوب برسنه دن

زیاده مدتله ایجارندن وقف حقنده برکونه منفعت موجود
اولمدیغی حالده حاکم اول عتقارک برسنه دن زیاده مدتله ایجار
اولمنسنی رأی ایلسه حاکمک بورائی صحیح و نافذ دکلدر
۱۶۶ (مسئله)

تخصیصات قییلندن اولان وقاف غیر صحیحده و اقفلرک شروطنه
رعایت واجب دکلدر

ایسکه امام المسلمین حضرتلری مصاححت عامه ملاحظه عادلانه سنه
بناء و مقوله و قفلرک شروطنی تبدیل و تغییر بیوره بیلورلر
فقط اوقاف مذکورنک مشروط لهلری مصارف بیت المالدن
ایسه اوصورتده اوقاف مذکورنک نقض و ابطالی جائز دکلدر
مثلاً تخصیصات قییلندن اولان بروقفک مشروط لهلری برمدرسه ده
ساکن اولوب اوقاتی علوم نافعنه نک اکتساب و تحصیلنه
حصر ایدن فقراء طایفه علوم اولسه طلبه موعی الیهم مصارف
بیت المالدن اولدقلری جهتله اول وقفک نقض و ابطالی جائز اوله ماز
۱۶۷ (مسئله)

موافق شرع شریف اولمیان شرط واقف عمل و اعتباردن
ساقطدر

مثلاً واقف وقفی حقنده متولینک خیالاتی حسن اولنسه بیله
حکام طرفندن وقفک محاسبه سنه باقلمامسنی و شروط وقفیه
موجبنه وقفه متولی اولنلرک وقف حقنده خیانتلری ظهور
ایلسه بیله تولیتدن عزل و اخراج اولنماملرینی شرط ایلسه
بو شرط ایله عمل اولماز

بناء عليه لدى الايجاب حكام طرفندن اول وقفك محاسبه سی
کوریلور

ومتواينك وقف حقنده برکونه خيانتی تبين ايلديکی حالده حاکم
آنی تولیتدن عزل و اخراج ایدر [*]

۱۶۸ (مسئله)

شرط واقف معلوم اوله میان یرده تعامل قدیمه کیدیلور
شویله که وقفه متعلق بر خصوص حقنده شرط واقف
بیانه مدیکی تقدیرجه اول وقفك متولی سابق واسبقلری
او خصوص حقنده من القدیم نه وجهله عمل ایدم کیشلرایسه ینه اول
وجهله عمل اولنق واجیدر

بناء عليه بو صورتده تعامل قدیمك خلافته عمل جائز دلدرد
مثلا بروقفك تولیت ویا مصرفنده نزاع واختلاف وقوعبولوبده
طرفین منازعینك تحت تصدیقلرنده اوله رق وقفیه معمول بهاسی
موجود اولیوب تولیت ویا مصرف حقنده شرط واقف بیانه
ایله دخی ثابت اوله مدینی تقدیرده اوته دنبرو تولیت ویا مصرف
حقنده تعامل قدیم نه وجهله جریان ایتش ايسه اول وجهله عمل
وحکم اولنق لازم کلور

[*] متولیلره بالکلیه راخاء عنان اولنوب بومقوله شرط واقف ایله
عمل اولنق طغوز یوز قرق دوت تاریخنندن رفع اولنوب وقفك محاسبه سی
رای حاکمه رؤیت ومتولینك آراء صحیحه سنه مساعدده وآراء مختلفه سی
رد اولنه دیو فرمان هایون صادر اولمشدر

(مسئله) ۱۶۹

بروقف قدیمك غله سنك محل صرفی حقنדה شرط واقف و تعامل
قدیم معلوم اوله مدیني جهته له غله نك محل صرفی مجهول بولنسه
اول وقفك غله سی رأی حاكمه ارباب فقر و احتیاجه صرف
اولنور

(مسئله) ۱۷۰

مضمونی ثابت اولیوب من القدیم کندوسیله عمل اولنمامش اولان
وقفیه نك مواد مندرجه سیله عمل و حکم اولنه من

(مسئله) ۱۷۱

وقفیه معمول بها یعنی من القدیم مضمونیه عمل اولنمقده اولان
وقفیه نك شروطنه مغایر اوله رق دفتر خاقانیده بعض شروط
تحریر اولنمش بولنسه کافی السابق وقفیه ایله عمل اولنمق لازم
کلور

مثلاً بر وقفك غله سی واقفك بطناً بعد بطن ذریته مشروطه
ایدوکی واقفك وقفیه معمول بها سنده مصرح ایکن دفتر خاقانیده
بطناً بعد بطن قیدی اولی ارق مطلقا وقف ذریت دیو مقید
بولنسه دفتر خاقانی قیدیه عمل اولنمیوب کافی السابق وقفیه ایله
عمل اولنمق لازم کلور

بناء علیه اول وقفك غله سی وقفیه معمول بها موجبینجه بطناً
مقدم اولان اولاد واقفه صرف اولنور یوقسه دفتر خاقانی قیدی
موجبینجه قننی بطند اولور ایسه اولسون بالجهله اولاد واقفه
صرف اولنماز و بالعکس من القدیم بروقفك متولیلری طرفندن

مقاديله عمل اولنه كمش اولان دفتر خاقانی قيدينه مغاير اوله رق مضمونی ثابت و معمول به اوليان بروقيه ابراز اولنسه و ققيه ايله عمل اولنموب كالاول دفتر خاقانی قیدی موجبنه عمل اولنمق لازم كلور

والحاصل و ققيه ايله دفتر خاقانی قیدی وقفه متعلق بر خصوصه يکديکره مخالف بولند قدده آنلردن قنغيسي او خصوص حقننه جريان ايتمش اولان تعامل قديمه توافق ايدرسه انك موجبنه عمل اولنمق لازم كلور ديکريه عمل اولنمز [*]

[*] دفتر خاقانیدن مراد بوندن او چيوز الی سنه اقدم علما و رجال دولته علیه دن انتخاب و تعیین اولنمش اولان مؤتمن و موثوق محرر لر معرفت ليله تنظيم و تحرير اولنمش اولان دفتر لر در که ممالك محروسه شاهانه ده بولان قری و مزارع و مرعی و اورمان و یا یلاق و قشلاق و اراضی سائر و جهت مربوطیت لری کمال اعتنا ايله تحقیق و شبهه دن سالم اوله بیله جک بر صورتده دفاتر مذکوره یه ثبت و تنمیق و هر برینک بالاسی خط هایون شهنشاهی و طغرای غرای جهان بانی ايله تزیین و توشیح اولنه رق حین تأسیس سنده دولته وضع اولنمش اولان اصول و قواعد توفیقا دفتر خانه عامره محزن مخصوص سنده حفظ اولنمقده در

دفاتر مذکوره نك بروجه محرر محافظه سنه دقت و اعتنا ایدلدیکی جهتله آنلرده مندرج بولان قیوداته هیچ بر صورتله خلل و فساد تطرق ایدمه میوب شبهه تزویر و تصنیع دن سالم قالمش اولدیغدن دفاتر مذکوره قیوداتی متأخرین فقهانك مظهر قبول و تصدیق لری اوله رق آنلرك بلا بیننه مضمون لریله عمل و حکم تجویز اولنمش اولدیغدن اولوجه له مجله نك بیک یدیوز اوتوز یدنجی ماده سنه درج و تحریر اولنمدر .

بوندن اقدم طبع و نشرینه موفق اولدیغ احكام اراضی نام اثر عاجزیده دفتر خاقانی حقننه ده ا زیاده تفصیلات وارد

۱۷۲ (مسئله)

شروط وقفده اعتبار واقفك تقريرينه در

يوقسه كاتبك تحريرينه دكلدر

بناء عايه وقفك تقريرى اولمق اوزره كاتب طرفندن وقفنامه يه

درج وتحرير اولنان شروط حين وقفده واقف طرفندن تقرير

وبيان اولنان شروطه موافق اولمديغى برنج شرعى تين

ايلديكى حالده واقفك تقريرى موجبجه عمل اولنور

يوقسه كاتبك تحريرى موجبجه عمل اولنماز

مثلا واقف حين وقفده وقفمك غله سنى ذريتمه شرط ايلدم ديو

تقرير ايتمشيكن كاتب سهواً وقفنامه ده ذريت يرينه اولاد تحرير

اياسه واقفك تقريرى موجبجه غله وقفده واقفك احفادى

اولاد صاييه نه تشريك ايديلور

يوقسه كاتبك تحريرى موجبجه اولاد صاييه يه حصر ايلماز

كذلك واقف حين وقفده وقفمك شروطنى تبديل وتغير يدمده

اولسون ديو شرط ايتمشيكن كاتب بوشرطى وقفنامه يه درج

وتحرير اياسه واقفك تقريرى موجبجه عمل اولنورق واقف

وقفك شروطنى تبديل وتغير ايدم بيلور

۱۷۳ (مسئله)

واقف وقفه سنده بربرينه معارض ومخالف ايكي شرط ذكر

ايدوب ايكيدييله ماعاً عمل ممكن اولماسه ايكنجى شرط اولكي

شرطك حكمنى نسخ ايدر

بناءً علیه شرط اول موجبینجه عمل اولنمیوب شرط ثانی مو-
جبینجه عمل اولنور

مثلاً واقف وقفیه معمول بهاسنده وقفمک غلهسندن اولاد
وانسابمه نسنه ویرلمیه دیو شرط ایتدکدن صکره غله وقفدن
بعض وظائفک تعیینی صرهسنده دعا کوی نامیلله اولاد
وانسابدن محتاج اولنلره شو قدر اچقه وظیفه ویرلسون دیو
شرط ایتش اولسه بوایکی شرط یکدیگریله متعارض اولمقله
شرط ثانی ایله شرط اولک حکمی منسوخ اولدیغندن شرط
ثانی موجبینجه عمل اولنلره رق واقفک اولاد وانسابدن محتاج
اولنلره تعیین اولنان وظیفهک غله وقفدن اعطاسی لازم کلور
کذلک واقف وقفمک غلهسنی ذریتنه وقف ایتدکده بطن اول
منقرض اولمدیقه بطن ثانییه غلهدن حصه ویرلمیه دیو شرط
ایتدکدن صکره بطن اولده اولادمدن بری وفات ایتدکده انک
حصهسی اولادینه ویرله دیو شرط ایلسه شرط ثانی موجبینجه
عمل اولنور .

بناءً علیه بطن اولده غلهیه متصرف اولان اولاد واقفدن بری
اولادینی ترک ایدرک وفات ایتدکده متوفانک حصهسی اولادینه
ویریلور

یوقسه شرط اول موجبینجه بطن اولده اولان حصه دارلرینه
ویرلمز

۱۷۴ (مسئله)

وقفده استحقاق اسقاط ایله ساقط اولماز

شویله که شرط واقف موجب بجه بر وقفدن کندویه بر حق توجه ایدن کیمسه او حق اسقاط ایلدم دیملکه او حق ساقط اولماز

بناء علیه او کیمسه نك بعد الاسقاط او حق مطالبه یه صلاحیتی وارد

مثلا بر وقفك غله سنك مشروط لهی بولنان کیمسه او وقفك غله سنده اولان حققی اسقاط ایتدم دیسه مؤخرأ اول وقفدن غله طلب ایده بیلور

وقفك توایت و سکناسی بو حکمده غله کیدر فقط واقفك عقد وقفی حین انشاسنده معین اولان مشروط له حاضر اولوبده وقفی رد ایدر ایسه او مشروط له حقنده وقف منعقد اوله میه جعفردن کندوسنه شرط قلنان منفعت وقفدن محروم اولور

بو صورتده بعد الرد منفعت مشروطه بی طلب ایده من نسکیم (۴۷) مسئله ده مرور ایتمشدر

۱۷۵ (مسئله)

وقف صحیحده بر کیمسه یه مشروط اولان منفعتیه خلاف شرط واقف دیگر کمنه تشریک ایدیه من

مثلا بروقف مکتبک شرط واقف اوزره انجق بر معامی اولوب واقف معلمه بر خانه وقف و سکناسنی ا کا شرط ایتمشیکن دیگر کیمسه خلاف شرط واقف کندوسنی اول مکتبه معلم ثانی نصب ایتدیروب برات ایتدیر سه بیلله اول خانه نك سکناسنده معلم اوله تشریک ایدیه من

۱۷۶ (مسئله)

وقف عند الاطلاق استغلاله مصر و قدر

يوقسه سكننايه مصر و قدر

بناء عليه بر منزل وقف اولند قدده موقوف عليه اول منزلك
غله و يا سكننا سندن قغيسته متصرف اوله جنى حين وقفه
واقف طرفندن تعيين ايدليوب مطلق براغلمش اولسه اول خانه
استغلال و ايجار اوله رق موقوف عليه انك غله سته متصرف
اولور يوقسه سكننا سته متصرف اوله من

مثلا بر كيمسه دن بن فلان خانه مى فلان مكتبك معامله وقف ايلدم
ديوب فقط اول خانه ده معلم سا كن اولسون يا خود اول خانه
استغلال اوله رق غله سنى معامله و يرلسون كى غله و يا سكننا سندن
برينك شرط ايلديكنه دلالت ايدر بر سوز سويلاسه متولى
اول خانه يى استغلال ايدهر ك غله سنى معامله اعطا ايدر

بوصورته معلم مجرد اول خانه نك استغلال اوله جفته دائر كلام
واقفده صراحت اولمديغندن اول خانه ده بن سا كن اولورم
ديو متولى يى استغلالدن منع ايدمن

۱۷۸ (مسئله)

بر كيمسه وقف ايتديكى عقارك غله سنى مكتب و معبد كى اما كن
خيريه دن برينك خدمه سته شرط ايدوب فقط غله نك بين ايلدمه
نوجهله توزيع و تقسيم اوله جفتى بى ان ايلاسه خدمه بيننده
غله مساوات اوزره تقسيم اولور

یوقسه خدمه نك اشرفلرینه سائرلرندن زیاده حصه ویرلمز
(۱۹۴) مسئلهیه مراجعت اولنه

باب خامس

عقارات موقوفه نك اقسامی و مؤسسات خیریه نك
بعض احکامی حقنیده در

(۱۷۸) مسئله

عقارات موقوفه ایکی قسمدر

قسم اول بدون استغلال عینیه انتفاع اولنق اوزره وقف
ایدلمش اولان عقارات موقوفه در که آنلره مؤسسات خیریه
اطلاق اولنور امانله سی (۱۶) مسئلهیه بیان اولنمشدر مراجعت اولنه
قیم ثانی ایجار واستغلال اولنهرق حاصل اولان اجرت
وغله سی بر جهت خیره شرط ایدیلان عقارات موقوفه در

اشبو قسم ثانی دخی اوچ قسمه منقسمدر

قسم اول اجارتینلو عقارات موقوفه در

قسم ثانی اجاره واحدلو عقارات موقوفه در

قسم ثالث مقاطعه لو عقارات موقوفه در

(۱۷۹) مسئله

مؤسسات خیریه ایکی قسمه منقسمدر

قسم اول فقرايه مختص اولیوب هم اغنیا وهم فقرانك
مسافات اوزره انتفاع ایتیمی جائز اولان مؤسسات خیریه در

معبد و کتبخانه و مسافر خانه و چشمه و قویی و کوپری و قبرستان
عمومی کبی

قسم ثانی انتفاعی فقرا به مخصوص اولوب اغنیانك انتفاع ایتیمی
جائز اولیان مؤسسات خیریه در

عمارات و خستگانك اطعمه و ادویه کبی لوازمی طرف وقفند
ایفا اولنق اوزره شرط ایدیلن وقف خسته خانه و طلبه نك
لوازمی غله و وقفند ایفا اولنق اوزره وقف و شرط ایدیلن
مدرسه لر کبی

بو مقوله مؤسساتك فقرا به مخصوص اولمی واقف طرفندن
تصریح و وقفیه درج اولنماسیه بیله فقرا به مخصوص اولمش
اولور

فقط بو مقوله مؤسساتده فقرا ایله برابر اغنیانك دخی انتفاع
ایتیمی واقف شرط و تصریح ایلش ایسه او صورتده فقرا
ایله برابر اغنیا دخی انتفاع ایده بیلور
یالکیز اغنیانك انتفاع ایتیمی شرط ایدر ایسه او صورتده
وقف صحیح اولماز

۱۸۰ (مسئله)

غله سی مطلقا فقرا به مشروط اولان وقفك غله سننده واقفك
اولاد و اخفادندن فقیر اولان کیمسه لر اجانبیدن اولان فقرا
اوزرینه ترجیح ایدیلور

کذلک سکنا سی فقرا به مشروط اولان منزلک سکنا سننده واقفك
سکنا به محتاج اولان اولاد و اخفادی اجانبیدن اولان فقرا
اوزرینه ترجیح ایدیلور

۱۸۱ (مسئله)

مسلم وغير مسلم مختلطاً ساکن بواندقلری بر محله ویا قریه نیک عورضیه مشروط وقفک غله سی مسلم وغير مسلم بالجمله اها اینک عوارضیه صرف اولتور

واقف کرک مسلم اولسون و کرک غیر مسلم اولسون مسلم وغير مسلمدن مخلوط بر صنعت اربابینک عوارضیه مشروط اولان وقفک حکمی دخی منوال مشروح اوزره در

۱۸۲ (مسئله)

خراب اولان بر مؤسس خیرینک تعمیرینه وقفنده مساعدده اولسه بیله اصحاب خیردن بری آنی کندی مالندین تبرعاً للوقف تعمیر ایتک استسه منع اولماز

۱۸۳ (مسئله)

سکیناسی مشروطه وقف منزل قابل تقسیم اولسه بیله سکینا مستحققلری بیننده تقسیم اولنه من

۱۸۴ (مسئله)

سکیناسی مشروطه وقف منزلک سکیناسنه مستحق اولتور متعدد اولوبده اول منزل آنلرک جمله سنه مسکن اولمغله صالح اولماسه انار اول منزله مهیاة اوزره ساکن اولورلر

۱۸۵ (مسئله)

بر محله ویا قریه نیک قدیم مسجدی ضیق اولوب جماعتی استیعابه کافی اولمامغله اهالی اول مسجدی هدم ایدوب یرینه کندی ماللرندن مبالغه کافی صرفیه واسع واولسکندن متین بر مسجد بنا ایتملری جائزدر

۱۸۶ (مسئله)

بر مسجد ضيق اولوب جماعتی استيعابه كافي اولماسه اول مسجدك
اتصالنده اولوب آنك مستغلاتندن اولان بر وقف عقارك اول
مسجده علاوه سيله اول مسجدك توسيعی جائزدر

باب سادس [*]

اجارتي نلو مستغلات و مستغلات موقوفه يه دائر اولوب
اون اوج فصلي حاويدر

فصل اول

اجارتي نلو مستغلات و مستغلات موقوفه نك فراغ و تفويضه
و صور انتقاله سنه دائردر

۱۸۷ (مسئله)

اجارتي نلو عقارات موقوفه طرف و قفدن طالب اولان كيمسه يه

[*] اجارتي ن معامله سنك زمان و سبب ظهورينه دائر بوجه آتی
بعض تفصيلات و مطالعات بيان اولنور .

بشويله كه استانبول و بلاد نكته و روم ايلي و اناطوليناك بعض بيوجك شهر لرنده
اليوم اجارتي ن صورتيله تصرف اولنمقده اولان مستغلات و مستغلات
موقوفه قديمه بوندن ايكيوز سكسان بش سنه اقدم اجاره واحده ايله
عقارات موقوفه قسمندن اوله رق متوليلري طرفندن اجاره واحده ايله
ايجار و حاصل اولان اجر تلري وجه شرعي اوزره مصارف وقفه صرف
و عقارات مذكوره دن خراب اولانلرينك تعمير و ترميمي محترق و يا منهدم

ابتداءً ایجاد و تفویض اوله جق اولدقده اجاره معجله ناميله
اول عقارك قيمته قريب بر مبالغ پشين اوله رق اول كيمسه دن

اولنلرينك مجدداً بنا وانشاسى مصارفى تماماً طرف وقفدن ادا و ايفا
اولنور ايدى

فقط اول و قتلر استانبول و بلاد ثلثه ده كثر اوزره وقوع بولمش اولان
حريقلرده مسقفات موقوفه نك اكثريسى آز بر مدت ظرفنده مكرراً محترق
اونش اولديغندن آرتق محترق اولان مسقفات موقوفه يى مجدداً بنا
وانشايه و قفلرنده غله و قدرت قالماش و اجرتنه محسوباً بنا وانشا
ايتك اوزره اجاره واحده ايله استيجاره طالب دخى بولنماش اولدينى
جهنله بر جوق مؤسسات خيريه نك اداره سى كسب صعوبت ايتمش اولدينى
كبي اوقاف خرابه لريله مملكتك زينت و رونق زائل اولغنه باشلامش
اولمى دولتجه نظردقتى جلب ايدرك هم مؤسسات خيريه نك دوام
و اداره سنى تأمين و هم دخى مسقفات موقوفه خرابه لرinx اعمار ايله مملكتى
معمور و تزئين ايتك خصوصنه بر چاره ارانغه دولتجه مجبوريث حاصل
اولمش ايدى

بناء عليه بوگا بر چاره اولمى اوزره مسقفاتى خراب اولمش اولوبده
اعمارينه قدرتى اولميان و بشقه بر صورتله دخى اعمارى ممكن اوله ميان
مسقفات موقوفه ده اجارتنين صورتيله تصرف اصولى احداث اوله رق
« حاجت خصوصى اولسون عمومى اولسون ضرورت منزله سنه تزيل اولنور »
« ضرورتلر ممنوع اولان شيلرى مباح قيلر » قاعده فقهيه لرى منظور
نجه بروجّه مشروح وقوع بولمش اولان احتياج و ضرورت اوزرينه
خلاف قياس اوله رق واقفلرده اجاره طويله مسئله سى تجويز ايدلمشدر
وقفلرى بيقدرت بولنان خراب مسقفات موقوفه نك اعمارينه مستأجر لرى
تشويق و ترغيب ايتك ايچون اجارتنين مامله مى ضمننده فصول آتبه ده

وقف ایچون قبض وهر سنه ختامنده اجاره مؤجله ناميله جزئی
بر مبلغ ویرمک اول کیمسهیه تفویض اولنور

بیان اولنه جنی وجهله اجارتین مستأجر اولانلره بر چوق منفعت وفائده
کوسترلشدیر .

وضع اصلیه سنه بناءً اجارتین معامله سنک حقیقی بوجه آتی بیان اولنور
شویله که مستققات موقوفه دن بر منزل و یادگان خراب اولوبده اعمار
کافی غله موجود اولدینی واجرتیه محسوباً اعمار ایتک اوزره اجاره
واحد ایله استیجاره طلب دخی بولمیدینی بر نهج شرعی تحقق واجارتین
ایلله ایجاری وقف حقنده انفع اولدینی تبین ایدرک اجارتینه تحویله اذن
شرعی صادر اولدقدن صکره اول منزل و یادگانک اعمارینه صرف اولتمق
اوزره اجاره معجله ناميله قیمته قریب بر مبلغ استیجاره طالب اولان
کیمسه دن اخذ وهر سنه نهایتنده ویرمک اوزره جزئی بر مبلغ اجاره
مؤجله ناميله تخصیص اولور .

اجارتینلو مستققات موقوفهیه اجارتینلو تسمیه اولن سنک وجهی اشبو
بیاندن ظاهر اولنور

اجاره معجله ناميله مستأجر دن بوجه پشین اخذ اولنان مبلغ معرفت
منولی ایلله اولان دکان و یا منزلک اعمارینه صرف اولنهرق معمور اولدینی
حاله اصول موضوعه سنه توفیقاً تصرف ایتک اوزره بالاجارتین مستأجر
اولنلره تسلیم اولنور

بالاجارتین مستأجرک معجلهیه استیفا ایتکسزین زمان قلیلده بلا ولد
وفاتی وقوع بولدینی حالد معجله دن استیفا اولنمیان مقدارینی مستأجرک
ورنه سی طرف وقفدن استرداد ایدرلر .

معجله الدقدن صکره مؤجله ناميله سنوی بر مقدار مبلغک تخصیصی
اصول اتخاذ اولنمی ایکی مظالمه مشروعهیه بمنیدر
اولکیدی هر سنه ختامنده مستأجرلردن اجاره اخذیله مأجورک مال

۱۸۸ (مسئله)

اجارتینلو عتارات موقوفه نك رقبه سی و ذواتی واقفی طرفه و حق
تصرفی بالا جارتین مستأجرینه عائددر

رقف اولدیغی بین الناس معلوم اولوبده بالا جارتین متصرفلرینك مرور
زمان ایله اجارتینلو مسقفات موقوفه ده ملکیت دعواسنه قیام ایتلریله
محل براغلاماسیدر

ایکنجیسی بهر سنه ختامنده مستأجر مؤجله یی متولی به اعطا ایله مستأجر
ایله متولی بینلرنده بالتعاطی عقد اجاره تجدد ایدرکائمه حنیفه طرفندن
وقف حقنده تجویز اولنمیان اجاره طویلله به علی قدر الامکان بر مخلص بولمقدر
اشته شوایکی اساسك محافظه سنی تأمین ایچون مستأجر لر طول مدت
اجاره مؤجله یی طرف وقفه ادادن امتناع ایتدکلی صورتده مبولینك
اجاره یی فسخ ایتمکه حق و صلاحیتی اولق حین احداثده اصول اتخاذ قلم شددر
ضرورت مشروحه یه مبنی مسقفات موقوفه دن بری اجارتین ایله ایجار
و نفویض اولندقدن صکره انك بالا جارتین متصرفی اصحاب انتفالدن وارثی
اولیه رق وفات ایدوب او مسقف معمر اولدیغی حالده محلولاً واقفی
جانبه عائد اولور ایسه اجارتین صورتیله اجارندن صرف نظرله اجاره
واحد ایله ایجار اولنق اوزره وقف ایچون ترك وابقا اولنسی امور
جائزه دن ایدی

اجارتین اصل و انك تاریخ احداثدن صکره بعض واقفلر وقف ایتس
اولدقلى مسقفات و مستغلاتك اجارتین صورتیله ایجار اولنسی شرط
واولوجهله وقفیه لرینه درج ایتدکلی کبی بعضیلری دخی بواصولدن
احترازاً اجاره واحده ایله ایجار اولنسی شرط و تصریح ایتش لردر
تفصیلات سرره دن اکلاشله دیغی اوزره وقتیه تجویز اولنش اولان
اجارتین اصولی بر طاقم شروط ایله مشروط اوله رق ضروری اختیار
اولنش بر معامله دن عبارتدر

عقارات مذکوره به بالا جارتین متصرف اولان کیمسه حیاتده اولدقجه اول عقارك متصرفی اولور

فقط معلوم اولدیغی اوزره اك كوزل واك نافع بر اصول وقانون سوء استعمال اولدیغی صورته اك فنا واك مضر نتیجه لری انتاج ایدیه جکی مجربات اموردن اولغله برجه مشروح احداث اولنش اولان اجارتین اصولی مهور زمان ایله اخلاف طرفندن پك چوق سوء استعمالاته اوغرا دیله رق فنا و مضر نتیجه لر ویرمشد

از جمله هنوز واقفك یادیغی حال اوزره بولنان کاکیرخان و حمام کبی مسققات معمره متولیان و مستغذاتك منافع ذاتیه لری سائقه سیله « ضرورتلر کندو مقدار لر نجه تقدیر اولور » و « خلاف قیاس ثابت اولان غیره مقدس علیه اوله ماز » قاعده فقهیه لرینه مخالف اوله رق اجارتینه تحویل اولنمشدر .

وبوندن تقریباً یوزاللی سنه اقدم نامشروع اوله رق احداث اولنش اولان کدك اصولی اوقاف قدیمه نك خیلیدن خیلی حقوق و منافعی اضاعه ایتشد بر بوا یکینسندن اشعی نوظهور اولان بر سوء استعمالدرکه اوده وقتیه صورت صحیحده وقف ایدیه لرك مؤسسات اسلامییه بحق مربوط بولنان اجارتینلو مسققات و مستغلات موقوفه براز زماندنبرو صورت محرمانه ده اجرا ایدلیکی استخبار قلنان تا ویلات غیر محقه ایله مؤسسات غیر اسلامییه ربط ایدلیکده اولمیشدر

اگر بو کیفیت دولته نظر اهمیته الهرق و طرفینك حقوقی درهیش ایدیه لرك بر چاره سنه باقلمز ایسه ایلروده عظیم مشکلات و اختلافاتی داعی اوله جنی بی اشتباهدر

وفات ايتديكى تقديرجه يالكرز متصرفنك اولاد ذكور واناثة
بلا بدل سويآ انتقال ايدر

متصرف بلا ولد وفات ايدر ايسه محلول وطرف وقفه عائد
اولوب اولاددن ماعدا ورثيه انتقال ايتمز

فقط واقف وقفه سنده اجارتي نلومسقفات ومستغلاتك املاكى كى
متصرفلرينك ورثه سنه انتقال ايتمى شرط ايتمش ايسه اوصورتده
مسقفات ومستغلات مذكوره متصرفلرينك وفاتيله مسئله
ميراثيه لرينه قياصاً ورثه لرينه انتقال ايدر [**]

كذلك بيك ايكوز سكسان بش سنه سى ذى القعدة سنك ايكنجى
كونى نشر و اعلان قانان توسيع انتقال قانوننامه هايوننه
توفيقاً متصرفنك طلب واختيارى اوزرينه توسيع انتقالى اجرا
قلمش اولان اجارتي نلومسقفات ومستغلات موقوفه اولان
كلكان اولاد ذكور واناثة سويآ انتقال ايدر

[*] بو انتقال عادت وعرفه مبتنى اولوب شرعه مستند اولمديفندن اك
انتقال عادى تسميه قنور

چونكه مستأجر وفات ايتدكن صكره شرعاً اجاره منفسخ اولور
يوقسه مأمورك تصرفى مستأجر ك ورثه سنه انتقال ايتمز

[**] اصحاب خيراتدن صدر اسبق قوجه يوسف پاشا مرحومك آيينه لى
قوانده وقودان دريا اسبق جزايرلى غازى حسن پاشا مرحومك قصبة
قاسم پاشاده قشله ميدانده كاش اجاره واحده ناميله مقيد بولنان مسقفات
ومستغلات موقوفه لرى بوقبيله دندر

ثانياً احفاده يعنى متصرف متوفانك اولاد ذكور واناثتك اولاد
ذكور واناثته انتقال ايدر

شويله كه توسيع انتقالى اجرا اولمش اجارئينلو بر وقف عقاره
متصرف اولان كيمسه اولادى اولماديني حاليه وفات ايدوب
الحق اخفاديني ترك ايتدكده اول اخفاد او كيمسه نك آيرو آيرو
ولدلرندن تولد ايتسه لر بيله اول عقار انلرك جمله سنه مساوات
اوزره انتقال ايدر

مثلاً توسيع انتقالى اجرا اولمش اجارئينلو بر وقف عقارك متصرف
اولادى اولماديني حاليه وفات ايدوب الحاق كندودن اول وفات
ايتمش اولان بر نفر اوغانك بش نفر اولاديله ينه كندودن مقدم
وفات ايتمش اولان بر نفر قزينك بر نفر ولدنى ترك ايلسه اول
عقار اتى سهم اعتبار اوله رق بش سهم متوفى اوغانك بش نفر
اولادينه و بر سهمى دخى متوفاه قزينك بر نفر ولدينه انتقال ايدر
ويا خود كندودن مقدم وفات ايتمش اولان بر نفر اوغانك ايكي
نفر ولدنى و ينه كندودن مقدم وفات ايتمش اولان ديكر اوغانك
اوچ نفر ولدنى و ينه كندودن مقدم وفات ايتمش اولان قزينك
درت نفر ولدنى ترك ايلسه اول عقار طقوز سهم اعتبار اوله رق
هر برينه بر سهم انتقال ايدر

۱۸۹ (مسئله)

توسيع انتقالى اجرا اولمش اجارئينلو عقارات موقوفه الحاق

بر درجه احفاده انتقال ايدر

بناء عليه ايكنجي درجه د بولان احفاد جد اعلالرينك بالا جارتين
عهده سنده بولان عقارات موقوفه دن حق انتقاله نائل اولمازلر
مثلا توسيع انتقالی اجرا اولمش اجارتي نلو بروقف عقار متصرفك
اوغلنك واوغلنك اوغلي وفات ايدوب بعده كندوسى دخی انجق
اوغلنك اوغلنك اوغلي ترك ايدرك وفات ايتسه اول عقار
اوغلنك اوغلنك اوغلنه انتقال ايتمز [*]

۱۹۰ (مسئله)

بابا و اناسنك حياتنده وفات ايدن اولاد ذكور و انانك اولادى
اولاد مقامنه قائم اوله رق جد وجدولرندن بابا و انالرينه انتقال
ايدمك حصه كندولرينه انتقال ايدر
شويله كه توسيع انتقالی اجرا اولمش اجارتي نلو بروقف عقارك
متصرفي هم اولاديني و همده كندودن مقدم وفات ايتمش اولان
اولادندن متولد احفاديني ترك ايدرك وفات ايتسه او صورتده
كندودن مقدم وفات ايتمش اولان اولاد حياتده فرض اوله رق
بر حيات بولان اولاد ايله برابر اول عقاردن كندولره انتقال
ايدمك حصه هر برينك كندى اولادينه انتقال ايدر

[*] چونكه توسيع انتقال قانوننده احفاد لفظی اولاد ذكور و انانك
اولادى ديوتفسير ايديلهرك بر درجه احفاده حصر ايدلمش اولديغندن
ايكنجي درجه ده بولان احفاده شامل دكلدر

مثلاً توسيع انتقال اجرا اولمش اجارتينلو بر وقف عقارك متصرفي وفات ايدوب ايكي نفر اوغلني وبر نفر قزيني وكنندو. سندن اول وفات ايتمش اولان ديكر اوغلنك اوچ نفر اولاديني ترك ايلسه عقار مذكورك اوچ حصه سي ايكي نفر اوغلي وبر نفر قزينه وبر حصه سي دخي كندودن مقدم وفات ايتمش اولان اوغلنك اوچ نفر اولادينه سويآ انتقال ايدر

وياخود متصرف وفات ايدوبده بر نفر اوغلني وكنندودن مقدم وفات ايتمش اولان قزيناك اوغلني ترك ايتسه اول عقارك نصفي متصرف متوفانك اوغلنه ونصف ديكرى قزيناك اوغلنه انتقال ايدر وياخود متصرف وفات ايدوبده اوچ نفر اوغلني وبر نفر قزيني كندوسندن مقدم وفات ايتمش اولان ديكر اوغلنك اوچ نفر اولاديني وينه كندوسندن اول وفات ايتمش اولان ديكر قزيناك ايكي نفر ولديني ترك ايتسه عقار مذكور التي حصه اعتبار اولنه رق برر حصه دن جمعاً دوت حصه متوفانك اوچ نفر اوغلي وبر نفر قزينه وبر حصه دخي متوفي اوغلنك اوچ نفر اولادينه وينه ديكر بر حصه سي دخي متوفاه قزيناك ايكي نفر ولدينه انتقال ايدر

توسيع انتقال اجرا اولمش اجارتينلو بروقف عقارك متصرف ويا متصرف سي اولاد ويا احفاديني ترك ايدورك وفات ايتدكه زوجه سنك ويا زوجنك اول عقارده حق انتقال يوقدر ثالثاً ابوينه انتقال ايدر يعنى توسيع انتقال اجرا اولمش اجارتينلو بروقف عقاره متصرف اولان كيمسه اولاد و احفادي اولماديني

حاله وفات ايدوب بابا و اناسنى ترك ايتدكده اول عقار مناصفة
بابا و اناسنه انتقال ايدر

يالكنز باباسى بولنور ايسه اول عقار مستقلاً باباسنه و ياخود
يالكنز اناسى بولنور ايسه اول عقار مستقلاً اناسنه انتقال ايدر
بابا و انا ايله و ياخود ايکيسندن بريله زوج ويا زوجيه بولنور
ايسه بر ربع حصه زوج ويا زوجيه انتقال ايدر

مثلاً توسيع انتقالى اجرا و لنمش اجار تينلو بروقف عقار متصرفى
اولاد و احفادى اولماديغى حالد و وفات ايدوب زوجيه سنى و بابا
و آناسنى ترك ايتدكده اول عقارك ربع حصه سى زوجيه و ثلاثه
ارباع حصه سى دخی مناصفة بابا و آناسنه انتقال ايدر و ياخود
زوجيه و باباسنى ترك ايتدكده ربع حصه زوجيه و ثلاثه ارباع
حصه سى دخی باباسنه انتقال ايدر و ياخود زوجيه و اناسنى ترك
ايتدكده ربع حصه زوجيه و ثلاثه ارباع حصه سى دخی اناسنه
انتقال ايدر

و ياخود توسيع انتقالى اجرا و لنمش اجاره تينلو بروقف عقاره
متصرفه اولان بر قادين اولاد و احفادى اولماديغى حالد و وفات
ايدوب زوجنى و بابا و اناسنى ترك ايتدكده اول عقارك ربع
حصه سى زوجيه و ثلاثه ارباع حصه سى دخی مناصفة بابا و اناسنه
انتقال ايدر و ياخود زوجنى و باباسنى ترك ايتدكده ربع حصه
زوجيه و ثلاثه ارباع حصه سى دخی باباسنه انتقال ايدر و ياخود
زوجنى و اناسنى ترك ايتدكده ربع حصه زوجيه و ماعداسى
اناسنه انتقال ايدر

رابعاً لابوین ار وقز قزنداشنه انتقال ایدر
 شویله که توسیع انتقالی اجرا اولنش واجار تینلو بروقف عقاره
 متصرف اولان کیمسه اولاد واحفادی وابوینی اولمادیغی حالده
 وفات ایدوب لابوین ار قزنداشیله لابوین قز قزنداشنی ترک ایلسه
 اول عقار مناصفه انلره انتقال ایدر

یالکیز لابوین ار قزنداشی بولنور ایسه اول عقار مستقلاً لابوین
 ار قزنداشنه ویاخود یالکیز لابوین قز قزنداشی بولنور ایسه اول
 عقار مستقلاً لابوین قز قزنداشنه انتقال ایدر لابوین قزنداش
 قاج نفر بولنور ایسه بولنسون جمله سی مساوات اوزره انتقاله
 نائل اولورلر

خامساً لاب ار وقز وقزنداشنه انتقال ایدر
 توسیع انتقالی اجرا اولنش اجار تینلو بروقف عقار متصرفی
 اولاد واحفادی وپاا وانا ولابوین قزنداشلری اولمادیغی حالده
 وفات ایدوب انجق لاب اروقز قزنداشلرینی ترک ایتدکده اول
 عقار انلره سویاً انتقال ایدر

بو صورتده زوج ویا زوجہ بولندیغی تقدیرجه ربع حصه
 زوج ویا زوجیه وماعداسی لاب قزنداشلره انتقال ایدر
 لابوین قزنداشلرده بیان اولمان تفصیلات لاب قزنداشلر ددخی
 جاریدر

سادساً لام ار وقز قزنداشه انتقال ایدر
 شویله که توسیع انتقالی اجرا اولنش اجار تینلو بروقف عقار
 متصرفی اولاد واحفادی وابوینی ولابوین ولاب قزنداشلری

اولمادینی حالده وفات ایدوب انجق آنا بر ار وقز قرنداشلرینی
تراء ایلسه اول عقار سویاً انلره انتقال ایدر

بو صورتده دخی زوج ویا زوجیه بر ربع حصه واردر
تفصیلات مذکوره لام قرنداشلرده دخی جاریدر

سابعاً زوجدن زوجیه زوجهدن وزوجه انتقال ایدر
یعنی توسیع انتقالی اجرا اولمش اجارتینلو بروقف عقار متصرفی
بالاده درجاتی بیان اولنان حق انتقال اصحابندن اصلاً وارثی
اولمادینی حالده وفات ایدوبده انجق زوجیه سی ترك ایلسه
اول عقار مستقلاً زوجیه انتقال ایدر

شوقدر وارکه زوجهدن اولدینی [§] صورتده سویاً ومشرکاً
جمله سنه انتقال ایدر

ویا خود توسیع انتقالی اجرا اولمش اجارتینلو بر وقف عقاره
متصرفه اولان بر قادین بالاده درجاتی بیسان اولنان اصحاب
انتقالدن کمسنه سی اولمادینی حالده وفات ایدوب انجق زوجینی
ترك ایلسه اول عقار مستقلاً زوجیه انتقال ایدر

بروجه بالا زوج وزوجه نك حق انتقاله نائل اولسی حق
وراثتک ثبوتی شرطیه مشروطدر

شویله که وارث اولان زوج وزوجه حق انتقاله نائل اولور

وارث اولمان حق انتقاله نائل اولماز

بناء علیه نکاح صحیحک وقوعند نص کره قبل الدخول والخلوه
زوجیندن بریسی وفات ایتسه دیکری ایچون حق انتقال

واردر

كذلك زوج زوجته سني طلاق رجعي ايله تطايق ايتدك دئصكره
زوجه نك عدتي ايچنده زوجيندن بريسي وفات ايتسه آخري
آنك حق انتقاله نائل اولور .

اما زوجة نك عدتي منقضيه اولدق دئصكره زوجيندن بري وفات
ايتسه او صورتده حق انتقال ثابت اوله من .

طلاق باينده ولو زوجة نك عدتي ايچنده زوجيندن بري وفات
ايتسه آخره حق انتقال ثابت اوله من .

شوقدروار كه بر كيمسه مرض موتنده زوجة سني طايي اولميه رق
طلاق باين ايله تطايق ايدوب زوجة نك عدتي منقضيه اولمق سزير
زوج وفات ايتسه زوجة ايچون حق انتقال ثابت اوله بيلور .

۱۹۱ (مسئله)

مفقودك يعنى حيات و مماتى و نروده اولديني مجهول بوانسان
شخص ثابتك حقيقه و يا حكماً موتى ثابت اولدقجه عهده
تصرفنده بوانسان اجارتينلو عمارات اصحاب انتقالدن اولان
ورثه سني انتقال ايتن

۱۹۲ (مسئله)

بينلرند قرايت اولان ايكي كيمسه غرق اولمش بر سفينه
ايچنده بولنه رق مغروقا و يا خود منهدم اولمش بر بنانك اتقاضي
آلئنده قاله رق مهدوما و يا خود محترق اولمش بر بنا ايچنده بولنه رق
محترقا وفات ايدوب فقط آنلردن قنعيدنك اولجه وفات ايتمش
اولديني معلوم اوله ماسه آنلردن هر بري آخره وارث اوله مديني

کبی یکدیگرک بالاجارتین تصرفنده بولان اجارتینلو وقف عقارک
حق انتقائه دخی نائل اوله من

بلکه هر برینک بالاجارتین عهده سندد بولان وقف عقارکیندو.
سنگ بر حیات اولان ورثه سنه انتقال ایدر

مثلا اجارتینلو بر وقف عقارک متصرف بر نفر اوغایله برابر
بروجه محرر مغروقاً و یا هدماً و یا محروقاً وفات ایدوب آنلردن
قنیه سنگ اول وفات ایتش اولدینی مجهول بولمغله متصرف
میتوانک بر حیات بولان سائر اولادی اول عقاری انتقال
عادی به بناء ضبط ایتک استکارنده بروجه محرر باباسیله برابر
وفات ایدن اوغانک اولادی اول عقاردن بر حصه دخی جدمزدن
بابامزه انتقال ایدر بناء عایه حصه مذکور دینی بابامز انتقائیدن
بر ضبط ایدرز دیه مزلر .

توسیع انتقالی اجرا اولمش اجارتینلو بر وقف عقار متصرفی
بالاده درجاتی بیان اولان حق انتقال اصحابدن کمسنه سی
اولمدینی حالده وفات ایتسه اول عقار بحلول اوله رق وقفی
جانبه غائد اولور .

شو قدر وارکه اجارتینلو بر وقف عقار اولنجیه دکین فارعی
بساحک شرطیله تفرع و اولوجه له اذن متولی لاحق اوله رق
سند خاقانیسنه درج و تحریر اولردن صکره فارغ بر حیات ایکن
مفروغ له اصحاب انتقالدن اصلا وارثی اولمدینی حالده وفات

ایلمه اول عقار محلول اولیوب با رأی متولی فارغک عهده سنه
اعاده اوانور

فصل ثانی

موانع انتقال حقنمودر

۱۹۳ (مسئله)

مسلم ایله غیر مسلم بینلرنده اولان اختلاف دین مانع انتقال ایدر
بناءً علیه بر مسلمک و فائنده اجارتین صورتیه تصرفده اولان
مسققات و مستغلات موقوفه غیر مسلم اولان اولاد و اقرباسنه
انتقال ایتمز

کذلک غیر مسامک و فائنده بالاجارتین تصرفده اولان مسققات
و مستغلات موقوفه مسلم اولان اولاد و اقرباسنه انتقال ایتمز
اما مال غیر مسامه بینلرنده اولان اختلاف دین مانع انتقال
اوله من مثلاً خرسیانیدن یهودیه و یهودیدن خرسیانه اجاره
تینلو مسققات و مستغلات موقوفه انتقال ایدر

بناءً علیه مثلاً تبعه دن بر یهودی بر وقف عقاره اجارتین ایله
متصرف ایکن وفات ایدوب هر بری تبعه دن بری خرسیان
و دیگر یهودی ایکی نفر ولدینی ترک ایتدکده خرسیان اولان
ولد اول عقارک نصف حصه سی انتقال عادی یه بناءً ضبط ایتمک
استدکده ولد یهودی مجرد بابامن یهودی اولوب سن خرسیان
اولمقله اول عقاردن سکا حصه انتقال ایتمیوب اول عقاره
مستقلاً بن تصرف اولورم دیه من

متوفی خرستیان بولدینی تقدیرجه حکم ینه بو منوال اوزره در
کذلک تبعه دن بر یهودی بروقف عقاره اجارترین ایله متصرف
ایکن فوت اولوب تبعه دن بر نفر خرستیان ولدینی ترک ایتدکده
او ولد اول عقاری انتقال عادی یه بناء ضبط ایتک استمدکده
متولی مجرد باباک یهودی اولوب سن خرستیان اولمقله اول عقار سکا
انتقال ایتیموب محلول اولور دیو ضبطدن منع ایده من
متوفی خرستیان ولدی یهودی اولدینی تقدیرده دخی حکم بو
منوال اوزره در

۱۹۴ (مسئله)

اختلاف دار یعنی اختلاف تابیت مانع انتقالدر
شویله که تبعه غیر مسلمه دن برینک وفاتیه بالا جارتین عهده سنده
بولانان وقف عقار تبعه اجنبیه دن اولان اولاد و اقرباسنه
انتقال ایتمز

کذلک استملاک قانوننه توفیقاً اجارینلو وقف عقاره متصرف
اولان غیر مسلم بر اجنبی وفات ایتدکده اول عقار تبعه دولت
علیه دن اولان وارثنه انتقال ایتمز

تبعه دولت علیه دن بر کیمسسه اجارینلو عقاره متصرف ایکن
مأذونیت رسمیه استحصالی ایتکسزین بر دولت اجنبیه تابعیتنه
داخل اولسه عهده سنده بولانان عقار محلولاً وقفی جانبیه
عائد اولوب اصحاب انتقالدن اولان اولاد و اقرباسنه انتقال
ایتمز

اما مأذونیت رسمیه استحصال ایدرك بر دولت اجنبیه تابعیتته کیرمش ایسه نظر اولور. اکر تابعیتته کیردیکی دولت اجنبیه استملاك املاك مضبطه سنی قبول و امضا ایتمش ایسه عهده سنده بولنان اجارتینلو وقف عقار محلول اولیوب کالاول عهده سنده قالدور و اکر تابعیتته کیردیکی دولت استملاك املاك مضبطه سنی قبول و امضا ایتماش ایسه او صورتده محلول اولور.

۱۹۵ (مسئله) قتل مانع انتقالدر
مثلا بر کیمسه باباسنی قتل ایتمش اولسه باباسنك حیاتنده بالاجارتین عهده تصرفنده بولنان مسققات و مستغلات موقو-
فه نك انتقالدن محروم اولور

بو مقامده قتلدن مراد حرمان ارثی موجب اولان قتلدر
حرمان ارثی موجب اولیان قتل انتقاله مانع دکلدر [*]
۱۹۶ (مسئله)

رق یمنی کوله ویا جاریه بولنق مانع انتقالدر .
مثلا بر کیمسه اجارتین ایله بر وقف عقارده متصرف ایکن وفات
ایدوبده کوله ویا جاریه اولان اولادینی ترك ایلسه اول عقار
آنلره عادیاً انتقال ایتمز

۱۹۷ (مسئله)
اصحاب انتقالدن بریمنی بالاده بیان اولنان موانع انتقالدن
بربله انتقالدن محروم اولسه اومانع بولمادیغی تقدیرده آکا انتقال

[*] قنغی قتلدر حرمان ارثی موجب اولور و قنغیلر موجب اولماز بوکا
دائر اولان تفصیلات بوندن اقدم «معیار عدالت» نامیله نشر ایله دیکم
اثر عاجزیده مسطوردر .

ايدم جك حصه محلول اولم يوب ديكر ورنه يه انتقال ايدر
مثلا تبعه دولت عليه دن بر غير مسلم اجار تينلو بر وقف عقاره
متصرف ايكن فوت اولوب ايكي نفر غير مسلم اوغلني ترك
ايدوب فقط آلردن بر يسي تبعه دولت عليه دن و ديكر ي تبعه
اجنبيه دن بولنسه اول عقار مستقلاً تبعه دولت عليه دن اولان
اوغلنه انتقال ايدر

يوقسه ديكر اوغلي تبعه اجنبيه دن بولنديني ايچون اول عقارك
نصف حصه سي محلول اولماز .

كذلك اجار تينلو بر وقف عقاره متصرف اولان كي مسه ني مثلا
اوچ نفر اولادندن بر ي انتقالدن محرومي موجب قتل ايله
قتل ايلسه ديكر ايكي نفر ولدي اول عقاري انتقال عادي يه
بناءً ضبط ايدر لر

يوقسه بر نفر ولدي قاتل بولنديني چون اول عقارك تلت حصه سي
محلول اولماز

فصل ثالث

فراغ قطعي بياننده در

۱۹۸ (مسئله)

على العموم اجار تين صورتيله تصرف اولان مسقات و مستغلات
موقوفه نك متصرفلري اول مسقات و مستغلاتي كرك بدل
مقابله سنده و كرك مجاناً آخره فراغ ايدم بيلور لر .

۱۹۹ (مسئله)

فراغ ايجاب و قبول ايله منمقد اولور

فقط مفروغ به قنغی و قفدن ایسه فراغک صحتمده اول و قفک متوالیسنک اذن لاحق اولاق شرط اولوب بلا اذن المتولی وقوع بولان فراغ صحیح و معتبر دکادر

بناء عایه بلا اذن المتولی وقوع بولان فراغدن فارغ ایله مفروغ لهدن هر قنغیسی مراد ایسه رجوع ایده بیلور

و مفروغله وفات ایدر ایسه مفروغ به فارغ متصرف اولور فارغ وفات ایتمش ایسه مفروغ به انک اصحاب انتقالدن اولان ورثه سنه انتقال ایدر

اصحاب انتقالدن ورثه سی یوغیسه محلولاً وقفی جانبیه عائد اولور

والحاصل بلا اذن المتولی فارغ ایله مفروغله بینلرنده وقوع بولمش اولان فراغ کائن لم یکن حکمنده در

۲۰۰ (مسئله)

بر کیمسه مسققات و مستغلات موقوفه دن اجارتین صورتیه متصرف اولدینی بر عقراری اذن متولی ایله دیکرینه قطعاً فراغ ایدوب لیکن هنوز سند تحریر اولنماسه فارغ مجرد سند تحریر اولندی دیو فراغدن رجوع ایده من

۲۰۱ (مسئله)

شرط لاحق عقد سابقه ملتحق اولماز بناء عایه بر کیمسه اجارتین ایله تصرفنده اولان وقف عقراری شوقدر غروش بدل مقبوض مقابله سنده اذن متولی ایله آخر

کمسنه به بلا شرط قطعاً فراغ ایتدکدن برمدت صکره مفروغ له
 فارغه هر نه زمان بدل فراغی بکا ادا ایدر ایسه ک بندخی اول
 عتقاری سکا رد و فراغ ایدرم دیو وعد ایدوب اولوجهله برسند
 ویرسه بیله مفروغ له وعد مذکورینی ایفایه مجبور دکلدن
 یعنی مفروغ له اول عتقاری وعدی وجهله بالرضا فارغه رد و فراغ
 ایدر ایسه فیه ایتدیکی حالده طرف حاکمدن مفروغ لهه جبر
 اولنه ماز

اما فراغدن مقدم فارغ ایله مفروغ له بینلرنده بروجه مشروح
 بر مقاوله جریان ایدرک انک اوزرینه فراغ وقوعبولمش ایسه
 او صـورتده فارغ بدل فراغی مفروغ لهه ادا ایلدیکی حالده
 مفروغ له بر موجب مقاوله مفروغ بهی فارغه رد و فراغه
 مجبوردر

۲۰۲ (مسئله)

بر کیسه اجارتین ایله تصرفنده اولان وقف عتقارینی مجاناً و بلا
 شرط دیگر کمسنه به اذن متولی ایله فراغ ایتدکدن صکره فارغ
 مجاناً فراغنه نادم اولوب مفروغ لهدن بدل مطالبه سنه و یا خود
 مفروغ لهدن اول عتقاری استرداد ایتدک صلاحیتی اوله من
 كذلك بر کیسه اجارتین ایله تصرفنده اولان وقف عتقاری
 صحنده اذن متولی ایله مجاناً آخره فراغ ایدوب بعده اصحاب
 انتقالدن کمسنه به اولمدیغی حالده وفات ایتسه متولی وقفک
 مفروغ بهه مداخله به و یا خود مفروغ لهدن معجله طاب ایتدک
 صلاحیتی اوله ماز

۲۰۳ (مسئله)

فارغك عاقل و بالغ اولمى شرطدر
بناء عليه صغير و يا مجنون و يا متوهمك فراغى صحيح و معتبر دكادر

۲۰۴ (مسئله)

فراغده فارغك رضاى شرطدر
بناء عليه اكره معتبر ايله وقوع بولان فراغ صحيح دكادر

۲۰۵ (مسئله)

اجارتينلو مسقفات و مستغلات موقوفده مبادله فراغ جائزدر
مثلا بر كيمسه بالا جارتين تصرفنده اولان وقف منزلى ديكرك
كذلك اجارتين ايله تصرفنده اولان وقف منزل مقابله سينده
فراغ ايله فراغ جائز اولور

فقط مبادله فراغ اولان منزلار بيشمه بيشمه وقفلردن ايسه او
وقفلردن هر برينك متولى طرفندن فراغه اذن و برك مبادله
فراغك صحتمنده شرطدر

۲۰۶ (مسئله)

بر كيمسه اجارتين ايله تصرفنده اولان وقف عقارى حاكم
حضورنده ديكرك كيمسه فراغ ايدوب فراغى حاوى حاكم
طرفندن حجت تنظيم اولوب ليكن فراغ مزبوره اول وقفك
متولى سنك اذن لاحق اولمسه فراغ صحيح و معتبر اولماز
فقط بر محاكمه نك نتيجه سينده طرفين متخاصميتدن برينك بالا جارتين
تصرفنده اولان وقف عقارك آخيره فراغى لازم كلديكى حالده

فصل مخصوصنده بيان اوانه جق مسائله توفيقاً طرف حاكمدن
بر كيمسه لاجل المصاححه موقتاً قائم مقام متولى نصب اوانه رق
فراغ انك اذنيه اجرا اولور ايسه اوصورتده صحيح و معتبر
اولور

۲۰۷ (مسئله)

بر كيمسه اجارتين ايله تصرفنده اولان بر وقف عقارى آخر
كسنه يه فراغه تعهد ايدوب بيمده تعهد مذكور دن رجوع ايله
متولى حضورنده فراغى تقدير دن امتناع ايلسه او كيمسه فراغه
جبر اولنه من

۲۰۸ (مسئله)

بر كيمسه اجارتين ايله تصرفنده اولان وقف عقارى آخر كسنه يه
فراغ ايتك اوزره اول كسنه ايله مقاوله ايتد كده طرفيندن
هر قنغيسى اول مقاوله دن رجوع ايدو جك اولور ايسه ديكر يته
پشيمانلق ناميله شوقدر مبلغ و يرمك اوزره تعهد ايلسه لر اول
تعهدك حكيمى پوقدر

بشاء عليه طرفيندن برى اول مقاوله دن رجوع ايتسه پشيمانلق
ناميله ديكر يته اول قدر مبلغ و يرمك اوزره حكم اولنه من

فصل رابع

فراغ مريض حقنده در

۲۰۹ (مسئله)

بر كيمسه بالا جارتين تصرفنده بولنان بر وقف مستغلى مرض

موتنده اذن متولیه آخره فراغ ایدوب وفات ایسه نظر اولور
اگر او کیسه نك اصحاب انتقالدن ورثه سی موجود ایسه فراغ
صحیح و معتبر اولور و اگر اصحاب انتقالدن ورثه سی موجود
دکسه او صورتده فراغ صحیح و معتبر اولمیوب فراغ اولمش
اولان مستغل محلول اولق اوزره طرف وقفه عائد اولور
بوصورتده مفروغ له فارغه بدل ویرمش ایسه اول بدلی فارغك
ترکسندن استیفا ایدر

۲۱۰ (مسئله)

بر سنه یی متجاوز بر مرض مزمنه مبتلی اولان کیسه خالی
متغیر و مرضی مشدد اولدقدن صکره بالاجارتین تصرفنده اولان
وقف عقاری اذن متولی ایله آخره فراغ ایدوب بعده بر قاق
کون ایچنده اصحاب انتقالدن وارثی اولمدیغی حالده وفات ایسه
فراغ مذکور صحیح اولماز .

بناءً علیه اول عقار محلول اوله رق وقفنه عائد اولور
اما حالی متغیر مرضی مشدد اولمزدن مقدم فراغ ایتمش ایسه
او صورتده فراغ صحیحدر

۲۱۱ (مسئله)

بر کیسه اجارتین ایله تصرفنده اولان وقف مستغلی اصحاب
انتقالدن اولان ورثه سندن بریسنه مرض موتنده اذن متولیه
فراغ ایسه فراغ مذکور صحیح و معتبردر .

بناءً علیه بو صورتده اصحاب انتقالدن اولان سائر ورثه مجرد

فراغ مزبور مرض موده وقوع بولمش اولمغله آنی طوتمایز دیو
مفروغ به مداخله ایدہ منزلر

مثلا اوچ نفر ولدی بولمان کیمسه بالاجارتین تصرفنده اولان
وقف عقاری مرض موشده آنلردن برینه اذن منولی ایله فراغ
ایتدکدن صکره وفات ایتسه دیگر ایکی نفر ولدی اول عقاره
مداخله ایدہ منزلر .

۲۱۲ (مسئله)

بر مریض اجارتین ایله تصرفنده اولان وقف عقاری آخره
فراغ مراد ایتدکده اصحاب انتقالدن اولان ورثه سی او مریضی
فراغدن منع ایدہ منز .

۲۱۳ (مسئله)

اصحاب انتقالدن کمنه سی اولمان بر مریض بالاجارتین تصرفنده
اولان وقف عقاری آخره فراغ مراد ایتدکده متولی وقف
جائزکه آنک مرضی مرض مودر بناء علیه کسب عافیت
ایتمدکجه فراغه اذن ویرم دیو اذن ویرمکدن امتناع
ایدہ منز

چونکه بر مرضک مرض موت اولمسی مریضک ویتیه
تحقق ایدر قبل الوفات تحقق ایدہ منز .

فقط مریض بعدالفراغ مبتلی اولدیغی مرضدن افاقت بولمقسزین
وفات ایدوبنده اول مرضک مرض موت اولدیغی تحقق ایدرک

فراغك عدم صحق تبين ايدرايسه اولخالده متولى وقف مفروغ له يدينه فراغه اذنى حاوى سند ويرمش اولسه بيله مفروغ بهى محلول اولمق اوزره مفروغ لهك يدندن نزع ايدر بو صورتده مفروغ له فارغه بدل فراغ ويرمش ايسه اول دنجى بدل فارغك تركه-ندن ايتيفا ايدر

فصل خامس

ولى و وصينك فراغ و تفرغى حقنددر

۲۱۴ (مسئله)

د غيرك بالاجارتين تصرفنده اولان وقف عقار خراب اولوبده حاصلى خرجنه وفا ايتماك ويا خودص-غيرك ضرورت نفقه سى بولمق گي مسوغات شرعيه ببناء اول عقارك آخره فراغى صغير حقنده موجب خير ومنفعت اوله دنجى و بدل متلى عندالحاكم ارباب وقوفك اخباريله تبين ايتديكي حالده اذن حاكم ورأى متواليله صغيرك محمودالحال اولان و ايسى ويا خود وصى مختار ويا منصوبى اول عقارى بدل مثيله آخره فراغ ايده بيلور

بو صورتده ولى ويا وصى اول عقارى بدل مثيله آخره فراغ ايتدكدنصكره صغير بالغ اولسه اول عقارد مداخله ايدمن .

اما مسوغ شرعى موجود اولمدينى تقديرجه ولى ويا وصى اول عقارى آخره فراغ ايدمن

ايتمش اولسه صحيح و معتبر اولماز

بناء عليه بو صورتده صغير بعدالبلوغ اول عقارى با رأى متولى

مفروغ لهدن استرداد ایده بیلور
مجنون ایله معبوه بو حکمده صغیر کییدر

۲۱۵ (مسئله)

اجارتیلو بر وقف عقارک صغیر ایچون تفرغی صغیر حقنده
موجب خیر و منفعت اوله جنی تحقق ایدر ایسه ولی ویا وصیسی
اول عقاری اذن حاکم ورأی متولی و بدل مثلی ایله صغیر ایچون
تفرغ ایده بیلور]

مجنون ایله معبوه بو حکمده صغیر کییدر

۲۱۶ (مسئله)

بر صغیرک وصیسی اول صغیرک بالاجارتین تصرفنده اولان وقف
عقاری نفسیچون تفرغ ایده من

فقط وصی اول عقاری مسوغ شرعی به بناء رأی حاکم و بدل
مثلی و اذن متولی ایله آخر کیسه یه فراغ ایتد کدنص کره اول
عقاری او کیسه دن نفسیچون تفرغ ایده بیلور
ولی دخی بو حکمده وصی کییدر

استطراد

۲۱۷ (مسئله)

صغیرک بالاجارتین تصرفنده اولان وقف عقار تعمیره محتاج
اولدقده بلا تعمیر اول عقارک علی حاله ابقاسی بالکلیه خرابیتنی
منتج اوله رق صغیر حقنده موجب ضررت و صغیرک مالندن

تعمیری صغیر حقه جالب جانب منفعت اوله جنی تحقق ایلسه ولی
ویا وصیسی اول عقاری اذن حاکمه صغیرک مالندن قدر معروف
مبالغ صرفیله تعمیر ایدر

بو صورتده صغیر وفات ایلسه ورثه بی ولی ویا وصینک پروجه
محرر وقوع پولان مصروفنی قبول ایتیز ده منهلر
عینون ایله معنوه بو حکمده صغیر کییدر .

فصل سادس

شرط ایله فراغ حقه در

۲۱۸ (مسئله)

عقد بیعی افساد ایدن شرطلر عقد فراغی دخی افساد ایدر
شویله که فارغ حضور متولیده بالاجارتین عهده سنده اولان
وقف عقاری فراغ ایدر اولدوقده مفروغ لهک قبولنه مقارن
اوله رق شرط مفسد ایله فراغ ایدوب متولی دخی اول شرطله
مشروط اولدینی حالده فراغه اذن ویرسه اول فراغ فاسد
اولور

اما فارغ ایله مفروغ له بر شرط مفسد ایله فراغی بیله بیلرند
مقاوله ایدوب بعده حضور متولیده شرط مذکوردن بحث
ایتمیه رک فارغ قطعاً فراغ ایدوبده متولی دخی قطعی اولق اوزره
اول فراغه اذن ویرسه اول فراغ فاسد اولماز

فارغ ایله مفروغ لهک کنیدی بیلرند جریان ایدن مقاوله
کأن لم یکن حکمده در

۲۱۹ (مسئله)

اولنجه دكين بسلامك شرطى بجاناً فراغى افساد ايتز
 شويلاه كه بر كيمسه اجارتين ايله تصرفنده اولان وقف عقارى
 اولنجه دكين كندوسنى بسلامك شرطيله فراغ و مفروغ له دخی
 اول شرطله فراغى قبول ايدوب متولى دخی اول شرطيله
 اوله رق فراغه اذن ویرسه فراغ صحیح و شرط معتبر اولور
 بقاء عايه بوصورتده مفروغ له فراغى بسلامكه راضى ايكن فارغ
 فراغدن رجوع ايدوب مفروغ بهی مفروغ ایدن استرداد ائده من
 اما مفروغ له فراغى بسلامكه شرط مذكوره رعايت ايتماسه او
 صورتده فراغدن رجوع ايله مفروغ بهی بارأى متولى مفروغ
 له من استرداد فراغك صلاحيتى واردر [*]

[*] مقدمه على العموم فراغ ببيع قیاس اوله رق اولنجه دكين كوروب
 كوزتمك شرطى شرعاً بیى مفسد اولديفنندن فراغ حقنده دخی مفسد
 اوله رق شرط مذکور ايله وقوع بولان بالجملة فراغك فسادى طرفه
 كيدلمكده ايدیسه ده بلا بدل بجاناً وقوع بولان فراغك ببيع قیاسدن
 هبه يه قیامى ده اولى و انساب اولديفنندن بجملة احكام عدليه ك (۸۵۵)
 ماده سى منظوقچه شرط مذکور هبه يا مفسد اولدينى كى بجاناً فراغى
 دخی مفسد اولماسى و بعدما شرط مذکور ايله بجاناً فراغ وقوعنده سندات
 اداره سنجه قبول اوله رق اولوجهله سندانه درج اولنبى حقنده فى ۲۸
 رجب سنه ۹۶ تاريخنده اراده سنیه شرفصدور ايتشدن .

فصل سابع

خيار عيب وخيار رؤيت وغبن فاحش وتغير حقه در
۲۲۰ (مسئله)

اجازتینلو وقف عمارك فراغنده خيار عيب وخيار رؤيت
جریان ایدر

شویله که بر کیمسه آخردن تفرغ ایلدیکی وقف عمارده شرعاً ردی
موجب بر عیب قدیمه واقف اولسه اول عقاری خيار عیب ایله
با رأی متولی فارغه رد ایدر

کذلک بر کیمسه کورمکسزین آخردن تفرغ ایلدیکی وقف عقاری
کورنجیه دکین مخیردر کوردکده دیلرسه بارأی متولی فراغی
فسخ ایدر و دیلرسه قبول ایدر

۲۲۱ (مسئله)

اجازتینلو مسقفات و مستغلات موقوفه نك فراغنده بالاتغیر غبن
فاحش وقوعبولسه مغبون اولان طرف كرك فارغ و كرك
مفروغله اولسون فراغی فسخ ایدر

فقط بر صغیرك بالا جارتین عهدۀ تصرّفنده اولان وقف عقاری
ولی و یا وصیسی ولو بالاتغیر بدل مثانیدن نقصان فاحشه
ناقص بر بدل مقابله سنده فراغ ایاسه فراغ صحیح اولماز

(۸)

بناء عليه صـ غير بالغ اولد قده اول عقارى استرداد ايد بيلور
معتوه ايله مجنون بو حكومه صـ غير كيدير
كذلك اجار تينلو بر وقف عقارى متوايسى ولو بلا تـ غير بدل
مثانـ نقصان فاحشه ناقص بدل مقابله سـ بنده تفويض ايلسه
تفويض صحيح اولماز

كذا وكيل بالفراغ ولو بلا تـ غير بدل مثانـ نقصان فاحشه
فراغ ايلسه فراغ صحيح اولماز
نته كيم فصل مخصوصه كـ لور
۲۲۲ (مسئله)

فارغ ايله مفروغ ايدن برى ديكرينى تـ غير ايدوبدن فراغه
غـ فاحش اولدينى ظاهر و متحقق اولسه مقبـ اولان طرف
راى متولى ايله فراغى فسخ ايد بيلور

مثلا بر كيمسه ديكر كيمسه يـ «فلان محله بالا جارتين تصرفده اولان
مغازه بهر شهر بشيوز غـ وشه ايجار اولور» انك بدلى مثلى
بريوك غـ وشدر انى سكا فراغ ايديم ديمكه اول كيمسه دخی انك
افاده سنه اعتماداً اول مغازدى بريوك غـ وشه آندن بارأى متولى
تفرغ ايدوب بعده اول مغازدهك اوچيوز غـ وشه ايجار اولنقه
اولدينى وحين فراغه بدل مثلى انجق یتـ بشـ بيـك غـ وش
ايدوكى تبين ايلسه مفروغ له رأى متولى فراغى فسخ ايدوب
ويرمش اولدينى بدلى فارغدن استرداد ايدر

كذلك اجار تين ايله بر عقاره متصرف اولان ساده دل كيمسه يـ
خطاباً ديكر كيمسه اول عقارك بدل مثلى انجق الـ بيـك

غروشددر زياده دكلدر انى مبالغ مزبور مقابله سنده بكا افراغ ايله
 ديو او كيمسه يي اقباع ايتمكه او دخى اول عقارى. اللى بيك
 غروشه اذن متولى ايله او كمنه يه فراغ ايتدكدنصكره حين
 فراغده اول عقارك سـكسان بيك غروش بدل مثلى اولديغى
 بيغرض ارباب وقوفك شهادت موته قه سيله تبين ايددرك فراغده
 تغريز وغبين فاحش اولديغى ظاهر اولسه فارغ بازأى متولى
 فراغى فسخ وبدلى مفروغ لهه رد ايدوب مفروغ بهى مفروغ
 لهدن استرداد ايدر

فضل ثامن

بدل فراغ واستحقاق حقه در

۲۲۳ (مسئله)

بر كيمسه اجارتي نلو مسقفات و مستغلات موقوفه دن بر عقارى
 شو قدر غروش بدل ويرمك اوزره ديكر كمنه يه اذن متولى ايله
 فراغ و تساييم ايدوب مفروغ له بدل فراغى ويرماسه فارغ بدل
 فراغى مفروغ لهدن طالب ودعوى ايده بيلور

بو صورتده مفروغ له بدل فراغى ادا ايتمكسزين وفات ايتسه
 فارغ بدل فراغى مفروغ لهك تركه سندن طالب واخذ ايده بيلور
 ۲۲۴ (مسئله)

بدل فراغ اموال سائره كجى موروث اولور

شويله كه بر كيمسه اجارتي ن ايله تصرفنده اولان بروقف عقارى
 شو قدر غروش بدل تسويه سيله فراغ و تساييم ايدوب ليكن بدل

مذکورى مفروغ لهدن قبض ایتکسزین فارغ وفات ایاسه
اول بدل مفروغ لهدن قبض ومتوفانک ترکه سنه ادخال اوله رق
على ما فرض الله بين الورثه تقسیم اولور

بناءً عليه فارغك اصحاب انتقالدن اولان ورثه سی اجارتینلو
عقارات موقوفه ده بدل فراغ عقارات مذکوره کبی بالکسز بزه
انتقال ایدر دیو اصحاب انتقالدن اولیان ورثه یی اول بدلدن
حصه المقتدن منع ایده من

والحاصل بدل فراغ متوفانک ترکه سندن معدود اوله رق انک
سائر اموال متروکه سی حقه ده جاری اولان احکام شرعیه تمایله
بدل فراغ حقه ده جاریدر [*]

[*] اجارتینلو مسقفات ومستغلات موقوفه ده اولان حق تصرفی
فراغه اعتیاضک یعنی عوض و بدل احذینک جائز اولوب اولامه سندد بین
الفقها اختلاف وقوعبولوب مقدملری عدم جوازه قائل اولان فقهانک
قولیله عمل اوله رق بدل دعواسنک عدم استماعیله حکام طرفندن حکم
اولتمقه ده ایسه ده مؤخرأ اعتیاضک جوازینه قائل اولان فقهانک قول شریفلری
ناسه اوافق ومصلحت عصره اوفق ایدوکی بوندن اون ایکی سنه اقدم
مقام مشیعت اسلامیه دن عتبه علیای جناب ملوکانه یه ارى العرض قول ثانى
موجبجه عمل وحکم اولتیق اوزره اراده سنیه شرفصدور ایتمش اولمغله
بمالك محروسه شاهانه ده بولان بالجمله حکام قول ثانى موجبجه حکمه امور
اولشلردر

بناءً عليه حکام قول اول موجبجه حکم ایتسه لر حکملری نافذ اولماز

(مسئله) ۲۲۵

بر کیسه نك آخر دن بدل مقابله سنده تفرغ ایتش اولدیغی اجار تینلو
وقف عقار ك بر مقدارینه مستحق ظهور ایدوب بعد الاثبات
اول مقدار مستحقه حکم اولنسه نفروغ له اول عقاری رأی
متولیه فارغه رد ایدوب بدلی فارغدن استرداد ایدر

(مسئله) ۲۲۶

بر وقفك متولیمی بر عقاری کندوسنك متولی اولدیغی وقفك
مستغلاتندن اولمق اوزره شوقدر اچه اجاره معجله مقبوضه
وشوقدر اچه اجاره مؤجله ایله بر کیسه یه تفویض ایتدکدنصکره
دیگر کمنه ظهور ایدوب اول عقار بنم مالکمدردیو دعوی
ومدعاسنی اثبات ایدوب بعد الحاف اول عقار مستحقه حکم اولنسه
او کیسه ویردیکی معجله یی متولیدن استرداد ایدر

فصل تاسع

تقسیم ومهایاة وافر از حقنددر

(مسئله) ۲۲۷

اجار تین صورتیه شترکا تصرف اولنور وقف عقارده بین
الشراک تقسیم جائزدر
فقط ایکی شرطله مشروطدر
اولکیسی اول عقار ك قابل تقسیم اولمی یعنی اول عقار تقسیم

اواند قدہ شرکادن هر برینه اصابت ایدد جک حصہ ایلہ انتفاع ممکن اولماید

ایکنجی تقسیمک وقف حقندہ انفع اولماید
بناءً علیہ اجارتینلو وقف عقارده قابل تقسیم اولمیان ویاخود قابل تقسیم اولوبده تقسیمی وقف حقندہ مضر بوانانلرک تقسیمی صحیح اولماز

بوشرطلر تحقق ایتدکدنصکرہ تقسیمک اذن متوالیلہ اولمسی
دخی شرطدر

بناءً علیہ اجارتینلو عقارات موقوفه ده بلا اذن المتولی وقوع بولان
تقسیم صحیح ومعتبردکلدر

۲۲۸ (مسئله)

تقسیمک وقف حقندہ مضر تی تقسیم اولنان وقف عرصه نك
بر مقدار محلی بعدالتقسیم طریقسن قالمق ویاخود بر وقف عقار
کبیر قطعات صغیره یه تقسیم اولندیخی تقدیرجه حسب الموقع
اول عقارک شرفی زائل اوله رق واردات قدیمه سی تدنی ایتماک
کبی شیلردر

۲۲۹ (مسئله)

قابل تقسیم وتقسیمی وقفی حقندہ تابع اولان اجارتینلو مشترک
وقف عقارده جبراً تقسیم جریان ایدر

شویله که اجارتینلو مشترک بروقف عقارده حصه دارلردن
بعضیسی تقسیمه طالب اولوب بعض دیگرى تقسیمدن امتناع

ايتد كده حاكم ابيه احوالنه وقوف تامی اولان كيمسه لر معرفتيله طرفين ومتولى حضور لر نده اول عقارك ابيه وعرصه سنى كشف وتقويم ايتديرر لى الكشف اول عقارك وقفه نافع صورته بين الشركاء قابل تقسيم اولدينى ارباب وقوفك شهادتلىيله تحقّق ايدر ايسه اوصورته حاكم تقسيمدن امتناع ايدنلرك رضا سینه باقىهرق اول عقارى رأى متولى ايله حصه دارلر بيننده حصه لرینه كوره باقرعه تقسيم وهر برينك حصه سنى علامات فاصله وضعيتله تعيين وتفریق ايدر

۲۳۰ (مسئله)

مشترکاً تصرف اولنور اجارتينلو عقارات موقوفه ده حصه دار-
اندن بعضيسى صغير ويامجنون ويامعتوه بولنده ولى ويا وصيلرى معرفتيله تقسيمى اجرا اولنور

فقط بوتقسيمك وقف حقنده انفع اولسيله برابر صغير ومجنون ومعتوه حقلرنده دخى انفع اولسى لازمدر

۲۳۱ (مسئله)

اجارتين صورتيله مشتركاً تصرف اولنان كدكات موقوفه نظاماً تقسيمى قبول ايتنر

كذلك اجارتينلو بر وقف عقار دروننده مستقر وقف كدك بوانور ايسه اول كدك بااراده سنيه وبامعرفت متولى لغو ويا خود بالرضا حصه دارلردن برينك حصه سینه قصر ايدلمدكجه اول كدك مستقر فيهى اولان عقارك تقسيمى نظاماً ممنوعدر

۲۳۲ (مسئله)

متعدد اجارتینلو عقارات موقوفه مشترکده جبراً قسمت جمع جاری اولمز

مثلاً ایکی کیسه ایکی قطعه اجارتینلو وقف عقاره اشتراکاً و سوباً بالاجارتین متصرفلر ایکن حصه دارلردن بری اول عقارلردن بریسی کندویه و دیگری دیگرینه ویرلمک اوزرد قسمت جمع ایله قسمته طالب اولوبده دیگری بوتقسیمی قبولدن امتناع ایلسه حاکم بوتقسیمی قبول ایتمک اوزره امتناع ایدن حصه داره جبرایده من ۲۳۳ (مسئله)

قسمتده عدالت شرطدر

شویله که کرک قسمت رضا و کرک قسمت قضاده حصه دارلردن هر برینه تعیین اوانه جق حصه کندوسنک مقسومه اولان استحقاقنه معادل اولوب نقصان فاحش ایله ناقص اولماق لازمدر

بناء علیه مشترک اجارتینلو عقارات موقوفه بی حصه دارلر کرک حکم حاکمه و کرک بالتراضی اذن متولی ایله اقتسام ایتدکنصکره ایچلرندن بریسی کندی حصه سنده غبن فاحش وقوعبولمش اولدیغنی ادعا و اثبات ایدرایسه قسمت نقض اولنور فقط حصه دارلر بعدالتقسیم تقسیمه متعلق دعوا دن یکدیگر بی قبولنی حاوی ابرا ایدر ایسه اوصورتده غبن دعواسی استماع قائماز شوقدر وارکه حصه دارلر ایچنده ضغیر و مجنون و معتوه کی قاصرین بولنوبده ولی و یا وصینری معرفتلیله تقسیم اولندقدده

ولی ویاضی بروجہ مشروح ابرا ایتسہ بیله قاصر بنک حصہ -
 لرنده غبن دعواسنک استماعه مانع اولماز
 چونکه اولیا و اوصیانک قاصرین حقلرنده ابرالری صحیح دکلدر
 ۲۳۴ (مسئله)

نقد علاوه ایدلمکسزین قسمت عادلہ ایله تقسیمی قابل اولمیان
 اجارتینلو مشترک وقف عقارک حصہ دارلر بیننده بالتراضی اذن
 متولی ایله تقسیمی جائز ايسه ده امتناع صورتنده تقسیمه جبر
 اولنه ماز

مثلاً ایکی کیمسه نك شایعاً و سوباً بالاجارتین تصرفلرنده اولان
 مشترک وقف منزلک تقسیمه نده بر حصه نك ابنیه سنک قیمتی آخر
 حصه ابنیه سنک قیمتدن زیاده اولوبده قیمتی زیاده اولان حصه یی
 آلق ایسته یان شریک دیگرینه لاجل المعادله سکا شوقدر اچمه
 بدل و یروب اول منزلی تقسیم ایدلم دیوبده دیگرى دخی راضی
 و تقسیم وقف حقنده نافع اولدینی تقدیرجه اول منزلی بارای
 متولی تقسیم ایدم بیلورلر

اما حصه دارلردن برینک امتناعی صورتنده بروجہ محرر تقسیمه
 طرف حاکمین دیگرى جبر اولنه من
 ۲۳۵ (مسئله)

تقسیمی قبول ایتمیان و یا خود ایدوبده تقسیمى وقف حقنده مضر
 اولان اجارتینلو مشترک مستعلات موقوفه ده بین الشرکا شایعاً
 تصرف خصوصنده دعوی و نزاع وقوعبولوبده شرکادن بعضیسی
 مهیاة طاب و بعض دیگرى امتناع ایتدکده حاکم امتناع ایدن

طرفك رضا سنه باقى برق رأى متولى ايله بروجيه مهياة تصرف
اولنقى اوزره حاكم ايدر [*]

۲۳۶ (مسئله)

قبل المهايأة مرور ایدن مدت مهاة نوبته محسوب ايديله من
مثلا ايكي كيمسه على الاشتراك اجار تينلو بروقف خانه يه متصرفلر
ايكن انلردن بريسي بر مدت اول خانه ده بلامهايأة مستقلا سا كن
اولدقد نصكره بالتراضى وياخزد حاكم ورأى متولى ايله
عقد مهياة ايديلوب نوبت تصرف بروجيه محرر مستقلا سا كن
اولان حصه داره كلدكده او برى اكا قبل امهايأة سا كن اولديغنى
مدتى نوبته محسوب ايدر مديوانى نوبتنى تصرفدن منع ايده من
۱۳۷ (مسئله)

مهياتك لازم اولمسيچون متولينك رأى منضم اولقى لازمدر

[*] مقدملر و اجار تينلو مسقفات و مستغلات و موقوفه مشتركه ده مهيات جريان
ايتما كده ايدى بوايه شركا بيننده بر جوق منازعات و مخاصمات داعى بولنديغندن
تقسيمى قابل اولميان و يا خود تقسيمى وقف حقنده مضر بولنان مسقفات و مستغلات
موقوفه مشتركك شايعاً و مشتركاً تصرفى خصوصنده بين الشركا دعوى
و نزاع وقوع بولوبده شركا دن بعضيسى مهياة صورتيه تصرفه طالب و بعض
ديكرى امتناع ايتدكده مسقفات و مستغلات مذ كورده باراي متولى
حكماً مهياتك اجراسى موافق حال و مصلحت اولغله اولوجهله عمل و حكم
اولمسي حقنده اراده سنه استحصالى لزومنى مجله جمعيت علميه سى بامذكره
مقام سامى فتوى پتئاهى يه افاده ايدوب مقام مشار اليه دن دخى عقبه ملوكانه يه
لدى العرض موجبنجه عمل اولنقى اوزره بيك ايكينورظ نقصان التى سنه سى
شعباتك غره سى تاريخنده اراده سنه شرفصدور ايتمشدر

بناء عليه بلا رأى المتولى بين الشركا بالتراضى عقدايديان مهايأته
لزوم يوقدر يعنى شريك کردن هر قنغيسى مزاد ايتسه ديكر شريكك
رضاسى اوليه رق خود بخود او مهايأتى فسخ ايد بيلور
(مسئله) ۲۳۸

اجارتينلو عقارات موقوفه افراز جائزدر
شويله كه بر كيمسه اجارتين ايله تصرفنده اولان وقف عقارك
بر مقدارينى تبويض و تفريق ايله كندى تصرفنده ابقسا ايدوب
ماعداسنى آخره فراغ ايد بيلور

افرازك صحفى ذكرى آتى ايكي شرطك بولنسنه مثوققدر
اوليكيسى افراز اولنه جق محملارك هر بريله آيوجه انتفاع ممكن
اولسى ايكنجيسى افرازك وقف حقنده انفع اولمسيدر
افرا رده دخی اذن متولى شرطدر

بناء عليه بلا اذن المتولى وقوع بولان افراز صحیح و معتبر دكلدر
(مسئله) ۲۳۹

بر مقدار حصه سى محلول اولان اجارتينلو وقف عقارده حصه
محلوله يي معجله مثليه سيله حصه دارى تفوضدن امتناع ايدوب
مشترك اوله رق حصه محلوله يي معجله مثليه سيله تفوضه دخی
طالب بولنما غله حصه محلوله نك افرازی قابل و مفرز اولدینی
حالده آخره تفویضی وقف حقنده نافع اولسه متولى حصه
محلوله يي افرا ايدوب معجله مثليه سيله آخره تفویض ايد بيلور

فصل عاشر

بالاجارتین مشترکا تصرف اولان عقرات موقوفه دایر
بعض مسائل حقند در

۲۴۰ (مسئله)

ایکی کیمسه اجارتینلو بروقف عقره علی الاشتراك شایعاً متصرفلر
ایکن انلردن بریسی اول عقرادن حصه کی بکا فراغ ایله ویا خود
اول عقرادن بنم حصه می تفرغ ایله دیو دیکرینه جبر ایدمن
فقط انلردن قنغیمی دیلر ایسه حصه سنی دیله دیکر شخسه فارغ
اوله بیلور

دیکر حصه دارانک فراغنه مانع اوله ماز
حصه دار ایکیدن زیاده اولدیفی صورتده دخی حکم بو منوال
اوزره در

۲۴۱ (مسئله)

اجارتینلو اوقافده شفعه جاری اولماز
بناء علیه مشترکا تصرف اولنمقده اولان اجارتینلو عقرات
موقوفه ده شریکلردن بری حصه سنی دیکر شریکک اذنی
اولقسزین آخره فراغ ایدم بیلور
بعدالفراغ دیکر شریکک مجرد حصه دار اولمامعه مفروغ لهک
ویرمش اولدیفی بدل فراغی مفروغ لهه ویروب اول حصه پی
مفروغ لهدن بلا رضاء تفرغ ایدرم دیه من

كذلك ايكي كيمسه اجار تين ايله بروقف عقارده شايه او مشتركا متصرفلر
ايكن انلردن بريسي اسحاب انتقالدن كيمسه سي اولمديغي حالده وفات
ايدوب اول عقاردن حصه سي محلول اولدقده متولي حصه
محلوله ي معجله منايه سيلاه آخره تفويض ايلسه ديكر حصه دار
مجرد شريك اولمغله متفوضك ويرمش اولديغي معجله ي كندى يه
ويروب اول حصه ي بالارضاء اندن تفرغ ايدمدمديه مر
فقط ايراد نوعندن اولميان اجار تينلو وقف مساكن و منازلده
حصه محلوله حصه دارى طالب ايكن ديكره تفويض اولنماق
وحصه داره بعض تزييلات اجرا ايدمك نظامى اقتضااسندندر
۲۴۲ (مسئله)

اجار تينلو مشترك بروقف عقارك متصرفلردن بري شريك كنك
امرى اولمق سز ين اول عقارى خود بخود كندى مانندن اچقه صرفيله
تعمير ايلسه مصروفندن شريك كنك حصه سنه اصابت ايدن مقدارى
آندن مطالبه ايدم

فقط شريك كنك بشرط الرجوع امرايله تعمير ايتمش ايسه اوصورتده
شريك كنك حصه سنه اصابت ايدن مقدارى آندن مطالبه ايدم بيلور
۲۴۳ (مسئله)

قابل قسمت اولميان ويا خود تقسيمى وقف حقننده ضرر بولان
اجار تينلو مشترك بروقف عقار خراب اولوب حصه دارلردن
برى مصروفى معجله يه محسوب اولمق اوزره كندى مانندن باره
صرفيله تعمير ايتمك استايوب ديكر حصه دارلر بوجه محروم تعميردن

امتناع ایلسه لر تعمیره طالب اولان حصه نازحا که مراجعت ایدر
 حاکم دخی رأی متولی ایله اول عقاری وجه مشروح اوزره
 ومصارف تعمیریه دن سائر حصه دارلرک حصه لرینی اول
 عفارک اجر تندن استیفا ایتک اوزره تعمیره کیندویه اذن ویرر
 بعدالاذن کندی مالیدن قدر معروف بباغ صرفیله اول عقاری
 وجه مشروح اوزره تعمیر ایدن حصه دار مصارف تعمیریه دن
 سائر حصه دارلره اصابت ایدن مقداری استیفا ایدنجه په دکین اول
 عقاری ایجار واجرتی اخذایدر

فصل حادی عشر

فراغ بالوفا واستغلاله دائردر

۲۴۴ (مسئله)

برکیمسه بالا جارتین تصرفنده اولان وقف مستغلی دینی مقابله
 سنده وفاء فراغ ایده بیلور

وفاء فراغده دخی اذن متولی شرطدر

بناء علیه بلا اذن المتولی وقوعه اولان وفاء فراغ صحیح و معتبر
 اولماز

۲۴۵ (مسئله)

اجارینلو وقف عفارک حصه شایمه سنی وفاء و یا خود استغلالاً
 فراغ جائزدر

اول عفارک قابل تقسیم اولسون و کبرک اولسون

بناء علیه بر کیمسه مستقلاً بالاجارتین متصرف اولدیغی بر عمار
موقوفک نصف و یا ثلث کبی بر حصه شایعه معلومه سنی وفاء
و یا استغلان طریقیله دایننه فراغ ایلسه فراغ جائزدر
کذلک بر کیمسه دیکریله علی الاشتراک بالاجارتین متصرف اولدیغی
بر عماردن حصه شایعه سنی وفاء و یا خود استغلاً دایننه فراغ
ایلسه فراغ جائزدر

۲۴۶ (مسئله)

بر کیمسه اجارتین ایله تصرفنده اولان وقف عماری آخره
ایجار و تسلیم ایتدکنصکره اول عماری دایننه اذن مقولی ایله
وفاء فراغ ایده بیلور

۲۴۷ (مسئله)

فراغ بالوفادہ فارغ دینی مفروغ له ادا ایتدکنده با اذن مقولی
فراغ بالوفادہ ایدیلرک فارغ مفروغ بهی مفروغ لهدن استرداد
ایدر

فارغ مفروغ له اولان دینی ادا ایتدکنسزین اصحاب انتقالدن
اولان ورثه سنی ترک ایدرک وفات ایدر ایسه مفروغ لهک
استیفاء دین ایدنجه دکن مفروغ بهی حبس و امساک ایتدکنه
حق و صلاحیتی وارددر

بناء علیه مفروغ له متوفانک دینی ادا اولندقچه اصحاب
انتقالدن اولان ورثه سنک مفروغ بهی مداخله صلاحیتلری
پوقدر

۲۴۸ (مسئله)

فارغ مفروع لهه اولان دینی ادا ایتکسزین اصحاب انتقالدن
کمنه سی اولدیغی حالده وفات ایدر ایسه مفروع به تأمین دین
ایتموب محلولاً طرف وقفه عائد اولور
فقط مفروع به بالا جارتین تصرف اولور نظاملو کدکات موقوفه
دن و یا خود اصولاً توسیع انتقالی اجرا اولمش مسقطات
و مستغلات موقوفه دن ایسه او صورتده وفاء فار اصحاب
انتقالدن کمنه سی اولدیغی حالده وفات ایدوبده اداء دینه وافی
ترک سی بولماسه وفاء مفروع به طرف وقفدن بامعجله آخره ایجار
وتفویض اولدقدده وفاء مفروع له اولان کیمسه متوفا ذمتنده
اولان آلا جغنی معجله مرقومه دن استیفا ایددیلور

۲۴۹ (مسئله)

وفا و یا خود استغلالاً فراغ اولمش اولان اجارتینلو مسقطات
موقوفه و لو مفروع له یدنده اولدیغی حالده حزیقده محترق اولسه
فارغک مفروع لهه اولان دینی ساقط اولماز
بوصورتده مفروع له آلا جغنی فارغدن طاب ایددیلور

۲۵۰ (مسئله)

برکیمسه اجارتین ایله تصرفنده اولان وقف عقاری دینی مقابله
سنده داینه وفاء فراغ ایتدکده فلان زمانه دکین دینی ادا
ایده منر ایسه مفروع مذکور قطعی به منقلب اولسون دیوب بعده
اول زمان مرور ایدرک فارغ اداء دین ایدمه مامسنه مجرد فارغک
قول مذکورینه بناء فراغ مذکور قطعی به منقلب اولمش اولماز

بو صورتده فراغ دینی مفروغ له- ادا ایدوب اول عقاری
بارای متولی اندن استرداد ایده بیلور

۲۵۱ (مسئله)

داینه وفاء فراغ اولنمش اولان اجارتینلو وقف عقارک مؤجله
سی کالاول فراغ اوزرینه لازم کلور یوقسه مفروغ له اوزرینه
لازم کلز

استغلالاً فراغ دخی بو حکمده فراغ بالوفا کیمدر
۲۵۲ (مسئله)

وفاء فراغ اولنمش اولان اجارتینلو وقف عقارک منافعی فارغه
عائددر مفروغ لهه عائد دکادر
بناءً عایه بر کیمسه اجارتین ایله تصرفنده اولان وقف عقاری
دینی مقابله سنده داینه وفاء فراغ ایتدکدن صکره اول عقاری
آخره ایجار ایدوب اجرشی نفسی چون اخذ ایده بیلور
وفاء مفروغ لهک اجرته مداخله یه صلاحیتی یوقدر

۲۵۳ (مسئله)

وفاء مفروغ لهک وفاتیله مفروغ به محلول اولماز

شویله که بر کیمسه اجارتین ایله تصرفنده اولان وقف عقاری
داینه اذن متولی ایله وفاء فراغ ایتدکدن صکره داین بلا ولد
وفات ایتسه اول عقاری محلول اولماز

بلكه فارغ داین متوفاك و بته سینه دینى ادا ايله با رأى متولى
فراغ بالوفایى فك ایتدیروب اول عقاره كما فى السابق متصرف
اولور

استقلالاً فراغ دخی فراغ بالوفا کیمدر

۲۵۴ (مسئله)

استقلال صورتیه فراغ اولمش اجارتینلو بر وقف عقار فراغ
طرفدن تخایه و مفروغ لهه تسلیم اولند قجه مفروغ لهك اول
عقارى فارغه ایجار ایله سی صحیح دکلدر
بناءً علیه بر وجه مشروح تخایه و تسلیم بولنمقسزین مفروغ له
اول عقارى فارغه ایجار ایتسه اچاره باطل اولور
بوصورتده مفروغ له ایجار مذکورہ بناءً فارغدن اچاره نامیله
بر مقدار مبالغ اخذ ایلسه فارغ مبالغ منبوری اصل دینه محسوب
ایده بیلور

فصل ثانی عشر

فراغ و تفرغه و کالته دائر مسائل بیاننده در

۲۵۵ (مسئله)

اجارتینلو بروقف عقارک فراغنه وکیل اولان کیمسه اول عقارى
بدل مثاندن نقصان فاحشله ناقص بر بدل مقابله سنده فراغ ایدمه من
ایتمش اولسه فراغ موكلك اجازتیه موقوفاً منعقد اولور
بناءً علیه موكل فراغی مجیز اولور ایسه فراغ صحیح اولور
موكل فراغی رد ایتدیكى تقـدیرده فراغ باطل اولوب مفروغ

بی با رأی متولی مفروغ لهدن استرداد ایدر

۲۵۶ (مسئله)

اجارتینلو بر وقف عقارک فراغنه وکیل اولان کیمسه اول
عقاری نفسیچون تفرغ ایده من

۲۵۷ (مسئله)

اجارتینلو بروقف عقارک فراغنه وکیل اولان کیمسه اول عقاری
اولاد و ابوین و زوجه کبی کندی لهنه شهادتی جائز اولیان
کمنه لره فراغ ایده من

نقطه موکل آنلردن بر بنه فراغ ایتک اوزرد وکیل ایدر و یا خود
هر کیمه دیلر سیک فراغ ایت دیو وکالتی تعمیم ایدر ایسه او
صورتده فراغ ایده بیلور

۲۵۸ (مسئله)

موکل طرفندن بدل تعیین ایدلمک سزین اجارتینلو بر وقف عقارک
تفرغنه وکیل اولان کیمسه اول عقاری بدل مناسدن زیاده
فاحشه ایله زائد بر بدل مقابله سنده موکل ایچون تفرغ ایلسه
او فراغ مکی حقنده نافذ اولماز

۲۵۹ (مسئله)

عزل حقیقه پیده خبر عزله وکیلک عالمی شرطدر
بناءً علیه اجارتینلو بروقف عقارک فراغنه وکیل اولان کیمسه
موکل وکالتدن عزل ایدوب فقط خبر عزل هنوز کندوبه واصل
اولمق سزین وکیل اول عقاری با اذن متولی آخره فراغ ایلسه

فراغی صحیح و معتبر در

اما خبر عنك كندویه وصولند نص کرده فراغ ایدر ایسه اوصورتده

فراغی صحیح و معتبر دکلدر

۲۶۰ (مسئله)

عزل حکمیده یعنی موکک وفاتیله وقوعبولان عزلدن علم وکیل شرط دکلدر.

بناء علیه اجارتینلو بر وقف عقارک فراغنه وکیل اولان کیمسه

هنوز اول عقاری فراغ اتمکسزین موکل وفات ایدب و بعده

وکیل اول عقاری آخره فراغ ایسه حین فراغده موکک خبر

وفاتی کرک وکیل واصل اواسون وکرک اولمسون هر حالده

فراغ نافذ و معتبر دکلدر

صورت مشروحه ده اگر موکک اصحاب انتقالدن ورثه سی

موجود ایسه انلر فراغی مجیز اولمیوب انتقال عادی یه بناء عقار

مفروغ می مفروغ لهدن استرداد ایدبیلورلر

واگر موکک اصحاب انتقالدن ورثه سی موجود دکلسه اول

عقار محلولاً وقفی طرفنه عائد اولور

مفروغله دخی بدل ویرمش ایسه بدلی استرداد ایدر

۲۶۱ (مسئله)

بر کیمسه اجارتین ایله تصرفنده اولان وقف عقاری داینه وفاه

فراغ ایدر اولدقده فلان زمانه دگین اداءدین ایدب من ایسه م

اول عقاری بدل مثالیله آخره فراغ ایدوب بدلدن استیفاءدین

ایله دیو عقد فراغده داینی وکیل ایتدکدنصکره اول زمان مرور

ایدوب مدیون اداء دین ایدمه ماسه داین بحسب الوکاله وفاء مفروغ به اولان عقاری بدل مثلیله آخره فراغ ایدرک بدلندن استیفاء دین ایدمه بیلور .

کذلک بر کیمسه اجارتین ایله تصرفنده اولان وقف عقاری داینه وفاء فراغ ایدر اولدقده فلان وقته قدر اداء دین ایدمه مدیکی تقدیرجه وفاء فراغ اولنان عقاری بدل مثلیله آخره فراغ و بدلیله داینه اولان دینی ادا اولمق اوزره بشقه بر شخص وکیل ایتسه تعیین اولنان اجل حلولنده فراغ اداء دین ایدمه مدیکی تقدیرجه وکیل وفاء مفروغ به اولان عقاری بدل مثلیله آخره فراغ ایدوب بدلندن ایفاء دین ایدر بعد ایفاء الدین بدلندن فضله قالورسه فضله بی موکله رد ایدر

بوصورتده اجل حلولنده وکیل وفاء مفروغ به اولان عقاری فراغیله اداء دیندن امتناع ایدرسه حاکم فراغ و ایفای دین ایتک اوزره کندویه امر و تنبیه ایدر
(مسئله) ۲۶۲

بر کیمسه اجارتینلو معین بر وقف عقاری شو قدر غروش بدل مقابله سنده تفرغه دیکرینی توکیل ایتدکد انصکره وکیل اول عقاری اول قدر غروش بدل مقابله سنده نفسیچون باذن متولی تفرغ و نامه سند استیصال ایسه موکل ارأی متولی اول عقاری وکیل عهد سندن نزع و سندی ابطال ایتدیروب کنده نامه سند استیصال ایدمه بیلور

فصل ثالث عشر

مسائل شقی بیان شده در

۲۶۴ (مسئله)

اجارتین ایله بر وقف عقاره متصرف اولان کیمسه اول عقارك
منفعتنه مالکدر یوقسه رقبه سنه مالک دکادر
بناءً علیه بر کیمسه مسقفات موقوفه دن اجارتین ایله متصرف
اولدینی بر عقارك بناسنی هدم وانقاضی آخره بیع و تسلیم ایله
استهلاك ایلسه اول بنانك مبداً قیمتنی متولی وقف اول کیمسه یه
تضمین ایتدیرر

۲۶۴ (مسئله)

اجارتین ایله بر وقف عقارك متصرفی اول عقاری آخره ایجار
و تسلیم ایدوب آخر دیاره کیتدکده جانی وقفك اول عقارك
مؤجله مترا کمه سنی مستأجر دن طلب ایتمه صلاحیتی یوقدر
۲۶۵ (مسئله)

اجارتینلو بر وقف عقاره متصرف اولان کیمسه آخر دیاره کیدوب
اوراده فوتی شایع اولوب اصحاب انتقالدن کمنه سی اولماقلا
متوالیسی اول عقاری محلول اولدی ظنیه معجله مثابه سیمله آخر
شیخه تفویض ایتدکدنصکبره اول کیمسه حیاً ظهور ایلسه اول
عقاری تفویض ایدن شخصدن استرداد ایدر

و او شدص دخی و یردیکی معجله یی متولیدن استرداد ایدر
فقط فوتی شایع اولان کیمسه متولینك تفویضنه اجازت و یروبده

معجله مرقومه بی نفسی چون متولیدن آلمسی دخی جائزدر
(مسئله) ۲۶۶

بالاجارتین وقف عقاره متصرف اولان کیمسه وفات ایتدکده
اصحاب انتقالدن ورثه سی اولماق زعمیه متوالیسی اول عقاری
تفویض ایتدنصکره متوفانک اصحاب انتقالدن ورثه سی ظهور
ایلسه مسئله آنفده بیان اولدینی وجهله معامله اولور
(مسئله) ۲۶۷

مسقات موقوفه نك حال قدیمی تغییر جائز دکلدر
فقط تغییرده ضرورت و وقفجه منفعت تحقق ایدر ایسه اول
حاله رأی حاکم اولان متولی ایله تغییر جائزدر
مثلا اجارتینلوروقف حمام غایت واسع اولمغله ایصنمسی مصارف
کثیریه محتاج اولوب حالبوکه اطراف و جوارنده سکان واهالی
آز اولمغله نفع حاصل اولمیوب حمام علی حاله ابقا اولدینی
تقدیرجه معطل قالوب وقف حقمنده غدر کلی بی موجب اوله -
جنی تحقق ایتمکله حمامک بر مقدارینی افراز ایله وقف ایچون
کوچوک بر حمام بنا و باقی قالان محلنه دخی وقف ایچون دکان
و خان کبی عقار بناسی وقف حقمنده نافع اولدینی تحقق ایسه
متولی رأی حاکمه بر وجه محرر بنا ایتمک اوزره حمام مذکورک
بالاجارتین متصرفنه اذن ویرسه اذنی مشروع و معتبر اولور
(مسئله) ۲۶۸

اجارتین ایله بر وقف عرصه یه متصرف اولان کیمسه اول عرصه

اوزرينه كندى مالى اولق اوزره بنا انشا ايتك مراد ايلسه
متولى او كيمسه ي منع ايده بيلور

بو صورتده او كيمسه بالا اذن المتولى اول عرصه اوزرينه كندى
مالى اولق اوزره بنا انشا ايلسه نظر اولور

اكر اول بنك قابى عرصه يه مضر دكاسه قايح ايتديريلور
واكر مضر ايسه اول بنك مبنياً و مقلوعاً قيمتلىرينك اقل طرف
وقفدن بانيه ويريلهرك بانيك رضا سيله وقف ايچون اشترا
اولور

بو صورتده اول عرصه نك متوايسى مجرد اول عرصه نك نمنده
متصرفي هر نه بنا ايدر ايسه وقفه تبرع اولق شرطى مندرج
اولمله اول بنا وقفك مالى اولمش اولور ديه من

۲۶۹ (مسئله)

حين تفويضده معجله ناميله وقف ايچون مستأجر دن آلان اجاره
اصل وقفدن معدود اوليوب غله وقفدن معدود اولور
بناء عليه آلان معجله بر موجب شرط واقف مصارف وقفه
صرف اولور

باب سابع

اجاره واحده لو عقارات موقوفه حتمده در

۲۷۰ (مسئله)

اجاره واحده لو عقارات موقوفه آي و سمنه كبي بر وقت ايله

موقت اوله رقی متولیدی طرفندن اجر مثالیله طالبلرینه ایجار
وحاصل اولان اجارات واقفک شرط تعیین ایلدیکی مصارفه
صرف اولنور

بو مقوله اجاره واحده لو عقارات موقوفه ده مستأجرک اول
عقارده مدت حیاتنده حق تصرفی اولمق وفاتنده اولادینه
انتقال ایتک کبی احکام جاری اولمیوب بلکه مدت اجاره ختام
بولدقده متولی وقف اول عقاری آخره ایجار ایده ییلور

۲۷۱ (مسئله)

اجاره واحده لو مال وقفک مدت ایجاری حتمده واقف طرفندن
بر شرط ذکر اولمش ایسه اول شرطه اتباع اولمق لازم کلور
مثلا واقف وقف ایلدیکی عقاراتک سکز و یا بش سنه مدته
ایجار اولمشنی شرط ایلسه اولوجهله ایجار اولنور

۲۷۲ (مسئله)

واقف طرفندن مدت ایجاره دائر برکونه شرط ذکر اولمندی
تقدیرده ایجار اولنه حق مال وقف چفتک و اراضی مقوله سندن
ایسه اوچ سنه و عقارات سائر دن ایسه بر سنه دن زیاده مدته
ایجار اولنه من

فقط ذکر اولنان مدت لردن زیاده مدته ایجارنده وقفجه بر مصاحت
ومنفعت متحقق اولدیغی حالده رأی حاکمه مال وقفک مدت

مذکورہ لردن زیادہ مدتہ ایجاری جائز اولہ بیلور[*]

(۱۶۵) مسئلہ یہ مراجعت اولئہ

۲۷۳ (مسئلہ)

بر وقفك متولیسى اول وقفك اجارہ واحدہ لو بر عقاری مدت معلومہ تمامہ دکن بر کیمسہ یہ ایجار و تسایم ایدوب بعدہ مدت اجارہ ختام بولغلہ متولی اول عقاری او کیمسہ یدندن نزع ایدوب آخرہ ایجار مراد ایتدکده او کیمسہ مجرد بن اول عقارک مقدا مستأجری بولند یغ جهتله شمدی دخی انک استیجارینه آخردن احق واولایم بناء علیه آخرک ویردیکی اجرتی بن ووروب اول عقاری ینہ بن استیجار ایدرم دیو متولی یہ معارضه واول عقاری تسلیمدن امتناع ایدہ من

۲۷۴ (مسئلہ)

بر وقفك اجارہ واحدہ لو بر عقاری متولیسى مقاطعه ایلہ ایجار و تفویض ایدہ من ایتش اولسہ صحیح و معتبر اولماز فقط اجارہ واحدہ لو بر مسقفک ابنیه سی محترق ویا منهدم اولوب عرصہ صرف قالدقده وقفندہ بنایہ مساعد غلہ موجود اولمیوب اجرتہ محسوباً بنسا ایتک اوزره اجارہ واحدہ ایلہ استیجارہ دخی طالب بولماسہ او صورتده متولیسى عرصہ مذکورہ یی مقاطعه ایلہ ایجار و تفویض ایدہ بیلور

[*] اجارہ واحدہ لو عقارات موقوفہ نك اوج سنہ دن زیادہ مدتہ ایجار اولئہ میہ جنی دستورك جلد نالشنده مندرج فی ۱۰ ربیع الاول سنہ ۲۹۱ تاریخلو ایجار عقار نظامنامہ سنک یدنجی مادہ سنده مصر حدر

فقط رأى حاكم و اذن سلطاني ايله اولمق شرطدر
بناءً عليه متولى اول عرصه يى بلا رأى الحاكم و بلا اذن سلطاني
خود بخود مقاطعه ايله ايجار و تفويض اياسه صحيح و معتبر
دكلدر

۲۷۵. (مسئله)

اجاره واحده ايله ايجارى مشروط اولان بر وقف عصارى
متولى سى خلاف شرط واقف اجارتين ايله ايجار ايدمه مناسبت
اولسه صحيح و معتبر اولماز

فقط اجاره واحده ايله ايجارى مشروط بر وقف مستف خراب
اولوبده و وقفده تعميره كافى غله موجود اوليوب اجرتيه محسوباً
تعمير ايتك اوزره اجاره واحده ايله استيجارينه دخى طالب
بولماسه متولى سى رأى حاكم و اذن سلطاني ايله اول مسقفى اجارتين
ايله ايجار ايدمه بيلور (۱۶۵) مسئله يه مراجعت اولنه

اما رأى حاكم و اذن سلطاني بولمق سرين متولى خود بخود
اجارتين ايله ايجار ايلسه صحيح و معتبر اولماز

متولى خود بخود اجارتين ايله ايجار ايدوب اولوجهله تصرفى
ناطق مستأجر يدينه بر سند و يرسه او سند معتبر و معمول به

دكلدر [*]

[*] مسأله شرعى و اراده سنه اولمق سرين اجاره واحده لو وقف عقارك
اجارتينه تحويلى هر كيمك مهر و رأيله و قوعبولور ايسه اوقاف خزينه سنجه
قبول اولنموب متجاسرينك اوچ آيدن ايكي سنه يه قدر حبسى و يا خود
آلى آيدن اوچ سنه يه قدر نفى ايله مجازات اولنه جفى فى ۱۹ جمادى الاخر
سنه ۲۸۰ تاريخلى اوقاف نظامنامه سنك او توز سكرنجى بنده مصر حدر

اجاره و احدهو اوقافه متعلق سائر احکام و مسائل ایجار وقف
فصلنامه بیان اولنور

باب ثامن

مقاطعه لو عقارات موقوفه نك احكامه دأردر

۲۷۶ (مسئله)

مقاطعه لو عقارات موقوفه نك عرصه سی وقف اولوب اوزرنده
اولان ابنیه و یا اشجار و یا کروم متصرف نك مالکی اولور فقط بعض
کرم اول ابنیه و یا اشجار و یا کروم مالکی طرفندن دیگر برجهته
وقف اولنور عرصه سی بر وقفندن و اوزرنده اولان ابنیه
و یا اشجار و یا کروم دیگر وقفندن اولوب عرصه وقفی طرفنه
ابنیه و یا اشجار و یا کروم وقفی طرفندن مقاطعه سی ویرمك لازم کاور

۲۷۷ (مسئله)

مقاطعه لو عقارات موقوفه نك عرصه سی کندی اوزرنده بوانان
ابنیه و یا اشجار و یا کروم تابعدر

بناءً علیه اول ابنیه و یا اشجار و یا کروم هر کیمک ملکینه داخل
اولور ایسه آنلره تبعاً عرصه موقوفه دخی آنک عهدۀ تصرفنه
داخل اولمش اولور

مثلاً برکیمسه یری مقاطعه لو وقف و بناسی ملک اولان خانه سنک
بناسی و یا خود یری مقاطعه لو وقف و اشجاری ملک اولان باغچه سنک
اشجاری و یا خود یری مقاطعه لو وقف و کرومی ملک اولان

باغتك كرونى ديكر كمسنه ببيع اياسه ير دخی مشتري نك تصرفه
داخل اولور

بناء عليه متولى وقفك اذنيه اول یری آروجه فراغه حاجت
يوقدر

شو قدر واركه بايع حين بيعه یری كندی تصرفه ابقا
ايلديكنى صراحة بيان ايدرايسه اوصورتده ير مشتري نك تصرفه
داخل اولمش اولماز

اما يالكنز یری اذن متوليله ديكر كمسنه فراغ ايدوب اوزرنده
اولان ملك ابنیه ويا اشجار ويا كرومك بيعه تعرض ايتماسه
مجرد یری فراغ ايتمكه اوزرنده اولان ابنیه ويا اشجار و كرومى
دخی مفروغ لهه بيع ايتمش اولماز

كذلك مقاطعه لو وقف ير اوزرنده بولنان ملك ابنیه ويا اشجار
و كرومك مالكي وفات ايدوبده اول ابنیه ويا اشجار و كروم
متوفانك كرك اصحاب فرائضدن و كرك عصباتدن و كرك ذوى
الارحامدن ورثه سنه موروث اولدقده اول ابنیه ويا اشجار
و كروم تبعاً ير دخی مسئله ميراثلى نسبتنده ورثه مذ كوره نك
تصرفلرينه بلا بدل مجاناً داخل اولمش اولور

۲۷۸ (مسئله)

بر كيدسه مقاطعه لو وقف عرصه اوزرينه مبنی ابنیه ويا مغروس
اشجار و كرومه مالك و عرصه يه بامقاطعه متصرف ايكن بلاولد
وفات ايدوب ورثه سى اول ابنیه ويا اشجار و كرومى ارثاً
و عرصه يه دخی تبعاً بلا بدل مجاناً ضبط ايتمك استدارنده متولى

مجرد عرصه وقف او باغله اوزرنده اولان ابنیه واشجار وکروم
دخی وقفه عائد اولمش اولور دیو ورثه یی ضابطدن منع ایدمه
«۲۷۷» مسئله یه مراجعت اولانه

۲۷۹ (مسئله)

برکیمسه مقاطعه ایله تصرفنده اولوب ملک ابنیه واشجار
وکرومدن خالی اولان عرصه یی آخره فراغ ایتدکده فراغک
صحتنده اذن متولی شرطدر

بناءً علیه بو صورتده بلا اذن المتولی فراغ ایتسه فراغ صحیح
ومعتبر اولماز

کذلک برعقارک عرصه سنه وقف اوله رق مقاطعه ایله برکیمسه
متصرف اولوب اوزرنده اولان ابنیه ویا اشجار ویا کروم
دیگر کهنه نیک ملکی اولسه عرصه تصرفی اول عرصه یی فراغ
ایتدکده اذن متولی لازمدر

کذلک مقاطعه لو برقف عرصه اوزرنده ملک ابنیه واشجار
وکروم اولوب لیکن متصرفی ابنیه واشجار وکرومی بیع
ایتموب یا لیکز عرصه سی فراغ ایلسه فراغک صحتنده اذن
متولی شرطدر

۲۸۰ (مسئله)

یری مقاطعه لو وقف ومشمعاتی ملک اولان منزل وکان وباغ
وباغچه کی عقارک ابنیه واشجار وکرومی آخره هبه اولمق
مراد اولسه قبل الهبه یرلرینک با اذن متولی موهوب الهه فراغ
اولمقی هبه نیک صحتنده شرطدر

بناءً عليه يرلرینك اذن متولیه موهوب لهه فراغی اجرا
اولمقسزین وقوعبولان هیه صحیح اولماز شو قدر وارکه مو
هوب له صغیر بولنوبده واهب انك واپسی ایسه اوصورتده
هیهنك صحتی یرك فراغنه محتاج دکلدر

۲۸۱ (مسئله)

ابنیه واشجار وکرومی ملک ویری مقاطعهلو وقف اولان
عقارک ابنیه واشجار وکرومی مشترکاً متصرفلری بینلرنده
تقسیم اولندقدده آناره تبعاً یری دخی تقسیم اولنمش اولور
بناءً علیه بو تقسیمک صحتنده اذن متولینک لحوقی شرط دکلدر
اما ملک ابنیه واشجار وکرومدن خالی اولان مقاطعهلو وقف
عرصه حصهداران بینلرنده تقسیم اولنسه اذن متولی شرطدر
۲۸۲ (مسئله)

مقاطعهلو وقف یر اوزرنده ابنیه ویا اشجار ویا وکرومدن اثر
باقی اولدقچه اول یره ابنیه ویا اشجار وکروم صاحبی متصرف
اولور

اما ابنیه ویا اشجار ویا وکرومدن بر اثر قالیوب متصرفی مجدداً
بنا احداث ویا اشجار وکروم غرس ایتیوب مقاطعه قدیمه سنی
دخی وقفی طرفنه ویرماسه متولیسق مقاطعه بی فسخله اولیری
متصرفی یدندن نزع ایدوب آخره ایجار وتفویض ایده بیلور
اما متصرفی مقاطعه قدیمه سنی وقت وزمانیه ادا ایدرکن ابنیه
ویا اشجار ویا وکرومدن اثر قالماسه بیله متولی مقاطعه بی فسخله
اولیری متصرفی یدندن نزع ایده منه

۴۸۳ (مسئله)

عرصه سی مقاطعه لو وقف وابنيه واشجار وکرومی ملک اولان عقارک قدیمآ تخصیص اولنش اولان مقاطعه سی وقت حاله نظرآ عرصه نك اجر مثلن دن دون ایسه . مقاطعه مذکوره اجر مثله معادل اوله جق صورتده ضم و تزیدید ایدیلور [*]

۲۸۴ (مسئله)

مقاطعه لو وقف عرصه اوزرنده بولنان ابنیه واشجار وکروم منقولاتدن اولمغله انلر حقه نده اموال منقوله معامله سی اجرا اولور
بناء اعایه انلرده شفعه جریان ایتمیزی انلر نه مشفوع ونه مشفوع به اوله بیلورلر

۲۸۵ (مسئله)

بر کیمسه ابنیه واشجار وکرومدن خالی اوقاف صحیحهدن بر عرصه یه مقاطعه ایله متصرف ایکن وفات ایتمسه اول عرصه متوفانک یالکیز اولاد ذکور وانانسه سویآ انتقال ایدر ورثه ستارهنه انتقال ایتمز اما مقاطعه لو عرصه تخصیصات قییلندن اولان اوقاف غیر صحیحهدن ایتمسه اوصورتده آنده اراضی امیرییه احکامی جریان ایده جگنندن اراضی امیرییه مثللو سکنز درجه ورثه یه انتقال ایدر

[*] مقاطعه قدیمه نك حد لایقنه ابلاغی اشبو مسئله فقهییه مقتضاستندن اولمغله برابر مقاطعه لو اوقافک بیع وشرا و افراغ و انتقال وقوعنده مقاطعه قدیمه نك حد لایقنه ابلاغی فی ۳ ذی القعدة سنه ۹۵ تاریخلو توسیع انتقال قانوننامه سنك سکنزنجی ماده سنده مضرحد

(مسئله) ۲۸۶

قدیماً اجارتینلو بولنان بر وقف محل کړک تبعه دولت علیه و کړک اجانب طرفندن خسته خانه و مکتب کبی بر مؤسس عمومی اتخاذ قلندقدده اول محل رای متولی و اذن سلطانی ایله مقاطعه به ربط و تحویل اولنق لازم کاور [*]

باب تاسع

تولیه متعلق مسائل بیاننده اولوب درت فصلی

جاویدر

فصل اول

نصب متولی به دائردر

(مسئله) ۲۸۷

متولی عاقل و بالغ و امین و امور و قفی اداره به مقتدر اولنق شرطدر

[*] بوجه محرر مؤسس عمومی اتخاذ قلنمش اولان اجارتینلو واقف

محلده فراغ و انتقال و محلولیت کبی معاملات و قفیه جریان ایتیه جکی جهته بویوزدن وقفه و قوعبوله جق ضایعاته مقابل اولنق اوزره اول محلك تحریر املاك دفترنده مقید بولنان بدل غمی هر قاچ غروش ایسه هر بیک غروشده سنوی اون غروش حسابیله مقاطعه تخصیص ایدلك بیک ایکیوز طقسان طقوز سنه سی رمضانك اون آلتنجی کونی تارینخنده با اراده سنیه اوقاف هایون خزینه جلیله سنجه اصول اتخاذ قلنمشدر

مثلا الی بیک غروش بدل ایله مقید بولنان محله بیکده اون غروش حسابیله سنوی بشیوز غروش مقاطعه تخصیص ایدیلور

بناء عليه اوصاف مذكوره في جامع اولمیان کیمسه متولی نصب اولنه من
 ۲۸۸ (مسئله)

بر تولیتك مشروط لهی صغیر بولنور ایسه صغیر بالغ وامور تولیتی
 ادارهیه مقتدر اولنجیه دکیں امور تولیتی اداره ایتک اوزره طرف
 حاکمکن بر قائم مقام نصب اولنور

مؤخرأ صغیر بالغ وامور تولیتی ادارهیه مقتدر اولدقده قائم مقام
 ملقدن صرف نظر اولنه رق امور تولیتی کندوسی اداره ایدر
 ۲۸۹ (مسئله)

متولینك ذکوردن اولمسی شرط دکلدیر
 بناء علیه انانندن دخی متولی اوله بیلور

۲۹۰ (مسئله)

شخص واحدك متعدد وقفله متولی اولمسی جائز اولدینی کبی
 متعدد شخصلرك وقف واحد متولی اولمیری دخی جائزدر

۲۹۱ (مسئله)

کندی عهد سنه تولیت توجیهنی طالب اولان کیمسه یه تولیت
 توجیه اولنماز

مکر طالب اولان کیمسه تولیتك مشروط لهی اولمش اوله
 اوصورتده توجیه اولنور

۲۹۲ (مسئله)

بر وقفك متولینك عزل ویا وفاتی وقوعنده امور وقف معطل
 قالماق اوزره در حال طرف حاکمکن بر متولی نصبی لازم ومهم

ایکن حاکم متولی سابقک حسابی کورلمدکجه او وقفه متولی
نصب ایتمه دیو متولی نصبندن امتناع ایده من

۲۹۳ (مسئله)

تولیتی کمنه یه مشروط اولیان بروقفه واقفک کندوسی متولی
اولوب امور وقفی رؤیت ایدر

واقف وفات ایتدکده او وقفه متولی اولق بای حال توجیه
حاکمه متوقفدر

بناء علیه تولیتی مشروطه اولیان بر وقفه واقفک اولاد واهل
بیتمندن اولانلریله بلاتوجیه الحاکم خود بخود متولی اوله مزلر
فقط بروجه محرر بر کمنه یه مشروطه اولیان تولیت منحل
اولدقده اوتولیتی واقفک اولاد واهل بیتمندن اولانلره توجیه
ایتمک اجانبندن اولانلره توجیه ایتمکدن اولادر

بناء علیه واقفک اولاد واهل بیتمندن تولیته اهل و مستحق بر
کیسه موجود ایکن حاکم اول تولیتی اجنبی یه توجیه ایده من
ایتمش اولسه تولیت اجنبیدن رفع اولنه رق واقفک اولاد واهل
بیتمندن اولان کیسه یه توجیه اولنور

اما واقف طرفندن اجنبی یه شرط ایدلمش اولان بر تولیتی مشروط
لهمندن منع ایله واقفک اولاد واهل بیتمندن اولان کیسه یه توجیه
ایتمک جائز و مشروع دکلدر

(۱۶۵) مسئله یه مراجعت اولنه

۲۹۴ (مسئله)

مجرد تسجیل ایچون واقف طرفندن نصب اولمش اولان متولینک

تولیتی تسجیلک ختامیله منتهی اولور
بناء علیه اومتولینک بعدالتسجیل امور تولیتیه مداخله یه صلاحیتی
یوقدر

مثلا برکیمسه بعض اموالی مسجلاً وقف و برمدت امور وقفی
رؤیت ایتد کدنصکره وفات ایدوب تولیتی کمنه یه شرط ایتماکله
حاکم اول وقفه برینی متولی نصب ایتد کده مقدا واقف
طرفدن لاجل التسجیل متولی نصب اولمش اولان کیمسه مجرد
واقف بنی لاجل التسجیل متولی نصب ایتمش اولغله اول وقفه
بن متولی اولمش اولورم دیو حاکمک منصوبی اولان متولی یه
معارضه ایده من

۲۹۵ (مسئله)

برکیمسه بر وقف احداث ایدوب اکا برکمنه یی متولی نصب
ایتد کدنصکره دیگر بر وقف دخی احداث ایدوب اکا متولی
تعیین ایتماسه اوکمنه مجرد وقف اوله متولی نصب اولمش
اولغله وقف ثانی یه دخی متولی اولمش اولماز

بلکه وقف ثانینک تولیتی حقنده مسئله آنفه ده بیان اولندیغی
وجهله معامله اولور

۲۹۶ (مسئله)

برکیمسه احداث ایتمش اولدیغی وقفه متولی تعیین ایتمیوب فقط
اجرا ایتمش اولدیغی بعض وصایاسنک تنفیذینه برکیمسه یی وصی
نصب ایدوب وصیتدن رجوع ایتمکمزین وفات ایلسه اوکیمسه
انک وقفنه دخی متولی اولمش اولور

۲۹۷ (مسئله)

خلاف واقع افاده وانهايه بناء وقوع بولان توليت توجيهی
برات ايتديراسه بيله صحيح ومعتبر دكلدر

مثلا بر توليتك مشروط لهی اولان اولاد واقف موجود
وبرحيات ايكن اولاد واقفك انقراضندن صكره توليتك
مشروط لهی اولان كيمسه اولاد واقف منقرض اولديلر ديو
خلاف واقع حاكمه اخبار وانها ايتديروبد حاكم دخی توليتی
اوكيمسه يه توجيه ايلسه توجيه صحيح ومعتبر دكلدر

كذلك بروقفك متوليسي موجود وبرحيات ايكن توليت منحلدر
ديو بر كيمسه خلاف واقع حاكمه اخبار وانها اول توليتی
كندويه توجيه ايتديرسه توجيه صحيح ومعتبر دكلدر

۲۹۸ (مسئله)

توليتی واقفك مطلقا اولادينك ارشدينه مشروطه اولان وقفك
توليته واقفك كرك ذكر كرك اناث اولاديندن قنغيسي الك زياده
رشيد ايسه اول كيمسه مستحق ومشروط له اولور

اولادواقفدن برقاج كشي يكديكرندن ارشد اولديغنی ادعايدرك
هر بری توليتك كندوسنه توجيهنی طلب ايلسه انلردن قنغيسك
ارشديتی بالينه ثابت اولور ايسه توات اكا توجيه اولنور

اولادواقفدن برقاج كشينك ارشديتده بربرينه مساوی اولديغی
ثابت اولور ايسه توليت انلك جمله سنه مساوات اوزره توجيه
اولنور

مجرد ذكرودن بولنقى سبب ترجيح اوله من

۲۹۹ (مسئله)

تولیتی واقفك اكبر اولادينه مشروطه اولان وقفك تولیتی منحل اولدقده اولاددن ايكي كيمسه سنأ اكبریتده مساوی اولسه لر انلردن قنغیسی امور وقفه اعلم ایسه تولیت اكا توجیه اولنور امور وقفه اعلمیتده دخی مساوی ایسه لر تولیت ایکیسنه دخی مساوات اوزره توجیه اولنور

۳۰۰ (مسئله)

بر وقفك نظارتی ایله تولیتی بر شخصك عهده سنده جمع ایدلك جائز و مشروع دكلدر

بناء علیه بر وقفك متولیسى اول وقفك نظارتی و یا خود بر وقفك ناظری اول وقفك تولیتی دخی کندى عهده سنده توجیه و برات ایتدیرسه بیله تولیت و نظارتدن بری رفع اولنه رق مستحقنه توجیه اولنور

۳۰۱ (مسئله)

بر وقف منحل اولان تولیتك مشروطه لى بلامزاحم تعیین ایدر ایسه مشروط له بلا توجیه الحاکم اول وقفه متولی اولمش اولور

مثلا در سعادتده واقع بر وقفك تولیتی فتوی امانتنه مشروطه اولسه امین الفتوی بولسان ذات بلا توجیه الحاکم اول وقفه متولی اولوب امور وقفی رؤیت ایدر

کذلك تولیتی واقفك اكبر اولادينه مشروطه اولان بر وقفك تولیتی منحل اولدقده واقفك اولادندن بر کیمسه سنأ دیگر لرندن

اكبر بولنسه او كيمسه بلا توجيه الحاكم اول وقفه متولى اولمش اولور

اما توليتك مشروطلهي بالامزاحم تعين ايتديكي تقديرجه متولى اولمق توجيه وحكم حاكمه محتاجدر

مثلا توليتي واقفك ارشد اولادينه مشروطه اولان وقفك توليتي منحل اولدقه واقفك اولادنن برقاچ كشيلا ارشدت ادعاسنده اولسه لر انلردن برينك سائرلرندن ارشد اولديني برنهيچ شرعي بعدالثبوت طرف حاكمدن ارشديته حكم اولنه رق توليت اكا توجيه اولندقجه او متولى اوله ماز

۳۰۲ (مسئله)

نظارت لفظنك توليت معناسنده استعمالى متعارف اولان بلده اهالي سندن برواقف وقفنه يالكوز ناظر تعين ايلسه اوناظر متولى اولمش اولور

ديكر متولى نصبنه حاجت يوقدر

فصل ثانی

قائم مقام متولى نصبنه وتوليتك قصر يدينه دائردر

۳۰۳ (مسئله)

احتياج مس ايتديكجه متوايسى اولان وقفه حاكم قائم مقام نصب ايدمه

ايتمش اولسه صحيح ومعتبر اولماز

يعنى نصب اولئان قائممقامك وقف حقنده اولان تصرفاتى نافذ
ومعتبر دكلدر

اما احتياج مس ايدرايسه اوصورتده طرف حاكمدن قائممقام
نصبى جائزدر

مثلا لدالتحرى بروقفك متواليسى بولنه من ايسه وياخود متولى
امور وقفى رؤيت ايجول يرينه وكيل برافقسرين مدت سفر بيميد
آخر دياره عزيمت ايدوب غيبوت ايتسه وياخود مشروطيت
اوزره متولى اولان كيمسه صغير بولنسه اوصورتلرزه امور وقف
معطل قالماق ايجون حاكم لاجل المصلحه موقفاً قائممقام متولى
نصب ايدر

كذلك بروقفك متواليسى موجود اولوب فقط اووقفه دائر تحدت
ايدن برحاكمه ويا معامله ده قائممقام متولى نصبى اقتضا ايدرايسه
اوصورتده دخى حاكم طرفندن نصب اولنور

مثلا بربرينه متصل وهربرى آيرو آيرو وقفلردن اولان ايكي باب
عقاردن برينك بالاجارين متصرفى ديكرينك بالاجارين متصرفى
عليه نه تجاوز دعواسى ايدوبده اول وقفلردن ايكي سمنك دخى
متواليسى شخص واحد اولسه لاجل المحاكمه اول وقفلردن برينه
حاكم طرفندن متولى نصب اولنور

كذلك بروقفك مشروط توليتى منحل اولوب مشروط لهى
تعين ايتديكى وكسنيه دخى توجيى اجرا اولمدينى حالده برقاج
كيمسه لردن هربرى اول توليتك مشروط لهى اولديغنى ادعا ايتسه
آنلره خصم اولمق ايجون ختام محاكمه يه دكين حاكم برقائم مقام متولى

نصب ايدوب انك مواجهه سنده مدعيلرك دعوالرينى استماع
وحكم ايدر

كذا بروقفك متوليسى خيانتله اتهام اولنسه اول خصوصدن
طولايى متولى علمينه اقامه دعوى ايتك ايچون طرف حاكمدن
قائم مقام نصب اولنور

كذلك بر كمسه بروقفدن اجارتي نلو بر عقاره متصرف ايكن اول
وقفه متولى اولوب بعده اول عقارى آخره فراغ ايتك ويا خود
بر متولى كندى وقفندن آخر كيمسه نك بالا جارتين تصرفنده
اولان عقارى بدل مقابله سنده اول كمسهنه دن تفرغ ايتك مراد
ايتسه فراغه اذن اعطاسى ايچون قائم مقام نصب اولنه بيلور
كذا بروقف نقودك متوليسى اول وقفندن ايجه استدانه ايتك
استد كده حاكمه مراجعت ايدوب حاكم دخى متولى يه ادانه ايچون
اول وقفه موقتاً بر قائم مقام نصب ايدر
(مسئله) ۳۰۴

بروقفك متوليسى مستقيم الحال اولوب فقط امور وقفى اداره دن
عجزى تحقق ايتسه امور وقفده اكا معاونت ايتك اوزره حاكم
بر قائم مقام نصب ايدوب بيلور
(مسئله) ۳۰۵

بالاده مذكور مسائلده قائم مقام متولى نصب بنده حاكمك طرف
سلطانيدن قائم مقام نصبنه مآذون اولمى شرط دير
بناء عليه طرف سلطانندن قائم مقام متولى نصبنه مآذون اولميان

حاکم قائم مقام متولی نصب ایدہ من ایتش اولسہ صحیح و معتبر
دکدر [*]

۳۰۶ (مسئلہ)

مشروطیت اوزرہ بر وقفہ متولی اولان کیمسہ تولیتدن زمان
تصرفی آخرہ فراغ و قصر ید ایدہ بیلور

فقط بوفراغ بر عقد لازم اولیوب بلکه متولی امور تولیتی
اداریہ طرفندن آخری توکیل ایتش دیمک اولدیغندن فارغ

نہ وقت دیلہ رسہ اوفراغدن رجوع ایدہ بیلور

فارغ وفات ایتدیکہ وکالت معناسہ اولان بوفراغ باطل اولوب

تولیت مشروط لہنہ عابد اولور

مفروغ لہک امور وقفہ تصرفہ صلاحیتی قائماز

مشروط لہ معینی اولان سائر جہات دخی اشبو حکملرہ تولیت
کیدر

۳۰۷ (مسئلہ)

کمسہ یہ مشروطہ اولیان بر تولیتہ متصرف اولان کیمسہ اول

[*] در سعادت و بلاد ثلاثہ واقع مسققات و مستغلات موقوفہ

ایچون قائم مقام متولی نصبی من القديم اوقاف هایون مفتش لیک مقامہ
مخصوص اولوب فقط بیک ایکوز طقسان طقوز تاریخندہ شورای

دولت داخلہ دائرہ سنک قراری وانجمن مخصوص وکلانک تنسیبی
موجبہ بلشروطہ متولیتی موجود ویا معلوم اولیان ویاخود آخر

دیاردہ غائب بولنان اوقاف ملحقہ مسققات و مستغلاتک سندات اداره سندہ
فراغ وانتقالی وقوع بولقدہ اذن اعطاسیلہ فراغ وانتقال معاملہ سنک

تصحیحی ضمنندہ لاجل المصلحہ اوقاف مذکورہ ایچون موقتاً قائم مقام
متولی نصبندہ اداره مذکورہ امور شرعیہ بی مأموریتہ با ارادہ سنہ

و اذونیت ویراشدر .

تولیتی حضور حاکمه آخره فراغ و قصرید اید و بده حاکم
دخی تحقیق ایدن اهایتمه بناء تولیتی مفروغ لهه تقریر و توجیه
ایسه ارتق فارغك اول فراغدن رجوعه صلاحیتی قالماز

فصل ثالث

متولینك محاسبه سنه متعلق مسائل بیاننده در

۳۰۸ (مسئله)

بر وقفك متولیسى موجود ایکن حاکم او وقفك تصرفاتنه
مداخله ایده من

فقط حکامك اوقاف حقنه تفتیش و نظارت اجرا ایلك
صلاحیتلری وارد

شویله که بر وقفك متولیسمنك او وقف حقنه خیانت و سوء
استعمالی بعض امارات ایله حس اولندینی تقدیرجه حاکم دز حال
متولینك وقفه دائر اولان معاملاتنی تفتیش و محاسبه سنی رؤیت
و تدقیق ایدر

لدى التدقیق متولینك وقف حقنه عزلنی موجب خیانت و سوء
استعمالی تحقیق ایتدیكى حالده او متولی واقفك کندوسی اولسه
بیله حاکم انی تولیتدن عزل و اخراج ایدر

۳۰۹ (مسئله)

حاکم لدى الاقتضا متولینك محاسبه سنی رؤیت مراد ایتدکه
متولی محاسبه دن امتناع ایده من

امتناع ايدر ايسه محاسبه سنى ويرمك اوزره كندويه جبر
اولنور

۳۱۰ (مسئله)

بر وقفك متوايسنك بر قاچ سنه لك حسابى كوريلوب حسابده
اصلا شبهه محلى يوغيككن تكرر اومدتك حسابى كوريله من
اما حسابده شبهه واقع اولور ايسه دفع شبهه ضمانده متولى
استجواب وايجابى تقديرنده تكرر حسابى رؤيت ايديلور

۳۱۱ (مسئله)

بر وقفك متولى سى كندى زمان توليتك حسابى ويرر ايكن
حاكم بوكا قانع اوليوب سلفك اولان متولينك حسابى دخى
سندن استرم ديه من

متولى سابق بر حيات ايسه وقفك محاسبه سى كندوسيله وفات
ايتمش ايسه ورثه سيله كورلك لازم كلور يوقسه سلفك حسابندن
خافى مسئؤل دكلدر

۳۱۲ (مسئله)

متولينك حسابى خدمه وقف رأييله كورلك واقف طرفندن
شرط ايدلمشيككن حاكم خدمه نك رأيينه مراجعت ايتمكسز
خود بخود متولينك حسابى رؤيت ايده من

ايتمش اولسه معتبر اوليوب تكرر خدمه نك رأييله متولينك
حسابى تدقيق اولنور

فصل رابع

متولينك عزلى موجب اولوب اوليان اسباب حقنده در
 ۳۱۳ (مسئله)

اصول مشروعه سنده توفيقاً نصب ايدلمش اولان متولى به بلا
 جناحه نصب ايدن حاكم بيله عزل ايده من عزل ايتمش اولسه
 متولى منعزل اولماز

اما متولينك وقف حقنده خيانتى كندى مواجهه سنده بر نهج
 شرعى تبين ايتديكى حالده او متولى واقفك كندوسى اولسه
 بيله انك توليتدن عزلى واجيدر
 ۳۱۴ (مسئله)

وقفه متعلق بر تصرف كه انك حقنده مساغ شرعى اوليه
 متولينك قصداً اول تصرفى اجرا ايلسى وقفه خيانتدر
 مثلاً متولى وقفك عقارىنى عن علم ومن غير ضروره اجر
 مانندن نقصان فاحشه ايجار ايلك وياخود وقفك عقارىنى
 كندى ملكى اولق اوزره آخره بيع ايتك وياخود وقفك
 غله سنى خلاف شرط واقف كندى امورينه صرفله استهلاك
 ايلمك وقفه خيانتدر

۳۱۵ (مسئله)

متولينك وقف حقنده ملكيت دعوى ايتسى خيانت عداوتور
 شويله كه بر وقفك متولى اول وقفدن اولق اوزره تصرف
 اولتان بر عقار ايچون ملكمدر ديو دعوى ايدوبده مدعاسنى

اثبات ایدمهاسه اول وقفك تولیتدن عزل ایدیلور
اما مدعاسنی اثبات ایدر ایسه اوصورتده تولیتدن عزل ایدلمز
۳۱۶ (مسئله)

متولینك وقفی انکاری خیانت عد اولنور
شویله که بر وقفك متولیس یندنه اولان بر عقار ایچون اول
وقفك مالدر دیو دعوی اولندقدنه متولی اول عقار کنندی
مالکی اولدیغنی بیان ایددرك مال وقف اولدیغنی انکار اتمکله
اول عقارك مال وقف اولدیغنی بر نهج شرعی ثابت اولوب حکم
اولنسه او متولی تولیتدن عزل ایدیلور
اما ثابت اولدیغنی تقدیرجه تولیتدن عزل ایدلمز
۳۱۷ (مسئله)

خیانت تجزی قبول ایتمز
بناء علیه متعدد وقفلره متولی اولان بر کیمسه نك اول وقفلردن
بریمی حقنده خیانتی بر نهج شرعی ثابت اولسه جمله سنك
تولیتدن عزل و اخراج اولنور
یوقسه قنغی وقف حقنده خیانتی ثابت اولمش ایسه انك تولیتندن
عزل ایدیلوبده دیگر وقفارك تولیتلرنده ابقا ایدیله من
۳۱۸ (مسئله)

خیانت و تقصیر ایله متولی منعزل اولماز
بالکه عزله مستحق اولور
بناء علیه بر متولی وقف حقنده خیانت و تقصیر ایدوب فقط
طرف حاکمدن عزل اولنمقسزین بر مدت امور وقفی اداره

ورؤیت ایدہ رک اول مدتدہ وقف حقندہ بعض تصرفات مشرو-
عہ سی وقوعبولسہ اوتصرفات نافذ و معتبردر

اما بعدالغزل وقوعبولان تصرفاتی اصلا نافذ و معتبر دکلدر

۳۱۹ (مسئله)

شکایت مجرده متولینک عزانی موجب دکلدر
شویله که بر وقفک خدمه و مرتزقه سی متولیدن حاکمه شکایت
ایدوب لیکن شکایت واقعہ لرنده متولینک عزانی موجب اولور
بر سبب مشروع بیان ایدہ ماسهلر و یاخود بیان ایدوبده اثباته
مقتدر اوله ماسهلر حاکم بوشکایت مجرده یی سبب طوتارق متولی یی
عزل ایدہ من

۳۲۰ (مسئله)

متولینک فسق و سفاهته انهما کی تولیتدن عزله استحقاقی موجبدر
بناء علیه فسق و سفاهته منهمک اولان متولینک وقف حقندہ
بر کونه خیانتی تبین ایتماسه بیله حاکمانی عزل و تولیتدن اخراج
ایدہ بیلور [*]

۳۲۱ (مسئله)

امور وقفده متولینک اهمال و تنکاسلی عزله استحقاقی موجبدر
۳۲۲ (مسئله)

متولی یه جنون غارض اولوبده بر سمنه دن زیاده متمد اولسه
تولیتدن معزل اولور

بو صورتده بعدالانعزال کندویه صحو و افاقت کلسه نظر اولور

[*] چونکه فسق و سفاهته منهمک اولان متولینک اموال وفقی طریق
سفاهته صرفله اتلاف ایتسی اغلب احتمالاتدندر

اگر مشروطیت اوزره متولی ایدی ایسه کندوسنه حق تولیت
عودت ایدر والا عودت ایتمز

۳۲۳ (مسئله)

متولی به عمی طاری اولسه تولیتدن منعزل اولماز

۳۲۴ (مسئله)

متولی کندو کندویی تولیتدن عزل ایده بیلور

فقط عزائی حاکم ویا واقفه بیلدیرمدجکه تولیتدن منعزل اولماز
بناءً علیه کندوسنک عزلی حاکم ویا واقفک معلومی اولنجیه دکن
تولیت عهده سنده قالب کالاول تصرفاتی نافذ و معتبردر

۳۲۵ (مسئله)

بر متولی فسق و سفاهته انهما کنه ویا خود وقف حقننده خیانتنه
مبنی تولیتدن عزل و اخراج ایدلد کندنصکره آره دن بر خیلی زمان
مرور ایدرک اصلاح نفس ایلدیکی تحقق ایتمدجکه کندویه تولیت
توجیهی جائز دکلدر

اما اصلاح نفس ایلدیکی تحقق ایدر ایسه اولخالده کندوسنه
تولیت توجیه اولنه بیلور

باب غاشر

متولینک انواع تصرفاتنه دائر اولوب یدی فصلی مشتملدر

فصل اول

متولینک موجب ضمان اولوب اولمیان افعالنه دائردر

۳۲۶ (مسئله)

متولی کندی صلاحیت و مآذونیتی داخلنده اولان اموری خود
بخود رؤیت ایدر

اما كندی صلاحیت و مأذونیتی داخلنده اولیوب صحفی شرعاً
 رأى حاكمه متوقف اولان امورده حاكمه مراجعت ایدر
 اومقوله امورده حاكمه مراجعت ایتیمکسزین کندو کندویه تصرف
 ایلسه تصرفی صحیح و معتبر دکلدر
 (۲۵۷) مسئلهیه مراجعت اولنه

۳۲۷ (مسئله)

ایکی متولیسى اولان بروقفك متولیلرندن بری دیکرك رأيی
 اولمقسزین اول وقفك امورنده منفرداً تصرف ایده من
 تصرف ایدوبده دیکری اوتصرفی مجیز اولیوب ردایتسه او
 تصرف باطل اولور
 متولی ایکییدن زیاده اولدینی تقدیرجه دخی حکم بومنوال
 اوزره در

۳۲۸ (مسئله)

هم ناظر وهم متولیسى بولنان وقفده ناظرک رأيی اولمدقجه متولی
 امور وقفده تصرف ایده من
 تصرف ایتیمش اولسه تصرفی نافذ دکلدر
 ۳۲۹ (مسئله)

امور وقفی رؤیت ایتیمک اوزره متولینک لدی الحاجه آخری
 توکیل ایتیمی جائزدر
 بناء علیه متولینک امور وقفی رؤيته آخری توکیل ایتیمندن

طولاي وقفه بر ضرر ترتيب ايتسه متولى او ضررى ضامن اولماز

چونكه جواز شرعى ضمانه منافيدر

مثلا بر وقفك متولىسى اول وقفك ذم ناسده اولان الاجفنى مديونلردن تحصيل ايتك اوزره امينى اولان كيمسه يي وكيل ايدوبده او كيمسه دنخى وقفك الاجفنى مديونلردن تحصيل ايدوب كندى امورينه صرفله استهلاك ايلسه متولى يه ضمان لازم كلز شوقدر واركه متولى امينى اولميان بر كيمسه مال وقفى ايداع وتسايم ايدوبده او كيمسه دنخى اول مالى استهلاك ايلسه متولى يه ضمان لازم كلور

۳۳۰ (مسئله)

بر وقفك متولىسى اول وقفك ماليله اول وقفه ايراد اولمق اوزره اراضى اميريه ويا موقوفه دن بر ير ويا خود اجارتينلو وقف بر عقار تفويض ايدمه من

ايتمش اولسه بدل اوله رق ويرمش اولدينى مال وقف كندويه تضمين ايتديريلوب عزله مستحق اولور

(۳۱۴) مسئله يه مراجعت اولنه

۳۳۱ (مسئله)

مساغ شرعى اولمدينى حالده متولى شرط واقفه مخالفت ايدوبده اندن طولاي وقفه بر ضرر ترتيب ايتسه او ضررى متولينك ضامن اولمى لازم كلور

مثلا رهن ويا كفيل ايله استرباحى مشروط اولان نقود موقوفه يي

متولیسی خلاف شرط واقف بلا کفیل و بلا رهن آخره ادانه
ایدوبده بعده مدیون مفلس اولمغله نقود مذکورہ نک تحصیل
قابل اولماسه ادانه ایتمش اولان متولی یہ ضمان لازم کلور

کذلک کفیل ملی یعنی اصحاب ثروتدن اولان کفیل ایله استرجاحی
مشروط اولان نقود موقوفہ فی متولیسی خلاف شرط واقف
کفیل غیر ملی ایله آخره ادانه ایدوبده مؤخرأ نقود مذکورہ نک
اصیل و یا کفیلدن تحصیلی قابل اولماسه متولی یہ ضمان لازم

کلور

فقط حین ادانه ده کفیل ملی اولوبده مؤخرأ کندوسنه عسار
طاری اولمش ایسه اوصورتده متولی یہ ضمان لازم کلز
کذا رهن قوی ایله استرجاحی مشروط اولان نقود موقوفہ فی
متولیسی ادانه ایتدکده قیمتی نقود مذکورہ دن ناقص بعض امتعه
رهن آلوب بعده مدیون دینی ادا ایتمکسزین وفات ایدوب
رهن مذکورہ دن بشقه مالی اولمغله رهن بیع اولمقدده ثمنی
دینه وفا ایتماسه باقی قالان دینی متولینک تضمین ایتسی لازم کلور
اما وقت ادانه ده رهنک قیمتی دینه مساوی اولوبده مؤخرأ
رهنک سعر و قیمتته نقصان طاری اولسه اوصورتده متولی یہ
ضمان لازم کلز

کذا محکمه معرفتیه ادانه اولنوب حجتہ ربط اولنسی مشروط
اولان نقود موقوفہ فی متولیسی خلاف شرط واقف محکمه یہ
مراجعت ایتمکسزین ادانه ایدوب بعده مدیون دینی انکار

ایتدکده دین اثبات اولنه میوب مدیون یمین ایتمکه نقود موقوفه ضایع اولسه متولی به ضمان لازم کلور
 کذلک بزازستان کبی محفوظ و مستحکم بر محله حفظ اولنسی
 مشروط اولان نقود موقوفه بی متولی کنندی خانه سنده حفظ
 ایدوبده نقود موقوفه اورادن سرقت اولنسه متولی به ضمان
 لازم کلور

۳۳۲ (مسئله)

متولینک خلاف شرط واقف وقوعبولان مصروفاتی قبول
 اولماز

مثلا مستغلاتی اوقاف صحیحهدن اولان بر وقف غله سندن بعض
 کیمسه لر خلاف شرط واقف اوله رق وظیفه احداث و برات
 ایتدیروبد متولی مجرد اول براته بناء وظیفه محدثیه غله
 وقفدن اچیه صرف ایلسه مصروفی قبول اولنمیوب و یردیکی
 اچیه بی تضمین ایتسی لازم کلور

۳۳۳ (مسئله)

متولینک قدر معروف اوزرینه زائد اولان مصروفاتی قبول
 اولماز

فصل ثانی

متولینک صالح و ابراسنه دأردر

۳۳۴ (مسئله)

مال وقفی دعواده متولینک اقامه بینهدن عجزی ومدعی علیهک

دخی یمین ایدہ جکی متحقق اولسہ وقف حقندہ صلحہ مساع و اردر
مثلا بر وقفك متولیسى دیگر کمنه نك یدنده اولان بر عقاری
اول وقفك مالیدر دیو اول کمنه نك انکارینه مقارن دعوی
ایدوب لکن بینہ یہ ظفریاب اولہ میوب مدعی علیہ نك دخی
یمین ایدہ جکی متحقق اولسہ متولی اول دعوادن از و چوق
بر مال اوزرینه مدعی علیہ ایله صلح اولسہ صلح صحیح اولور
بر وجه محرر صاحبك وقوعندنص کره ارتق مدعی علیہ یمین
تکلیفنه متولینك صلاحیتی قالماز

شوقدر وارکه متولی بعدالصاح مدعاسنه موافق بینہ یہ ظفریاب
اولوبده اقامه ایدر ایسه او صورتده صلح منتقض اولور
۳۳۵ (مسئله)

وقفك علیهنه وقوعبولان مال دعواسنده مدعینك بینہ سی
اولوبده وقف علیهنه حکم اولنه جنی متحقق اولسہ متولی مال
وقفدن بر مقدار بدل اعطا ایدرک مدعی ایله صلح اولسہ صلح
صحیح اولور

۳۳۶

بر وقفه مدیون اولان کیمسه ایله اول وقفك متولیسى دینك
بر مقداری اوزرینه صلح اولوب ماعداسندن مدیونك ذمتی
ابرا ایلسه نظر اولنور

اگر اول دین اومتولینك عقدیله حاصل اولش ایسه صلح
وابرا صحیح اولور

فقط بدل صلحدن ماعداسنى متولينك وقف ايجون ضامن اولسى لازم كلور

واكر دين مذكور اومتولينك عقدايله حاصل اولمش دكل ايسه او صورتده صلح و ابرا صحيح اولماز
بناءً عليه صورت مشروحه صلح و ابرانك وقوعند نص كره متولى دينى تماماً مدين آخذ واستيف ايدر
صلحك عدم صحقى مديون دينى مقرر اولدينى و يا خود منكدر اولوبده ممتولينك بينه سى اولدينى تقديرده در
اما اقرار و بينه نك فقدانى حائده صلحك حكيمى مسئله سابقه ده بيان اولمش در

فصل ثالث

يد متوليد اولان اموال وقفه و متولينك يمينيله مصدق اولوب اولمدينى مواده دائر در

۳۳۷ (مسئله)

متولينك يدى يد امانتدر يوقسه يد ضمان دكلدر بناءً عليه متولى يدنده اولان مال وقف كندوسنك تعدى و تقصيرى اولميه رزق تلف و ضايع اولسه كندويه ضمان لازم كلز
۳۳۸ (مسئله)

بر وقف نقودك متولى سى وفات ايتد كده حال حياتنده حسب

التولية اصل مال اوله رق قبض ايتمش اولدينى نقود موقوفه
 عيناً ترکه سنده بولندينى حالده متولى لاحقه دور وتسليم اولنور
 نقود مذکوره ترکه سنده ظهور ايتديكى تقديرجه نظر اولنور
 اکر متولى متوفى حال حياتنده بن اول نقود ايله وقفه فلان
 عقارى اشترا ايتدم وياخود اونقودى فلانه ادا نه ايتدم وياخود
 اونقود تعديسز يدمده ضايع اولدى ديمک کي بر صورتله نقود
 مذکوره نك حالى بيان وتقرير ايلديكى تعين ايدر ايسه ترکه
 سندن ضمان لازم کلز

واکر نقود مذکوره نك حالى بيان وتقرير ايتمکسزین مجهلاً
 وفات ايتمش ايسه اوصورتده ترکه سندن ضمان لازم کلور
 اما متولينک حال حياتنده مقبوضى اولان نقود وقفک اصل
 مالى اوليويده ربح وغله ايسه مجهلاً وفات ايتسه بيله ترکه
 سنده ضمان لازم کلز

۳۳۹ (مسئله)

بر وقفک متولى غله وقفى وقفک مصارفه قدر معروف
 صرفنده يمينيله تصديق اولنوب بينه يه محتاج اولماز
 اما وقفه رجوع حقنده يمينيله تصديق اولنيوب کندوسندن
 بينه طلب اولنور

مثلاً بروقفک متولى معزول اولوب يرينه ديکرى متولى اولدقه
 متولى سابق زمان توليتده وقفه رجوع شرطى ورأى حاکم
 ايله کندى مالمدن امور وقفه قدر معروف شوقدر اچه صرف
 ايتمشيدم مبلغ مزبورى غله وقفندن بکا ادا ايت ديو متولى

لاحق دن دعوى ايلسه قوليله تصديق اولنيوب كندولسندن
بينه طلب اولنور

فصل رابع

بر وقفك مالى ديكر وقفه صرف جائز اولوب اولمامسى
حقنمه در

۳۴۰ (مسئله)

ايكيسنك واقفى بر ذات اولسه بيله بر جهته مشروط اولان
وقفك وارداتى ديكر جهته مشروط اولان آخر وقفك مصارفه
صرف اولنق جائز ومشروع دكلدر
متولى صرف ايتمش اولسه مصروفى كندويه تضمين ايتديريلور
مثلا بر كيمسه ايكي مكتب بنا ووقف ايدوب هر برينه بشقه
بشقه عقار وقف ايلسه اومكيتلردن برينك عقارى غلهسندن
ديكر مكيتك مصارفه صرف اولنه ماز

۳۴۱ (مسئله)

هم واقف وهم جهتلورى متحد اولان ايكي وقفدن برينك غلهسنه
ضعف دارى اولسه ديكر وقفك فضله غلهسندن انك مصارفه
صرف ايتك جائز ومشروعدر
مثلا بر كيمسه بر عقار وقف ايدوب غلهسنى بنا ووقف ايتمش
اولدني مكتب مصارف تعميريهسنه شرط ايدوب ديكر بر
عقاردخى وقف ايدوب غلهسنى اول مكيتك معاملرينك وظائفه
شرط ايلسه بعد زمان معاملرك وظائفه مشروط اولان عقارك

غله سنه ضعف طاری اولوب وظائفه کفایت ایتسه مصارف
تعمیرییه مشروط اولان عقارک فضلہ غله سندن وظائفه صرف
ایتمک جائزدر

۳۴۲ (مسئله)

خراب و مستغنی عنه اولان بروقفک وارداتی رأی حاکمه دیگر
وقفه صرف جائزدر

کوک واقفل متحد اولسون وکوک اولسون
نته کیم فصل آتیده بیان اولنور

فصل خامس

مستغنی عنه اولان مؤسسات خیرییه دائردر

۳۴۳ (مسئله)

مؤسسات خیرییه دن بر وقف خراب و مستغنی عنه اولدقه انک
وارداتی رأی حاکمه مکاناً اقرب وانک جنس سندن اولوب
وارداتی قایل اولان دیگر بر وقفک مصارفنه صرف اولنق
جائز مشروعدر

مثلاً بر محله بنا و وقف لازم ایله وقف اولنان بر مکتب مرور
ازمنه ایله کلاً خراب و محله مزبور اهلایسی دخی پریشان
اولغله مکتب مزبور مستغنی عنه اولسه انک وارداتی رأی
حاکمه اکا ک زیاده قریب اولوب وارداتی ضعیف اولان
دیگر بر وقف مکتبک مصارف لازمه سنه صرف اولنه بیلور

اما مستغنى عنه اولان وقفك و ارداتى اوجنسدن اوليان ديكر
 بر وقفه صرف ايتك جائز دكلدر
 مثلا خراب و مستغنى عنه اولان بر وقف خسته خانهك وار-
 داتى مكاتبه و يا خود خراب و مستغنى عنه اولان مكاتبك وار-
 داتى خسته خانه يه صرف ايتك جائز و مشروع دكلدر
 ۳۴۴ (مسئله)

بر قريه نك اها ايسى بالكلية متفرق و پريشان اولوب اول قريه ده
 اولان مسجد معطل و مستغنى عنه قالسه اول قريه نك قريه بنده
 اولان ديكر قريه نك مسجدى اولماسه قريه ثانيه نك اها ايسى قريه
 اولاده اولان مسجدى نقض و انقاضى كندى قريه لرينه نقل
 ايدوب اوراده بر مسجد بنا ايدوبيلورلر
 بوصورته هدم اولنان مسجد ه مخصوص اولان و اردات راي
 حاكمه قريه ثانيه ده بنا اولنان مسجدك مهماتنه صرف اولنور
 صورت مذكوره ده واقفك ورثه سى مسجد هدم اولنمقله انك
 و ارداتى بزه عائد اولور بناء عايه غله مزبور ه ي نفسمز ايجون
 بز آلوب آخر قريه ده بنا اولنان مسجد ه صرف ايتديرميز
 ديه منزل

كذلك بر كيمسه نك وقفى اولان بر مسجد مهماتنه ديكر كمسه
 بر مقدار نقود وقف ايدوب بعد زمان قريه خلقى بالكلية پريشان
 و مسجد دخى خراب و معطل اولسه متولى نقود مذكوره نك
 ربخى راي حاكمه قريه مذكوره يه اقرب اولان آخر قريه ده كى
 و ارداتى قليل اولان مسجد شريفك مهماتنه صرف ايتك

مراد ايتدكده نقود مذ كوره يي وقف ايدن كيمسه نك ورثه سي
مجرد موقوف عليه اولان مسجد خراب و مستغنى عنه اولمغله
نقود مذ كوره بزه موروث اولمش اولور ديومتولى يي منع
ايدة منزلر

فصل سادس

وقف ايچون استدانه نك جائز اولوب اولماسنه
دائر

۳۴۵ (مسئله)

استدانه استقراض و يا خود ويره سي يه مال اشتراسى ايله
اولوز

۳۴۶ (مسئله)

بروقفك عقارى محتاج تعمير اولوبده وقفده غله موجود اولماسه
نظر اولور

اكر واقف لى الحاجه متولينك وقف ايچون استدانه ايتسى
حقننده بر شرط ذكر ايتمش ايسه متولى خود بنخود استدانه
ايدوب تعميره صرف ايدر .

واكر واقف بويله بر شرط ذكر ايتماش ايسه اوصورتده وقف
ايچون استدانه حاكمك راييه متوقفدر

بناء عليه بو صورتده متولى بلا رأى الحاكم وقف ايچون خود
بنخود استدانه ايدة منز .

۳۴۷ (مسئله)

بر وقفك مستغلاتى تعميره محتاج اولوب لكن وقفده غله موجود
اوليوب ربخسز استدانه دخى ممكن اولماسه متولى اى امر حاكمه
على وجه المعاملة الشرعيه ربخله اچمه استدانه ايدوب اول
مستغلاتك تعميرينا قدر معروف صرف ايدر

بو صورتده متولى اصل دين وربخى ايله غله وقفه رجوع ايدر
۳۴۸ (مسئله)

متولى رأى حاكمه وقفك تعميراته وقفه رجوع شرطيله كندى
مالندن قدر معروف اچمه صرف ايلسه مصروفنى غله وقفدن
استيفا ايدر

استيفا ايتيمكسزين وفات ايدرايسه ورثه سى متوفانك يرينه نصب
اولان متولى ينده اولان غله وقفدن متوفانك مصروفنى بعد
الثبوت استيفا ايدر

۳۴۹ (مسئله)

وقفك خدمه ومرتزقه سنك وظائفى ايجون استدانه جائدكلدر
بناءً عليه متولى استدانه ايدوبده مرتزقه سنك وظائفه صرف
ايلسه استدانه ايلديكى مبلنى دايينه كندى مالندن ادا ايتيمى
لازم كلور غله وقفه رجوع ايدمه

فقط وقفه رجوع شرطى و امر حاكم ايله متولى مرتزقه سنك
وظائفه كندى مالندن اچمه صرف ايلسه مصروفيله وقفه
رجوع ايدمه بيلور

فصل سابع

نقود موقوفه په دأثر بعض مسائل بیاننده در

۳۵۰ (مسئله)

بلا ربح محتاجينه اقراضی مشروط اولان نقود موقوفه يي متوليسي استرباح ایده من

۳۵۱ (مسئله)

استرباحی مشروط اولان نقود موقوفه يي متوليسي اقراض ایتدکده الزام ربح ایتماسه مستقرضدن ربح نامنه نسنه آله من بوصورته مستقرض ربح نامنه متولی به بر مقدار اچه ویرسه اول اچه يي اصل دینه محسوب ایده بیلور

شوقدر وارکه مستقرض شو اچه ربحدر آل مصارف وقفه صرف ایله دیو متولی به بر مقدار اچه ویروبده متولی دخی اول اچه يي امور وقفه صرف ایلسه مستقرض انی اصل دینه محسوب ایده من

۳۵۲ (مسئله)

مرابحه دینک قیامنه مبتیدر

بناءعلیه دین ذمتده قالدچه مدیون اوزرینه ربح ملزم لازم کلور مثلاً بر وقف نقودك متوليسي نقود موقوفه دن شوقدر غروش ادا نه ایتدکده بش سنه مدته الزام ربح ایتدکدنصکره بر سنه مرورنده مدیون وفات ایدوب اصل مال مدیونك ترکه سندن متولی به ادا اولنیوب بو حال اوزرینه ایکی سنه مرور ایلسه

حالاتولى مبلغ مزبوری ترکه دن استيفا ايتدکده وقف استيفايه
دکين مرور ايدن ايامك ربخنى دخى متولینك ترکه دن آلمغه
صلاحیتی واردر

بو صورتده مديونك ورثه سی مديونك وفاتيله ربخ ساقط اولمش
اولور بناء عليه مورثمرك وفاتندنصكره مرور ايدن ايام ايچون
ربخ ويرميز ديه منزلر

۳۵۳ (مسئله)

بروقف نقودك متوليسى نقود موقوفه دن بعض كيمسه لره استرباح
قصه ديله اقراض ايتمش اولدينى اچيه ي مديونلردن قبض
ايتمكسزین متولینك عزل ويا وفاتى وقوعه بولمغه يرينه ديكرى
متولى اولسه مبلغ مزبورى مديونلردن قبض ايتمكه متولى
لاحقك صلاحیتی واردر

۳۵۴ (مسئله)

ديونى ترکه سندن ازید اوله رق وفات ايدن كيمسه نك وقفه اولان
دينى ديون سائرهمى اوزرينه مقدم اوله ماز
بلكه متولى وقف دخى سائر داینلر كې غريمایه داخل اولور

۳۵۵ (مسئله)

ديوان امثاليه قضا اولنور
بناء عليه بر كيمسه وقف نقوددن شوقدر عدد مجیدی التونى
استقراض ومصارفته صرفله استهلاك ايتدكندنصكره وقف
مزبور متوليسى ذكر اولنان التونلرك امثالى اول كيمسه دن
طلب ايتدکده او كيمسه بن التون ويرميوب اول قدر التونه

معادل شوقدر عدد سیم مجیدیه و یا خود متالك ویریرم دیه من
و بالعمکس مدیونك استقراض ایتمش اولدینی اچمه سیم مجیدی
و یا خود متالك اولسه متولی قیمتجه مبالغ من بوره معادل شوقدر
مجیدی آلتونی استرم دیه من

شوقدر وارکه بوصورتده مدیون بالرضا دینی متولی به التون
ایله ادا ایتدکن صکره نادم اولوب التونلری متوایدن استرداد
ایله استقراض ایتمش اولدیغم اچمهك مثیلله اداء دین ایدرم دیه من

باب حادی عشر

وظائفه متعاقد

۳۵۶ (مسئله)

غله و قفدن بر موجب شرط واقف ویریلان وظیفه ایگی قسمه
منقسدر

قسم اول خدمت مقابله سنده اولان وظیفه در

قسم ثانی خدمت مقابله سنده اولیان وظیفه در

۳۵۷ (مسئله)

خدمت مقابله سنده اولان وظیفه اجرت قیلندندر

بناء علیه بروقفدن خدمت مقابله سنده وظیفه به متصرف اولان
کیمسه او خدمتی بر مدت بلاعذر شرعی ترك ایتسه اومتده
وظیفه به مستحق اولماز

کذلك بر جهتك خدمتی مقابله سنده بروقفدن وظیفه به متصرف
اولان کیمسه بر قاج سنه اول جهتك خدمتی ادا ایدوب مستحق

اولديني وظيفه يي غله و وقفن آلدقن صكره ديكر كمسبه ظهور
ايدوب اول جهت با كه مشروطه در ديو دعوى ومدعاسنى اثبات
ايمكله مذكور جهت كندويه توجيه اولنسه سنين مذكورده
اجاء خدمت ايتمش دكل ايكن مجرد جهت با كه مشروطه در ديو
متصرف سابقك الديني وظيفه يي آندن استرداد ايده من

۳۵۸ (مسئله)

خدمت مقابله سنده اولميان وظيفه نك مشروط لهنه نظر اولنور
اكر مشروط له اغنيادن ايسه او وظيفه صله وعطيه قيبانندن اولمش
اولور

واكر مشروط له فقرادن ايسه صدقه قيبانندن اولمش اولور

۳۵۹ (مسئله)

هر سنه نك وظائفى اوسنه نك غله سندن ادا اولنور

يوقسه بر سنه نك وظائفى ديكر سنه نك غله سندن ادا اولنه من
شويله كه بر سنه وقفده غله حاصل اولما مغله اوسنه نك وظائفى
ايضا اولنه ميوب ايكنجى سنه مع زياده وقفده غله حاصل اولسه
مرتزقه ايكنجى سنه نك وظائفى تماماً الدقن صكره فضله دن
سنه اولانك دخى وظائفى الورز ديه منرلر

بوصورتده سنه اولى وظائفك سنه ثانيه غله سندن اداسى
لازم كلور زعميله متولى سنه ثانيه غله سندن سنه اولى وظائفى
ايچون مرتزقيه بر مقدار مبلغ ويرمش اولسه متولى مبلغ
منبوري مرتزقه دن استرداد ايدر

فقط بر سنه نك وظائفى ديكر سنه نك غله سندن ادا اولنمسي حقنمه واقف

طرفندن بر شرط ذکر اولتمش ایسه اوصورتده بر سنه نك غله سندن
دیگر سنه نك وظائفنه صرف جائزدر

۳۶۰ (مسئله)

متولی غله وقفی نه وجهله اخذ ایدر ایسه اول وجهله صرف
ایدر

مثلا بر بلده ایرای عثمانی یوز سکنز غروشه رایج اولمغله
متولی مستققات وقفك اجاراتی ایرایوز سکنز غروش حسابیله
تحصیل ایدوب مرتزقه یه اول حساب اوزره ویرمك ایستدکده
مرتزقه وظیفه لر مزی ایرایوز غروش حسابیله الورز
دیه مزلر

وبالعکس صورت مشروحه ده متولی مرتزقه یه ایرایوز اون
ویا خود یوز یکر می غروش حسابیله ویریرم دیه مزلر

۳۶۱ (مسئله)

بر وقف نقودك واقفی نقود موقوفه یه نقصان طاری اولور
ایسه ربحدن اصل مال تکمیل ایدلمدکجه مرتزقه یه وظیفه
ویرلمسون دیو شرط ایدوب بعده اصل ماله نقصان طاری
اولسه متولی ربحدن اصل مالی تکمیل ایتدکجه مرتزقه یه
وظیفه ویره مزلر ویرمش اولسه کندویه ضمان لازم کلور
(۳۳۱) مسئله یه مراجعت اولنه

۳۶۲ (مسئله)

بر وقف نقودك متولیسى نقود موقوفه یی اعمال واسه تراج

ایتمیوب اصل مالیدن بر مقدار مبلغی مرتزقه نك وظیفه لرینه
 صرف ایلمسه متولی به ضمان لازم کلور
 بو صورتده متولی بمداالضمان مرتزقه به ویرمش اولدینی مبلغ
 ایله مرتزقه به مراجعت ایده من
 ۳۶۳ (مسئله)

بر وقفك وارداتی مصارفنه تقابل ایتماسه رأی حاکمه ممکن
 مرتبه تصرف طرفه کیدیلور
 شویله که بر وقفك وارداتنه کلی نقصان طاری اولوبده واردات
 وقف مصارفنه کفایت ایتماسه متولی حاکمه مراجعت ایدر
 حاکم دخی وظائف وقفدن مهم اولیانلرینی بالنکلیه رفع ومهم
 اولنلرنده دخی تجمللرینه کوره تنزیلات اجرا ایدر
 بو صورتده وقفه وسعت کلنجه به دکن متولی حاکم رأی
 موجبجه عمل ایدر
 وقفه وسعت کلدکده شرط واقف موجبجه وظائفی تماماً ایفا
 ایدر

۳۶۴ (مسئله)

بر وقفك خدمه سی صلاح حال ایله موصوف وخدمتلرینه
 مداومتله مألوف اولوب فقط قدیمأ واقف طرفندن کندولرینه
 تعیین اولنش اولان وظائف وقت وحاله نظراً اداره لرینه کافی
 اولیوب وظیفه لرینه ضم اولنمدینی تقدیرجه ترك خدمت
 ایده جککری محقق وترك خدمت ایتدکری صورتده وظائف
 مذکوره ایله اوخدمتله دیگر اهل وارباب کیمسه لر راغب

اولمىوب وقفك خدمات لازمه سى معطل قاله جنى متيقن اولسه
رأى حاكمه فضله و قفدن قدر كفایه خدمه نك وظیفه لرینه
ضم اولنور (۱۶۵) مسئلهیه مراجعت اولنه
(مسئله) ۳۶۵

بر جهت متصرفك عهده سندن جهتی رفع اولنوب فقط خبر
رفع بر مدت كندویه واصل اولمىوب اول مدته او جهتك
خدمتی ادا ایلسه خبرك وصولی تاریخنه دكین اول جهتك
وظیفه سته مستحق اولور
(مسئله) ۳۶۶

بعض كسانه مشروط بولنان فضله و قفدن وقفك اعماری ایچون
احتیاط ایچیه سى توقیف اولنور
مثلا مصارف معینه دن فضله سى اولاد واقفه مشروط اولان
بر وقفك عقاراتی فی الحال اعمارده محتاج اولسه بیله لدی الحاجه
اعماره صرف اولنمق اوزره متولی فضله و قفدن مناسب مقدار
احتیاط ایچیه سى توقیف ایدوب ماعدایی شرط واقف موجبنه
اولاده اعطا ایدر
(مسئله) ۳۶۷

بر وقفك فضله سى واقفك اولادینه مشروطه اولمغله متولی
وقفك فضله سیدر دیو اولاده بر مقدار مبلغ ویردكدنص كره
متولی اول مبلغی فضله و قفدن استیفا ایتك اوزره كندى
مالمدن ویر مشیدم شمدى وقفده فضله غله حاصل اولمدى دیو
مبلغ مذكوری اولاددن استرداد ایدمن

۳۶۸ (مسئله)

محصولی سنوی اولان وقفده سنه باشی محصولك ادراكندن
یعنی یتشدیکی زماندن وایکینجی سنه نك ابتداسی سنه اولی
نهایتندن معتبر اولور

۳۶۹ (مسئله)

بر کیمسه محصولی سنوی اولان وقفدن وظیفهیه متصرف ایکن
اتنای سنه وفات ایلسه سنه باشندن اعتباراً وفاتی تاریخه
قدر اولان مدت حساب ایدیلهرك وظیفه دن اكا اصابت ایده جك
حصه متوفانك ورثه سنه ویریلور

۳۷۰ (مسئله)

محصولی سنوی اولوب غله سی واقفك اولادینه مشروطه اولان
وقفده سنه نك نصفی مرور ایتدکدنصیکره تولد ایدن اولاد
واقف سنه مذکور غله سندن حصهیه مستحق اولمازلر
اما نصف سنه مرور ایتدین تولد ایدن اولاد واقف تاریخ
تولد لرندن اعتباراً کندولرینه اصابت ایده جك غلهیه مستحق
اولورلر

اولاد اولاد دخی بو حکمده اولاد کیدر

۳۷۱ (مسئله)

واقف وقف ایلدیکی شیدك غله سنی ذریتك ویا اقرباسنك فقراسنه
شرط ایلسه غله نك ظهوری وقتنده فقیر بوانانلره صرف اولور
غله نك ظهورندن اول فقیر اولوب اولماسی مساویدر
بنسأ علیه صورت مشروحه ده ذریت ویا اقرباء واقفدن بری

غله نك ظهورندن مقدم فقيرايكن غله نك ظهورى وقفنده كسب
يسار ايتمش بولنسه غله وقفدن اكا حصه ويرلمز
وبالعكس غله نك ظهورندن اول غنى ايكن غله نك ظهورى
زماننده فقير دوشسه غله دن اكا حصه ويريلور شو قدر وار كه
بر عارضه يه مبنى غلات وقف بر قاچ سنه تقسيم اوننه ميوب
بعده تقسيم مراد اولنسه حين تقسيمده فقير بولنان كسانه صرف
اولنور

كرك او كسان سنين مرقومه غلاتنك ظهورى زمانلرنده فقرادن
اولسونلر وكرك اولسونلر

باب ثانى عشر

جهاته دائر اولوب ايكي فصلى حاويدر

فصل اول

توجيه جهاته دائر در

۳۷۲ (مسئله)

امامت و خطابت و مدرسه لك و واعظلق و قيملق كې مؤسسات
خيريه خدماتندن هر برينه جهت دينور جمعى جهاتدر

۳۷۳ (مسئله)

نا اهله جهت توجيهى جائز دكلدر
بناء عليه بر جهتك خدمتنى ايفايه اهل اولميان كيمسه يه اول جهت

توجيه اولنسه جهت مذكوره او كيمسه عهده سندن رفع واهانه
توجيه اولور

۳۷۴ (مسئله)

بر صنف اربابنه مشروط اولان جهتك ديكر صنف اربابنه
توجيهي جائز دكلدر

مثلا حنفی علماسنه توجيهي مشروط اولان بر جهت شافعی
علماسندن بر ذاته وبالعكس شافعی علماسنه توجيهي مشروط
اولان بر جهت حنفی علماسندن بر ذاته توجيه اولنه من
كذلك مثلاً طريق نقشبندی مشايخنه توجيهي مشروط اولان بر جهت
طريق شاذلی مشايخندن بر ذاته وبالعكس طريق شاذلی مشايخنه
مشروط اولان بر جهت طريق نقشبندی مشايخندن بر ذاته
توجيه اولنه من توجيه اولنمش ايسه رفع اولنه رق شرط واقف
وجبنجه توجيه اولنور

۳۷۵ (مسئله)

بر جهت متصرفي وفات ايدوب اول جهتك خدمتی ادايه اهلی
اولان ولد کيرینی ترك اياسه اول جهت اكا توجيه اولنوب
آخره توجيه اولنماز

فقط متوفانك ولدی اول جهتك خدمتی ايفايه نااهل اولوبده عدم
اهلیتی کندو مواجهه سنده و حضور حا کمدتین ایدرایسه اولخالده
اول جهت اكا توجيه اولنوب اهل اولان آخر کمنه یه توجيه اولنور
بو صورتده متوفانك نااهل اولان ولدی مجرد بابامك اتمکیدر
دیو اول جهته مداخله ایدمن

۳۷۶ (مسئله)

جهاتك فراغ وقصريدی جائزدر
فقط. توجيه حاكمه اقتراى شرطدر
شويله كه مفروغ لهك فراغ اولان جهتنه اهليقى عندالحاكم تبين
ايدرك طرف حاكمدن اول جهت فارغك قصر ينده اكا
توجيه اولندقچه فراغك اصلا حكمى يوقدر

۳۷۷ (مسئله)

خدمتلىرىنك اداسى برزمانه مصادف اولان ايكي جهتك بر شخص
عهده سنده جعي جائز دكادر
بناء عليه بوجه محرر جعي جائز اولميان ايكي جهت بر شخص
عهده سنده توجيه اولنسه اول شخص او جهتلردن قنغيسىنى
اختيار ايدر ايسه عهده سنده ابقا اولنهرق ديكرندن كف يد
ايتديريلور

۳۷۸ (مسئله)

واقف خدمه وقفك عزل ونصبى متولى يه شرط ايلسه اول
وقفك توجيهاتنه حاكم مداخله ايدمىز مكر متولى نااهله جهت
توجيه ايتكم وياخودسبب مشروع اولميه رق بر كيمسه عهده سندن
بر جهت رفع ايتكم كبي نامشروع بر معامله ده بولنمش اوله
اوصورتده حاكم مداخله ايدر

۳۷۹ (مسئله)

بر جهت بر كيمسه يه توجيه اولندقدنصكره اول جهت آخردخى
توجيه اولنوب فقط اولكندن جهتك رفعنه تعرض اولنماسه

توجيه اول معتبر اولوب توجيه ثانی معتبر اولماز
اما اولکنندن جهتك رفعی موجب بر سبب موجود اولدینی
حاله اندن جهت رفع اولسه رق آخره توجيه اولنور ایسه
اوصورتده توجيه ثانی معتبردر

فصل ثانی

استنبابه و تعطيله دائردر

۳۸۰ (مسئله)

جهات اوقافده استنبابه و توکیل جائزدر .

فقط رأی حاکمه اولمیدر

بناء علیه بر کیمسه معذور اولماسه بيله عهده سنده بولنان جهتك
خدمتی ادایه اهل اولان دیگر کسه نه بی رأی حاکمه وکیل
ایده بیلور

وکیل اداء خدمت ایتدیکی مدتیجه موکل وظیفهیه مستحق اولور
ووکالت ایچون اجرت مقاوله اولنمش ایسه مدت وکالتده
وکیل دخی موکلدن اجرت آلور

فقط جهت متصرفک بالنفس اداء خدمت ایتسی واقف و یا خود
حین توجیهده حاکم طرفندن شرط قلنمش ایسه اولحاله جهت
متصرفی معذور اولمدیچه دیگرینی توکیل ایده من
ایتمش اولسه مدت وکالتده وظیفهیه مستحق اولماز

۳۸۱ (مسئله)

خدمات اوقافده بلا غدر ترك و تمكاسلی وقوع بولان ارباب

جهاتك جهتلى رفع اولنور

۳۸۲ (مسئله)

بر جهت متصرفی آخر دیاره کیدوب اوچ آیدن زیاده اول جهتمک

خدمتی تعطیل ایلسه نظر اولور

اگر آخر دیاره عزیمتی اسقاط فریضه حج و صله رحم کبی بر

سفر واجب ضمانده ایسه عزله مستحق اولماز فقط تعطیل

مدتنده وظیفه سی قطع اولنور

واگر عزیمتی بر سفر واجب ضمانده دکل ایسه اوصورتده

عزله مستحق اولور

باب ثالث عشر

ایجار وقفه دائردر

۳۸۳ (مسئله)

بر وقف عقاری غله سنک مشروط لهنه ایجار ایتک صحیحدر

مثلا غله سی اولاد واقفه مشروطه اولان بر منزل ویا دکانی

متولسی اولاد واقفدن برینه ایجار ایلسه صحیح اولور

۳۸۴ (مسئله)

بر وقف عقاری متولسی ولو اجر مثلیله اولسون نفسی چون

خود بخود استیجار ایتک جائز دکلدر

شو قدر وار که متولی حاکمه مراجعت ایدوبده حاکم اول عقاری

اجر مثلیله کندویه ایجار ایدر ایسه اوصورتده ایجار صحیح

اولور

۳۸۵ (مسئله)

بر وقفك متولىسى اول وقفك عقارىنى كندى لهنه شهادتلىرى قبول اولمىيان اقباسنه اجر مثليه ايجار ايلسه بيله ايجار صحيح اولماز

بناء عايه بر وقفك متولىسى اول وقفك عقارىنى اصول ويا فروغندن برينه وياخود زوج ويا زوجه سنه ايجار ايلسه صحيح اولماز

۳۸۶ (مسئله)

اجارنى عاقد اولان متولينك وقاتيله عقد ايجاره منفسخ اولماز مثلاً بر وقفك متولىسى اول وقفك عقارىنى بر سنه تمامنه دكين اجر مثليه ايجار وتسليم ايدوب بعده اثنای سنه ده متولى وفات ايتسه اجاره منفسخ اولماز

۳۸۷ (مسئله)

بر وقفك متولىسى اول وقفك عقاراتى ايجار وتسليم ايدوب بعده مستأجر لر ذمترنده اولان اجاراتى قبض ايتمكسزین اول متولينك عزل ويا وفاتى وقوعبولوبده برينه ديكر متولى نصب اولنسه اجاراتك حق قبضى متولى لاحقه عائد اولور يوقسه متولى معزوله وياخود متولى متوفانك ورثه سنه عائد اولماز

۳۸۸ (مسئله)

بر وقفك عقارىنى متولىسى مدت معلومه ختامنه دكين ايجار واجرتى تماماً مستأجر دن قبض ايتدكدن صكره اثنای مدتده اول

متولينك عزل ويا وفاقى وقوعبولوبده يرينه ديكرى متولى نصيب
اولنسه متولى سابقك بروجه محرر قبضى ثابت ايكن متولى
لاحق كندى زمان توليته مصادف اولان مدت ايچون تكرر
مستأجر دن اجرت طلب ايده من
چونكه متولى سابقك قبضيله مستأجر ك ذمى برى اولمش اولور
۳۸۹ (مسئله)

مال وقف اجر مثليه ايچار اولور
متولى اجر مثلمدن ناقص بر اجرت تسميه سيله ايچار ايلسه
نظر اولور
اكر نقصان فاحش ايله ايچار صحيح اولماز
واكر يسير ايله صحيح اولور
۳۹۰ (مسئله)

اجار دن نقصان فاحش خمس مقدارى ويا دهها زياده اولان
نقصاندر
مقدار يسير خمس مقدارندن دون اولان نقصاندر
۳۹۱ (مسئله)

وقف ايچون بر شى استيجار اولنقى لازم كلكده اجر مثليه
استيجار اولور
بناء عايه متولى اجر مثلمدن زياده فاحشه ايله زائد بر كرا
تسميه سيله وقف ايچون بر شى استيجار ايلسه صحيح اولماز
اما زياده يسيره اجار دنك صحتنه خلل وير من

اجاره ده زياده فاحشه خمس مقداری و يا خود ده ها كثير
اولان زياده در

زياده يسيره خمس مقدارندن اقل اولان زياده در
۳۹۲ (مسئله)

بروقف عقاری متواپسی اجر مثلندن نقصان فاحشه ايجار
ايله اجر ملك اكملی لازم كلور

مستاجر اجر ملك اكملندن امتناع ايدر ايسه او صورتده
متولی اجاره يی فسخله اول عقاری اجر مثيله آخره ايجار ايدر
مستاجر قبل الفسخ اول عقاری بر مدت تصرف ايلش ايسه
اول مدت ايجون کندوسندن اجر مثل النور
۳۹۳ (مسئله)

بر وقف عقاری متوليسی مدت معلومه ختامنه دكين اجر مثله
مساوی شوقدر غروش اجرت تسميه سيله ايجار ايتد کند نصكره
بعض كيمسه لر لغرض اجرت مذ كوره اوزرينه بر مقدار ضمله
استيجاره طالب اولسه بو ضمه اعتبار ايدلر

فقط انزای مدته رغبات ناس ايله حقیقه اول عقارك اجر مثلی
زياده فاحشه ايله تزايد ايتسه مدت باقيه ايجون مستاجر
اوزرينه اجر ملك اكملی لازم كلور

بو مقامده زياده فاحشه دن مراد اجر مسمالك نصفی مقداری
اولان زياده در

بناء عليه مقدار مذ كوردن دون اولان زياده زياده فاحشه
عد اولتماز

صورت مشروحه ده مستأجر اجر مثلی اكله راضی اولمز ایسه
متولی وقف اجاره یی فسخ ایله اول عقاری مستأجر یدندن
نزع واجر مثلیله طالبنه ایجار ایدر

بو صورتده متولی اجاره یی فسخ ایتیوب مدت اجاره ختامنه
دکین مستأجر اول عقاری تصرف ایلسه جمع مدت ایچون
مستأجر اوزرینه اجر مسمی لازم کلور
متولی اندن زیاده مستأجر دن نسنه مطالبه ایدمن

۳۹۴ (مسئله)

سکناسی موجود اولان بروقف عقاری کرک متولایی و کرک
مشروط لهی آخره ایجار ایده من

فقط وقفجه بر مصلحت و یا ضرورت متحقق اولان صورتلر
مستأدار (۱۶۵) مسئله یه مراجعت اولنه

۳۹۵ (مسئله)

غله سی مشروطه اولان بر وقف عقاری متولایی اجر مثالیله
آخره ایجار مراد ایتدکده غله نك مشروط لهی اولان کیمسه لر
مجرد اول عقارک غله سی بزه مشروط اولمغله اول عقاری بز
تصرف ایدوب آخره ایجار ایتدیرمیز دیو متولی یه ایجار دن
منع ایدمن

۳۹۶ (مسئله)

بر وقف عقارک بعض مواقعی تعمیره محتاج اولوب متولایی
آخر دیارده بولمغله اول عقارک مستأجری امر حاکمه اووقفه

رجوع شرطيله مانندن قدر معروف مبالغ صرفيله محتاج تعمير
اولان مواضى تعمير ايلسه مصروفنى اجرته محسوب ايدى بيلور
۳۹۷ (مسئله)

مال وقفده اجاره نك فسادى كرك اجرتك مجهول اولمىندن
نشئت ايتسون وكرك سائر شرائط صحتك بولنامىندن نشئت
ايتسون هر حالده مستأجر اوزرينه بالغاً مبالغ اجر مثل لازم
كلور

يوقسه املاكده اولدينى كى ايكىنجى صورتده اجر مثلك اجر
مسمانى تجاوز ايتماسى شرط دكلدر
۳۹۸ (مسئله)

بر وقف عقار اجاره باطله ايله ايجار اولنسه بيله مستأجر اول
عقارى تصرف ايتمكله كندوسنه اجر مثل لازم كلور
۳۹۹ (مسئله)

بر كيمسه وقف ايتديكى عقارى شهره شوقدر غروشدن زياده
اجرتله ايجار اولنماسنى شرط ايلسه اول عقارك اجر مثلى مبالغ
مزبوردين زياده اولمغله متولىسى اول عقارى اجر مثليه ايجار
ايدى بيلور (۳۸۹) مسئله يه مراجعت اولنه
۴۰۰ (مسئله)

بر كيمسه وقف ايتديكى منازلده بلا اجرت فقرامك ساكن اولمىنى
شرط ايلسه متولىسى خلاف شرط واقف اول منازلده توجيه
حاكمله ساكن اولان فقرادن اجرت طلب ايدى من

بو صورتده متولی اول منازلده ساکن اولان فقرادن اجرت
طلب ایدوب انلر دخی لازم کلور زعمیله بر مدت متولی به اجرت
ویرسه لر ویردکاری اجرتی متولیدن استرداد ایدوبیلور لر
۴۰۱ (مسئله)

بر متولی مال وقفی ایجار ایتدکن صکره وقف حقنده انفع
اولدقجه او اجاره بی فسخ واقاله ایدمه من
ایتمش اولسه صحیح اولماز

باب رابع

غصب وقف حقنده در

۴۰۲ (مسئله)

منافع وقف مضموندر
بناء علیه بر کیمسه وقف اولان بر مالی بر مدت تغلباً ضبط
وتصرف ایلمسه اول مال کړك معدل الاستغلال اولسون وکړك
اولسون هر حالده او مدتده تصرفی ایچون کندی اوزرینه
وقف ایچون اجر مثل لازم کلور

مثلاً بر کیمسه معدل الاستغلال اولیان بروقف مکتب ویا مدرسه بی
بر مدت غصب ویا تصرف ایلمسه اول مدتده کندی اوزرینه
اول مکتب ویا مدرسه نك اجر مثلی لازم کلور

فقط اوقاف صحیحهدن بر تارلایی بر کیمسه بر مدت غصباً ضبط

وزراعت ایتمکله اول ترلایه نقصان ارض ترتیب ایلسه او
صورتده نظر اولنور

اگر اول ترلانیق نقصان ارضی اجر مثلندن ازید ایسه غاصب
اوزرینه نقصان ارضله حکم اولنور

واگر اجر مثلی نقصان ارضدن ازید ایسه او صورتده اجر
مثل ایله حکم اولنور

فقط تخصیصات قبیلندن اولان اراضی موقوفه اراضی امیرییه
حکمنده اولدیغندن اراضی امیرییه ده غاصب اوزرینه اجر مثل
ویانقصان ارض لازم کلدیکی کبی تخصیصات قبیلندن اولان اراضی
موقوفه ده دخی غاصب اوزرینه اجر مثل ویاخود نقصان ارض لازم کلز
۴۰۳ (مسئله)

مستغلات موقوفه نك اعازه سی جائز دكلدر
بناء علیه بر وقفك متوالیسی اول وقفك مستغلاتندن برشیدی عاریت
صورتیله آخره ویروبده مستعیر دخی انی بر مدت تصرف ایلسه
مستعیر غاصب حکمنده اوله رق اوزرینه اول مدته وقف ایچون
اجر مثل لازم کلور
۴۰۴ (مسئله)

بر وقف خانه سکناسنك منحصرأ مشروط الهی بوانان کیمسه
اول خانه بی خلاف شرط واقف بر مدت آخره ایجار ایتمش
اولسه اجرت کندوسنك اولور
یوقسه وقفك اولماز

بناء علیه متولی اجرت وقفك اولمش اولور دیو اجرتیه مداخله ایده من

۴۰۵ (مسئله)

بر کیمسه مال وقفی تاویل عقد ویا تاویل ملک ایله تصرف ایتسه
بیله کندی اوزرینه اجر مثل لازم کلور
مثلا بر کیمسه آخردن ثمن معلوم مقابله سنده اشترا ایدلیدیکی بر
عقاری بر مدت ضبط و تصرف ایتدکن صکره بروقفک متو-
لیسی اول عقار متولیسسی اولدیقم وقفک عقاراتندندر دیودعوی
ومدعاسنی بالینه اثبات ایدوب اول عقار بر نهیج شرعی وقف
ایچون حکم اولنسه مشتری اوزرینه تصرف ایتدیکی مدتک اجر
مثلی لازم کلور

بوصورتده او کیمسه بن اول عقاری ملک مشتری اولمق اوزره
تاویل ملک ایله تصرف ایتدیکم جهتله اجر مثل ویرم دیه من
کذلک بر عقارک نصفی بر کیمسه نك ملیکی ونصف دیگرى وقف
اولوبده اول عقاری او کیمسه بر مدت تغلباً و مستقلاً ضبط
ایلسه وقف اولان نصف حصه ایچون او کیمسه اوزرینه مدت
مذکور نك اجر مثلی لازم کلور

۴۰۶ (مسئله)

مغضوب اولان مال وقف ایله خاصب انتفاع ایتماسه بیله کندویه
اجر مثل لازم کلور

مثلا بر کیمسه بر وقف عرصه یی بر مدت غصب ایدوب فقط
انکله انتفاع ایتیب تعطیل ایتسه بیله مدت غصبنده وقف
ایچون کندی اوزرینه اول عرصه نك اجر مثلی لازم کلور

(۱۳)

كذلك بر کیمسه غصب ایلدیکی بر وقف منزل ویا دکانی قبالی
براغوب اصلاً تصرف وانتفاع ایللمسه بیللمه مدت غصبده وقف
ایچون کندی اوزرینه اول منزل ویا دکانك اجر مثلی لازم کور
۴۰۷ (مسئله)

بر کیمسه مکتب و معبدکی مؤسسات خیریه دن بر عقاری بغیر حق
تغایاً هدم ایللمه اول عمار کالاول کندوسنه بنا ایتدیریلور
اما مستغلات موقوفه دن بر عقاری بر کیمسه تغایاً هدم ایللمه
بناء مهندومك مبنیاً قیمتی او کیمسه یه تضمین ایتدیریلور
یوقسه اول عقاری کالاول بنا ایتك اوزره جبر اولماز
۴۰۸ (مسئله)

سکنناسی بر قاق کشتی یه مشروط اولان بروقف عماردن مشروط
لهلردن بریسی سائر لرینك اذنی اولمیه رق بر مدت تغایاً و مستقلاً
اول عمارده ساکن اوللمه سائر مشروط لهلرك حصه لری ایچون
مستقلاً ساکن اولان کیمسه دن اجر مثل اولنور

باب خامس عشر

وقفه متعلق ترمیمات وانشا آت حقنده اولوب ایکی
فصلی مشتملدر

فصل اول

سکنناسی مشروط وقف عقاری مشروط لهك تعمیر
وترمیمی حقنده در

۴۰۹ (مسئله)

سکیناسی مشروط اولان بر وقف منزله مشروط الهی وقفه
تبرع ایتیه رک کندی مالیدن مرمت غیر مستهاکه مقوله سندن
بعض ترمیمات اجرا ایلسه ترمیمات مذ کوره مشروط لهک کندی
مالی اولمش اولور

بناء علیه مثلاً سکیناسی علمایه مشروط بر وقف منزله توجیه
حاکمه علمادن بر ذات ساکن ایکن اول منزله کندی مالیه
نفسه چون بعض ابنیه انشا و علاوه ایتدکن صکره وفات ایلسه
بروجه مشروح علاوه ایدیلان بنا متوفاتک ورثه سنه موروث
اولور

بوصورتده منزل مذکور علمادن دیگر بر ذانه توجیه اولسه
اودات اول بنانک قیمتی متوفاتک ورثه سنه ادا ایدوب اول
بنایه مالک اولور

اول بنانک قیمتی ادادن امتناع ایتدیکی تقدیرجه اجرتدن اول
بنانک قیمتی حاصل اولنجیه دکن منزل مذکور حاکم طرفندن
آخره ایجار اولور

اجرتدن قیمت مذ کوره تماماً استیفا اولندقدده منزل مذکور
توجیه اولنان ذاته عائد اولور

۴۱۰ (مسئله)

سکیناسی مشروط اولان وقف منزله من له السکینی اولان کیمسه
صحتده کندی مالیه بعض ابنیه انشا ایتدکن صکره تبرعاً وقف
ایچون بنا ایتدم دیو اشهاد ایدوب بعده وفات ایتسه ورثه سی

کندولرینه موروث اولمق اوزره اول بنایه مداخله ایده منزل
سکناسی مشروط بر وقف منزله مشروط لهی کندی مالندن
مرمت مستهلکه مقوله سندن بعض ترمیمات اجرا ایلمسه هر
حالده متبرع اولور

۴۱۱ (مسئله)

مصارف تعمیریه وظائف اوزرینه مقدمدر
بناه علیه وقفده تعمیره احتیاج وار ایکن موجود بولان غله
وظائفه صرف اولنه من

بو صورتده متولی غله موجوده یی وظائفه صرف ایدوب
تعمیر ایچون غله قالماسه متولی وظائفه صرف ایتدیکی مبان
ضامن اولور

۴۱۲ (مسئله)

سکناسی مشروط اولان وقف منزل خراب اولدقده نظر
اولنور

اگر او منزلک غله وقفدن تعمیریه واقف طرفندن شرط قلمش
ایسه شرط واقف موجبجه وقفک غله موجود سندن تعمیر
ایدیلور

واگر واقف طرفندن بوجه محرر شرط ایدلماسه و یا خود
ایدیلوبده وقفده غله موجود اولماسه اوصورتلرده سکنانک
مشروط لهی اول منزلی کندی مالندن تعمیر ایدر

مشروط لهک تعمیره اقتداریه اولمدیغی و یا خود اولوبده
تعمیردن امتناع ایتدیکی تقدیرجه اول منزل رأی حاکم و معرفت

متولی ایله اجر تنه محسوباً تعمیر ایتک اوزره آخره ایجار اولنور
 ۴۱۳ (مسئله)

غله سی اولاده مشروط اولان وقف عتقار خراب اولوب
 تعمیره محتاج اولدقده متولی حاصل اولان غله یی تعمیره صرف
 ایتک استدکده اولاد راضی اولیوب غله یی بینمزده اقتسام
 ایدرز دیه منزلر

فصل ثانی

وقف عرصه اوزرینه انشا اولان ابنیه یه دائردر

۴۱۴ (مسئله)

بر وقفك متولیسى اول وقفدن اولان بر عرصه یه بنا احداث
 ایسه نظر اولنور

اكر اول بنایه مصروفی اولان مبالغ مال وقف ایسه كرك
 نفسیچون ویاخود وقف ایچون بنا ایتدیكنی حین بناده بیان
 واشهاد ایتسون و كرك ایتسون هر حالده بنا وقفك اولمش
 اولور

واكر مصروفی اولان مبالغ مال وقف اولیوبده كندی مالی
 ایسه اوصورتده حین بناده نفسیچون بنا ایتدیكنی بیان واشهاد
 ایتمش ایسه بنا كندوسنك مالی اولمش اولور

اما نفسیچون بنا ایتدیكنی حین بناده بیان واشهاد ایتیوب سكوت
 ایتمش ایسه اولحالده بنا وقفك اولمش اولور

شو قدر وار كه كندی مالیه بنا ایدن متولی واقفك كندوسی

ايسه حين بناده تفسيرچون بنا ايتديكنى بيان واشهاد ايتيوب
سكوت ايتسه بيله اول بنا كندوسنك مالى اولمش اولور
۴۱۵ (مسئله)

متمولى اولميان كيمسه كندى ماليله بر وقف عرصه يه بنا انشا
ايسه كرك حين بناده تفسيرچون انشا ايتديكنى بيان واشهاد
ايتسون وكرك سكوت ايتسون هر حالده اول بنا كندوسنك
مالى اولمش اولور

باب سادس عشر

استبدال وقف حقه در

۴۱۶ (مسئله)

بروقف عقارك استبدال اولنمى حقه در واقف طرفندن برشرط درميان
اولنماش ايسه اوصورتده اول عقارك استبدالى جائز دكلدر
فقط اول عقار وقف ايچون اصلا غله كتورمن وياخود كتورديكى
غله اولى عقارك خرجنه وفا ايتمز بر حاله كلوبده استبدالده
وقف ايچون مصاحبت متحقق اولور ايسه اوصورتده واقف
استبدالى صراحة نهى ايتمش اولسه بيله راي حاكم واذن
سلطاني ايله استبدال جائزدر [*] (۱۶۵) مسئله يه مراجعت اولنه

[*] اراده سنیه اولفكسزين وقف عقارك استبدالى اجرا اولنماشى
حقنه طقوز يوز اللهى بر تاريخنده شيخ الاسلام اسبق ابوالسعود
افندى مرحومك عرض وتلخيصى 'وزرينه فرمان هايون مشرفصادر اولمشدر.
بناء عليه عتبه كردون مرتبه ملوكانه يه عرض ايتكسزين وقف عقارده
خود بخود استبدالك اجرا سندن حكام ممنوعلردر .

۴۱۷ (مسئله)

بدل التهجق ملك عقارك محل وموقعى وقف عقارك محل
وموقعندن شرف ورغبته دون اولماق شرطدر
بناءً عليه ملك عقارك موقعى شرفجه وقف عقارك موقعنه
يامساوى ويا اندن اعلى اولمليدر

دون اولور ايسه استبدال صحيح اولماز
مثلا ديوان يولنده اولان بر وقف عقارى قاسم پاشا ويا خود
يكي بغيره ده اولان ملك بر عقار ايله استبدال ايتك صحيح اولماز
هر نه قدر قاسم پاشا ويا يكي بغيره ده اولان ملك عقار ديوان
يولنده اولان وقف عقاردن دها بيوك وغلهسى دها زياده
ايسه ده

۴۱۸ (مسئله)

ملك عقار ايله وقف عقارك بر بلده ده اولملى استبدال ك صحته
شرط دكلدر

بناءً عليه بر بلده ده اولان وقف عقارى ديكر بلده ده اولان ملك
عقار ايله استبدال ايتك صحيح اولور
مثلا استانبولده اولان بروقف عقارى ازميرده اولوب موقعجه
اندن زياده شرف و قيمتلى اولان ملك عقار ايله استبدال ايتك
صحيح اولور

۴۱۹ (مسئله)

وقف عقارك نقود ايله استبدالى جائزدر

۴۲۰ (مسئله)

استبدال مسجلک نقضی جائز اوله من
شویله که بر وقفک شرائط استبدالی موجود اولدینی حالد
اذن حاکم و امر سلطانی ورأی متولی ایله استبدال اولوب بمده
لدی المرافعه حاکم اول استبدالک صحت ولزومیله حکم ایتدکدن
صکره ارتق اول استبدالک نقضی جائز اوله من

باب سابع عشر

وقفه متعلق دعاوی اولوب ایکی فصلی حاویدر

فصل اول

مسموع اولوب اولیان دعوالره دائردر

۴۲۱ (مسئله)

اجارینلو عقارات موقوفهده بدل فراغ دعواسی استماع اولنور
(۲۲۳) مسئلهیه مراجعت اولنه

۴۲۲ (مسئله)

بر واقفک ذریتندن ویا قرابتندن اولدینغی دعوی ایدن کیمسه
واقف ایله کندی بیننده اولان وسائطی بیان ایتک لازمدر
بیان ایده مدیکی تقدیرده دعواسی مسموع اولماز

۴۲۳ (مسئله)

واقفک ذریتنه مشروطه بر تولیت منحل اولدقده بر کیمسه ظهور

ایدوب بن واقفك ذریتمندم دیو تولیت مذکورہ فی دعوی
ایدوب لکن واقف ایلہ کندی بینندہ اولان وسائطی بیان
ایده ماسہ دعواسی مسموع اولماز

شویله کہ او کیسه مثلا بنم بابام فلان انك بابای فلان انك باباسی واقف
فلان اولوب اولوجهله بن واقفك ذریتمندم دیو کند و ایلہ واقف
بینندہ اولان واسطه نك اسملرینی تعداد و بیان و سلسله نسب
واقفه ایصال ایتمه دجہ دعواسی مسموع اولماز

شوقدر وارکہ واقفك ذریتمند اولدیغی ثابت اولان کیسه نك
نسبندن و یا قرابتند اولدیغی دعوی اولندیغی تقدیرده واقفه
قدر اولان وسائطك بیانی لازم دکلدر

مثلا بروقف قدیمك تولیتی واقفك ذریتمه و بعد الانقرض بر
مکتبك معلمنه مشروطه اولوب تولیت مذکورہ واقفك
ذریتمند اولدیغی ثابت اولان کیسه متصرف ایکن وفات
ایتد کده ذریت واقفك منقرض اولمق زعمیلہ اول مکتبك معلمی
تولیت مذکورہ فی ضبط ایدوب بعده دیگر کمنه ظهور ایدرك
بن متوفای مزبورك اوغلی اولوب اولوجهله واقفك ذریتمندم
دیو دعوی و متوفای مزبورك اوغلی اولدیغی اثبات ایدوب
تولیت مذکورہ فی ضبط ایتك استد کده مکتب مزبور معلمی اول
کیسه یه واقف یله کندی بینندہ اولان وسائطی بیان و اثبات
ایتمدجہ تولیت مذکورہ دن کف ید ایتم دیه من

کذاک تولیتی واقفك اولادینه و اولاد اولادینه مشروطه وقفك

تولیتته واقفك اولادندن اولدینی ثابت اولان برکیمسه متصرف
ایکن دیگر کمنه ظهور ایدوب بن سنك لابوین قرنداشك اوغلی
اولوب اولوجهله واقفك اولاد اولادندیم دیو دعوی ووجه
شرعی اوزره اثبات ایدوب تولیت مذکورهدن اول کیمسه یه
مشارك اولمق استمدکده اول کیمسه مدعی یه واقف ایله کندک
بیننده اولان وسائطی بیان واثبات ایت والاتولیتته سنی مداخله
ایتدیرم دیه من

کذا تولیت ویاغله سی واقفك اولادینه واولاد اولادینه مشروطه
وقفك تولیتته مثلاً بطن خامسده اولاد اولاد واقفدن اولدینی
ثابت اولان کیمسه متصرف ایکن دیگر کمنه ظهور ایدوب
بندخی سنك عمی زادهك اولوب اولوجهله ساكه بطن
ودرجهده مساوی اولاد اولاد واقفندیم دیو دعوی ومدعی
علیهك عمزاده سی اولدینی اثبات ایتدیکی صورتده تولیت
ویاغلهده اکا مشارك اولور

بوصورتده دخی مدعی یه واقف ایله کندی بیننده اولان وسائطی
بیان واثبات ایتک لازم دکدر

۴۲۴ (مسئله)

وقف دعواسنده واقفك اسمی بیان شرط دکدر
شویله که برحکلك وقف اولدینی دعوی اولنوبده واقفك اسمی
بیان اولنماسه بیله دعوی صحیح اولوب استماع اولنور

۴۲۵ (مسئله)

برکیمسه اجارتین ایله تصرفنده اولان وقف عقاری اذن متولی

ايله صورت قطعيه ده آخره فارغ اولدقدنصكره فراغ مذكور
استغلال اولمق اوزره مفروغ له ايله بينمزده عقد مواضعه ايدوب
بعده حضور متولیده قطعی صورتده فراغی تقریر ایتشدم دیو
مفروغ لهدن انكارينه مقارن دعوی ایدوبده مفروغ لهك امضا
ویاختمنی حاوی ومواضعه یی ناطق برسند ابراز ایدرایسه
دعواسی استماع اولتور

اماوجه مشروح اوزره ابراز ایدمدیکی تقدیرجه حکام دعوی
مذ كوره نك استماعندن با اراده سنيه ممنوعدر

بناء علیه حاكم دعوی مذ كوره یی بلاسند استماع وفراغ مذ كورك
استغلال اولدیغنه مدعی طرفندن اقامه اولنان شهودی قبول
ایدرك فراغك استغلال اولدیغنه حکم ایلسه حکمی نافذ اولماز
(مسئله) ۴۲۶

یرکیمسه اجارتین ايله تصرفنده اولان وقف عقاری باذن متولی
صورت قطعیه ده فارغ اولوب قطعی اولمق اوزره سندی تحریر
اولدقدنصكره اوکیمسه بن اول عقاری اولنجهیه دکین کوروب
کوزتمك شرطيله مجانا فارغ اولمشدم شمندی بر موجب شرط
مذ كور بنی کوروب کوزتمدیكك جهتله اول عقاری سندن
استرداد ایدرم دیو مفروغ لهك انكارينه مقارن دعوی ایلسه
دعوی مذ كوره یی استماعندن حکام با اراده سنيه ممنوعدر [*]

[*] اشو ممنوعیتك اراده سنيه سی بيك ايكیوز طمسان التی سنه سی
رجب الفردینك یکر می سنکزی تاریخيله شرفصاذر اولمشدر

بناءً عليه حاكم دعوى مذكوره يي استماع وموجبته اول
عقار ك مدعى به رديله حكم ايلسه حكمى نافذ اولماز

۴۲۷ (مسئله)

برکیمسه اجارتین ايله تصرفنده اولان برعقارى اذن متولى ايله
آخره فراغ ايدوب بعده حضور حاکمه کيدوب بن اول عقارى
باذن متولى فراغ صحيح ايله فارغ اولدم ديواقرار ايدوب حاکم
دخی استحکاماً مفروغله يدينه برقطعه حجت ويردکن نصکره فارغ
دونوب بن اول عقارى شومقوله شرط مفسد ايله فراغ
ايتشيدم ديو مفروغ لهدن دعوى ايلسه دعواسى استماع قانماز

۴۲۸ (مسئله)

برکیمسه بالاجارتین تصرفنده اولان برعقارى اذن متولى ايله
ديکر کیمسنه يه فارغ اولدقن نصکره اوکیمسه بن اول عقارى نام
مستعار اوله رق مواضعه سکافارغ اولمشيدم ديوانکاره مقارن
دعوى وبروجه محرر مواضعه يي ناطق مفروغ لهک امضا ويا
ختمنى حاوى شايان قبول برسند ابراز ايلسه دعواسى استماع
اولنور

فارغ وفات ايدوبده اصحاب انتقالدن اولان ورثهسى بروجه
مشروح دعوى وسند ابراز ايلسه دعواسى مسموع اولور
کذلك مفروغله وفات ايدوبده اول عقارى مفروغلهک اصحاب
انتقالدن اولان ورثهسى ضبط ايلسه فارغ مفروغلهک امضا
ويا ختمنى حاوى برسند ابراز ايدرك مفروغلهک ورثهسندن
دعوى ايلسه استماع اولنور

هم فارغ هم مفروغله اصحاب انتقالدن اولان ورثه لرینی ترک ایدرک وفات ایتسه لر فارغک ورثه سی مفروغله ک ورثه سنندن بروجه مشروح برسند ابراز ایدرک دعوی ایلسه استماع اولانور امامفروغله اصحاب انتقالدن اصلا وارثی اولمادیغی حالده وفات ایدوبده اول عقار محلولاً وقفی طرفنه عائد اولدقدنصکره فارغ بروجه مشروح برسند ابراز ایتسه بیلکه مواضعه دعواسی استماع قانماز

۴۲۹ (مسئله)

برکیمسه بروقف عقاری اجارترین ایله متولیسندن استیجار و تفوض ایتدکدنصکره اول عقار قبل الاستیجار ملککم ایدی دیو دعوی ایلسه مسموع اولماز

۴۳۰ (مسئله)

برکیمسه تصرفنده اولان برعقار ایچون فلان وقفندردیو اول وقفک متولیسنه اول عقار ایچون برمدت اجرت ویردکدنصکره اول عقار بنم ملکمندردیو دعوی ایلسه مسموع اولماز

۴۳۱ (مسئله)

برکیمسه اجارترین ایله تصرفنده اولان وقف عقاری شوقدر اقیچه بدل مقابله سننده دیگر کمنه به اذن متولی ایله فراغ و بدل مذکوری تماماً قبض ایلدیکنی اقرار ایتدکدنصکره مفروغله لدن بدل دعوی ایلسه مسموع اولماز

۴۳۲ (مسئله)

برمتوفانک اولادی برعقاری بابامزدن موروث ملکمزدردیو

بر کیمسه یم ثمن معلوم مقابانده بیع و تسلیم ایتد کدن صکره (اول
عقار فلان وقف مستغلاتندن اوله رق حیاتنده بابامزك بالا جارتین
تصرفنده ایدی بعد وفاته عادیاً بزه انتقال ایلدی بئاعایه اول
عقاری مالکیت اوزره بیعمن صحیح دکلر) دیو دعوی ایلسه لر
مسموع اولماز

۴۳۳ (مسئله)

بر کیمسه متولی اولدقده مال وقفدن مقبوضم شوقدر مباغدر دیو
اقرار ایدوب بعد بر مدت مرورنده محاسبه سی کورلدکنده
اولقدر مباغ مقبوضم اولمیوب مقدماً کاذباً اقرار ایتشیدم دیو
دعوی ایلسه مسموع اولماز

۴۳۴ (مسئله)

بر کیمسه اجارتین ایله تصرفنده اولان وقف عقاری اذن متولیه
آخره فراغ ایدوب اول عصاره متعلق دعوان مفروغ لهک
ذمتی ابرا ایتد کدن صکره بن اول عقاری فراغ بالوفا ایله فراغ
ایتشیدم دیو مفروغ لهدن دعوی ایلسه مسموع اولماز

فصل ثانی

مرور زمانه دائردر

۴۳۵ (مسئله)

اصل وقفه متعلق دعوالرده مرور زمانك مدتی اوتوز التی

سنه در

بناءً عاياه اوتوزالتى سنه بلاعذر ترك اولئش اولان اصل وقف
دعواسى استماع قلمناز

مثلاً برکیمسه بر عقارى بروقفك متوليسى مواجهه سنده اوتوزالتى
سنه بروجه ملکیت متصرف اولوب متولى بومدته بلاعذر
سکوت ایتیشیکن حالا متولى اول عقار سنین مرقومه دن مقدم
متوليسى اولدیغم وقفك مستغلاتندردر دیودعوى ایلمسه استماع قلمناز
کذلک بروقفك متوليسى بر عقارى اول وقفك مستغلاتندن اولمغی
اوزره دیگر وقفك متوليسى مواجهه سنده اوتوزالتى سنه مدت
ایجار ایدوب وقف ثانی متوليسى بومدته بلاعذر سکوت ایتیشیکن
حالا اول عقار اوتوزالتى سنه اقدم بنم متولى اولدیغم وقفك
مستغلاتندردر دیو وقف اول متولیسندن دعوى ایلمسه استماع قلمناز
کذا بر مزرعه یه اراضی امیریهدن اولمق اوزره بروقفك
متوليسى مواجهه سنده اوتوزالتى سنه مدت تصرف اولوب
اول وقفك متوليسى بومدته بلاعذر سکوت ایتدکنصکره اول
مزرعه سنین مذ کوره دن مقدم متوليسى اولدیغم وقفك مستغلاتندن
ایدی دیو صاحب ارض حضورنده دعوى ایلمسه دعواسى
استماع قلمناز

کذلک بروقف نقودك متوليسى دیگر کیمسه ایله بر بلده اوتوز
آلتی سنه ساکن اولوب متولى مدت مذ کوره ده او کیمسه دن
نسبه دعوا یتیموب بلاعذر سکوت ایتیشیکن حالا متولى سنین
مرقومه دن مقدم وقف مزبورك نقودندن ذمتکده شوقدر غروش

وارد ديوانكارينه مقارن او كيمسه دن دعوى ايلسه استماع قلماز
(۴۳۶) مسئله

بطناً بعد بطن اولاده مشروط وقف حقه ده مرور زمانك
مبدئي بطن اولك انقراضى تاريخندن معتبر اولور
مثلاً توليت و غله سى بطناً بعد بطن واقفك اولادينه مشروطه
وقف عقارى بطن اولده اولاددن برى آخره بيع و تسليم
ايدوب مشترى دخى اول عقاره اوتوز بش سنه مقدارى
وضع يد و تصرف ايتد كند نص كره بطن اول بالكلية منقرض
اولمغله بطن ثانيده بولنان اولاد متولى اولوب برسنه مرورنده
اول عقارى وقف اولمق اوزره مشتریدن دعواى ايلسلر مسموع
اولور

چونكه بطن اولك انقراض نندن صكره انجق بر سنه مرور
ايتشد

اندن اول كچن مدت مرور زمان مدينه محسوب ايدلمز
كذلك واقفك بطناً بعد بطن اولادينه و اولاد اولادينه مشروط
بر توليتى اجابدن بر كيمسه واقفك بطن اولده اولادى مواجهه
لرنده اون درت سنه ضبط ايدوب بعده بطن اول منقرض
اولمغله بطن ثانيده بولنان اولاد برسنه مرورنده توليت مذكوره بى
او كيمسه دن دعواى ايتد كلرنده او كيمسه مجرد اون بش سنه
مرور ايتمكه دعوا كز مسموع اولماز ديو مدعيلرك دعواسنى
منع ايددمز

۴۳۷ (مسئله)

عقارات موقوفه‌نك تصرفه متعلق دعوالرده مرور زمانك مدتی اون بش سنه‌در

بناء علیه اون بش سنه بلا عذر ترك اولمش اولان تصرف دعواسی استماع قلناز

مثلا برکیمسه بروقف عقاره دیگر کمسه مواجهه سنده اون بش سنه بالاجارتین تصرف ایدوب ذکر اونان مدتده او کمسه بلا عذر سکوت ایتدکنصکره حالا اول عقار مدت مذکوردهن اقدام بالاجارتین بنم تصرفده در دیودعوی ایلسه مسموع اولماز کذلک ایکی کیمسه اجارتینلو بروقف عقاره اون بش سنه علی الاشتراك تصرف ایدوب بو مدتده یکدیگرنندن نسنه دعوی ایتامشیکن حالا انلردن بری اول عقار سنین مذکوردهن مقدم مستقلا اجارتین ایله بنم تصرفده ایدی دیو دیگرندن دعوی ایلسه دعواسی استماع قلناز

کذلک برکیمسه بروقف عقاری اول وقفك متولسی حضورنده اون بش سنه مدت اجارتین ضرورتیه ضبط و تصرف ایدوب بو مدتده متولی بلا عذر سکوت ایتامشیکن اول عقار طرف وقفندن سکالیحجار اولمیوب سن اول عقاری فضولاً ضبط ایدرسن دیو او کیمسه دن دعوی ایلسه مسموع اولماز

۴۳۸ (مسئله)

نقود موقوفه‌نك اصله متعلق دعوالرده مرور زمانك مدتی اوتوز اتی سنه‌در

اما ربحنه متعلق دعوالرده مرور زمانك مدتی اونی بش سنه در
 ۴۳۹ (مسئله)

فارغ ایله مفروغ لهك مدت تصرفلری بر برینه ضم وعلاوه
 ایدیلور

شویله که مستغلات موقوفه دن بر عقاری بر مدت فارغ و بر مدت
 مفروغ له تصرف ایدوبده بو ایکی مدتک مجموعی مرور زمان
 حدینه بالغ اولسه اومد تلرده بلاعذر ترك دعوی ایتش اولان
 مدعینك دعواسی استماع قائمماز

مثلا بر کیمسه مستغلات موقوفه دن بر عقاری دیگر کمنه
 مواجهه سنده اونی بش سنه مدت بالاجارتین ضبط وتصرف
 وبعده آخره فراغ ایدوب مفروغ له دخی اول عقاری بش سنه
 مدت او کمنه مواجهه سنده تصرف ایدوب بو ایکی مدته
 او کمنه بلاعذر سکوت ایتشیکن حالا او کمنه اول عقار سنین
 مذکورده دن مقدم تاریخیله بالاجارتین بنم تصرف دده در
 دیو دعوی ایلسه بو دعواده مرور زمان بولمسیغندن استماع
 قائمماز

۴۴۰ (مسئله)

منتقل منه ایله منتقل الیهك مدت تصرفلری بر برینه ضم وعلاوه
 ایدیلور

شویله که بر کیمسه اجارتین ایله وقف عقاره بر مدت تصرف
 ایتد کدنصکره وفات ایدوب اول عقاری بر مدت دخی انتقال
 عادی په بناء متوفانك اصحاب انتقالدن اولان ورثه سی اجارتین

ایله ضبط و تصرف ایدوب بو ایکی مدتک مجموعی مرور زمان حدینه بالغ اولسه اومتلرده بلا عذر سکوت ایتیش اولان مدعینک دعواسی استماع قلمناز

۴۴۱ (مسئله)

مدعی علیهک تالی ادعا ایله سی مدعینک دعواسنده اولان مرور زمانی دفع ایتماز

مثلاً برکیمسه بروقف عقاری دیگرکسنه مواجهه نده بلانزاع اون بش سنه بالاجارتین تصرف اولوب بعده او کسنه اول عقاری سنین مذکورده دن مقدم بنم تصرفنده ایدی سن غصباً ضبط ایدرسن دیو دعوی ایتدکده او کیمسه دخی فی الحقیقه اول عقار مقدماً بالاجارتین سنک تصرفنده ایدی لیکن اول عقاری اون بش سنه اقدام باذن متولی قطعاً بکا فراغ ایتشیدک دیسه مدعینک دعواسنده اولان مرور زمان منافع اولماز

بناء علیه او کیمسه نک تالی مدعانه یئنه طاب اولنیوب بلا یئنه اول عقار آنک یدنده ابقا اولنور

۴۴۲ (مسئله)

برکیمسه بر عقاری اوتوز التی سندن زیاده بر مدت تصرف ایتدکدنصکره بر وقفک متوالیسی اول عقار متوالیسی اولدیغم وقفک مستغلاتندن اولوب مدت مذکورده سکا یجار ایتشیدم دیو دعوی ایتدکده او کیمسه دخی اول عقار بنم ملکمدر دیو متولینک دعواسنی انکار ایله نظر اولنور

اگر مدت مذکورده طرف وقفدن او کیمسه په ایجار اولندیغی

بين الناس معروف ومشهور ايسه متولينك دعواسى استماع
اولنور

واكر معروف ومشهور دكل ايسه او صورتده استماع اولماز
۴۴۳ (مسئله)

دعوانك استماعنه مانع اولان مرور زمان مدتلك بلا دعوى
چشمش اولمى شرطدر

بناء عليه بر كيمسه بر خصوصى آراقده حضور حاكمده ديكر
كمنه دن دعوى ايدوب ليكن دعوالرى فصل اولنه ميوب
بووجهله مرور زمان بوانسه او مرور زمان دعوانك استماعنه
مانع اولماز

شوقدر واركه هر ايكي دعوى بيننه تخال ايدن مدت مرور
زمان حدينه بالغ اولمايدير

مدت متخلله مرور زمان حدينه بالغ اولور ايسه دعوى استماع
قانماز

مثلا بر كيمسه ديكر كمنه دن بوندن اقدام بالا جاريين تصرفي كده
اولان فلان وقف عقارى بر سنه اول اذن متولى ايله بكافراغ
ايتشيدك تسام ايت ديو او كمنه دنك افكارينه مقارن حضور
حاكمده دعوى ايدوب ليكن دعواسى فصل اولنه ميوب بعده
اون سنه مرورنده ينه خصوص مذكوري حضور حاكمده
دعوى ايدوب كالاول فضل دعوى اولنه ميوب بو حال اوزره
يدى سنه ده مرور ايتدك دفعكره حالا خصوص مذكوري
دعوى اياسه دعواسى مستنوع اولور

اما صورت مذکورده انك اوليكى دعوان اون بش سنه مرور
ايتد كد نصكره دعوى ايا سنه دعويين بيننده كذاران ايدن مدت
مرور زمان حدينه بالغ اولدينى جهته مسموع اولماز .

۴۴۴ (مسئله)

جهل مرور زمانده اعذار معتبره دن دكلدر
مثلا بر كيمسه ديكر بر كه سنه مواجهه سنده بروقفك توليته اون
اون بش سنه متصرف اولوب او كه سنه اومتده بلا عذر سكوت
ايتد كد نصكره حال سنين مذكورده دن مقدم شرط وقف موجب
اول توليته بن مستحق ايدم لكن شمدى يه دكين شرط واقف
مجهولم نواندينى جهته دعوى ايدم ماش ايدم شمدى ايسه
شرط واقفه اطلاع كسب ايتد يكمدن دعوى ايدم ديسه دعواسى
استماع اولماز

۴۴۵ (مسئله)

بروقف متوايسنك اول وقف عاينده وقوعبولان اقرارى
صحيح و نافذ اولماز
بناء عليه متولينك وقف عاينه وقوعبولان اقراريه مرور
زمان منافع اولماز

شويله كه بروقفك متوايسى بر عقارى اول وقفك مستغلاتندن
اولمق اوزره ديكر كيمسه مواجهه سنده اون بش سنه ضبط
وتصرف ايدوب او كيمسه اومتده بلا عذر سكوت ايتد كد نصكره
اول عمار سنين مذكورده دن مقدم تاريخ ايله بنم ملكمدر ديو
دعوى ومتولى دخى اول عمار آنك ملكى اولدينى اقرار

ايلسه مدعينك دعواسنده اولان مرور زمان مندفع اولماز
 بناءً عليه مدعينك دعواى مذكوره سى استماع قانماز .
 كذاك بروقفك متوايسى برعقارى اول وقفك مستغلاتندن
 اولمق اوزره ديكر وقفك متوايسى مواجهه سنده اوتوز اتى سنه
 مدت ضبط وتصرف ايدوب وقف ثانى متوايسى بومدته بلا
 عذر سكرت ايتشيكن حالا اول عقار متوايسى اولديغ وقفك
 مستغلاتندردىو وقف اول متوايسندن دعوى ايتدكده وقف
 اول متوايسى دخی اول عقار وقف ثانى مستغلاتندن اولديغنى
 اقرار ايلسه وقف ثانى متوايسنك دعواسنده اولان مرور زمان
 مندفع اولماز

بناءً عليه وقف ثانى متوايسنك دعواى مذكوره سى استماع
 قانماز

۴۴۶ (مسئله)

ربح و غله وقف حقه مرور زمانك مدتی اون بش سنه در
 بناءً عليه اون بش سنه بلاعذر متولى وقف طرفندن ترك اولنمش
 اولان ربح و غله دعواسى مسموع اولماز

۴۴۷ (مسئله)

تخصیصات قیامندن اولان اراضی موقوفه نك تصرفنه متعلق
 دعوالرده مرور زمانك مدتی اون سنه در .
 اما رقبه سنه متعلق دعوالرده اوتوز اتى سنه در .

۴۴۸ (مسئله)

مرور زمانده معتبر اولان سنه سنه قمریه در

یوقسه سنه شمسیه دکلدر
بناء علیه مرور زمان مدتی سنه قریه دن حساب ایدلمک لازم
کاور

۴۴۹ (مسئله)

منافعی عمومه عائد ومشروط اولان مؤسسات خیریه دعوالرنده
مرور زمان جاری اولماز

باب ثامن عشر

خصم اولوب اولیانلره دائردر

۴۵۰ (مسئله)

اجارتینلو عقارات موقوفه نك كرك رقبه وكرك تصرف عادیسنه
متعاق هر نوع دعوا ده متولی وقفك حضوری شرطدر
اول عقارك مستأجری كرك مدعی بولانسون وكرك مدعی علیه
بولانسون

فقط اجارتینلو بروقف عقار غصب اولنسه انی غاصبدن مستأجر
دعوی ایده بیلور متولینك حضوری شرط دکلدر
مثلا برکیمسه دیگر کسنه نك یدنده اولان برعقاری فلان وقفك
مستغلاتدن اولمق اوزره بالاجارتین بنم تصرفده در دیودعوی
ایلسه بو دعوانك صحتنده اول وقفك متوالیسی حاضر بولمق
شرطدر

كذلك بر وقفك مستغلاتدن اولمق اوزره اجارتین صورتیه

بر کیمسه نك يدنده اولان بر عقار ایچون دیگر کیمسه اول عقار
مالکمدرد و یاخود بالاجارتین بنم تصرفده در دیو متولی وقف
حاضر اولیه رق یا لکیز اول کیمسه دن دعوی ایاسه دعواسی
صحیح اولماز

بناءً علیه حاکم صور مشروحده بالا حضور المتولی دعوی
منذ کوره بی استماع و حکم ایتسه حکمی نافذ اولماز
اما بر کیمسه دیگر کیمسه نك يدنده اولان اجارتینلو بروقف عقار
ایچون اول عقار بالاجارتین بنم تصرفده ایکن سن اول عقاری
غصباً ضبط ایتدک دیو متولی وقف حاضر اولیه رق او کیمسه دن
دعوی ایاسه دعواسی استماع قانور

۴۵۱ (مسئله)

مدعابه اولان وقف عقار بر قاج وقف ایله مخلوط بولنسه اول
وقفلرک جمله سنک متوالیری حاضر بولنق شرط اولوب بعضی سنک
حضور ی کافی دکلدر

۴۵۲ (مسئله)

عرضه سی منقطعهلو وقف و ابنیه و اشجار کبی مشتملاتی ملک
اولان عقارک مشتملاتنه متعلق دعواده متولی وقفک حضوری
شرط دکلدر

اما عرضه سنه متعلق دعواده متولی وقفک حضوری شرطدر
۴۵۳ (مسئله)

بر کیمسه اجارتین ایله تصرفده اولان وقف عقاری آخر دایجار

ایدوبده آندنطولایی مستأجر دن اجاره مجتمعه دعوی ایلسه
بو دعواده متولی وقفك حضوری شرط دکلدر
۴۵۴ (مسئله)

بدل فراغ دعواسنده متولینك حضوری شرط دکلدر
شویله که برکیمسه دیگر کسنه دن مستغلات موقوفه دن بالاجارتین
تصرفده اولوب با اذن متولی سکا فراغ ایتمش اولدیغم فالان
عقار بدلندن ذمتکده شو قدر مبالغ الاجم واردر دیو دعوی
ایلسه متولینك حضوری شرط دکلدر
۴۵۵ (مسئله)

آیرو آیرو وقفلردن بربرینه متصل ایکی باب اجارتینلو عقارک
متصرفلردن بریبی دیگرندن کندی تصرفده اولان عقاره
تجاوزایلدیکنی دعوی ایتدکده اول وقفلردن هر برینك متوالیسی
حاضر بولنق شرطدر
۴۵۶ (مسئله)

برکیمسه دیگر کسنه نك اجارتین ایله تصرفده اولان وقف عقاری
بر مدت غصباً ضبط ایلسه اومدته غاصب اوزرینه لازم کلان
اجر مثلی دعواده خصم متولی وقفدر
یوقسه بالاجارتین مستأجر دکلدر
مکر متولی دعوای مذکورده مستأجری توکیل ایتمش اوله
۴۵۷ (مسئله)

واقفی برذات اولان وقفك مشروط لهلری منفعت مشروطیه
متعاق دعواده کرك مدعی اولسون وکرك مدعی علیه اولسون

انلردن بریسی سائری طرفندن خصم اوله بیلور

۴۵۸ (مسئله)

اشترک و مشروطیت اوزره بر قاج کشینک متصرف اولدقلری
تولیتیه دیگر بر کیمسه استحقاق دعوی ایلسه توایت متصرفلرندن
یالکیز بری مدعییه خصم اولوب دیگر لرینک حضوری شرط
دکلدر

بناءً عایه برینک عایهنده لاحق اولان حکم سائرینه دخی
سرایت ایدر

فقط حکم واقعک سائر ورثیه سرایتی مدعینک دعواسی نابت
اولسی شرطیله مشروطدر

مثلاً تولیتی واقفک اولادینه مشروطه وقفک تولیتیه واقفک اولاد
اولادندن بر قاج کشیلر متصرفلر ایکن دیگر بر کیمسه ظهور
ایدوب بن دخی واقفک اولاد اولادندیم دیو توایت متصرفلرندن
یالکیز بری مواجهه سنده دعوی و مدعاسنی بالینه اثبات ایدوب
موجببنجه حکم اولسه بو حکم سائر متصرفلره دخی سرایت ایدر
کذلک تولیتی بطناً بعد بطن ذریت واقفه مشروطه اولان
وقفک تولیتیه بطن نانیده اولان اولاد واقفیدن بر قاج کشی
متصرفلر ایکن دیگر بر کیمسه ظهور ایدوب بطن اولده واقفک
اولادندیم دیو تولیت متصرفلرینک یالکیز بری مواجهه سنده
دعوی و مدعاسنی وجه شرعی اوزره اثبات ایدوب حکم
اولسه بو حکم سائر متصرفلره دخی سرایت ایدر

بناءً عایه بوصورته تولیت متصرفلرک جمله سندن رفع اولنه رق

مدعی به توجیه اولنور

۴۵۹ (مسئله)

بروقفك تولیقي منحل اولوب شرط واقف موجبنجه اول تولیتك
هنوز مشروط لهی متعین اولمامله ایکی کیمسه دن هربری
تولیت مذکوریه کندوسنك مستحق اولدیغنی دعوی ایسه
آنلردن بری آخره خصم اوله من

بناء علیه انلره خصم اولمق اوزره طرف حاکدن اول وقفه
بر قائم مقام نصب اولنهرق قائم مقام مواجهه سنده دعوی ایدرلر
۴۶۰ (مسئله)

سکنا ویا غله سی مشروطه اولان عقارات موقوفه یی دعواده
خصم متولی وقفدر

یوقسه سکنا ویا غله نك مشروط لهی دکلدر

مثلا برکیمسه دیگر کسنه دنده اولان بر خانیه یی سکنا ویا خود
غله سی بکا مشروطه وقفدر دیو دعوی ایدوبده اول وقفك
تولیقي مدعی عهد سنده اولمدیغنی حالده مجرد مشروط له اولمغله

دعواسی استماع قلنماز

فقط حاکم مشروط لهی دعوایه مآذون قیلهرق آنك خصوصتئی
رأی ایدر ایسه اوصورتده مشروط له دخی خصم اوله بیلور

۴۶۱ (مسئله)

منافعی عمومه عائد ومشروط اولان مؤسسات خیریه یی دعواده
عامه دن بری خصم اوله بیلور

باب تاسع عشر

وقف حقنده شهادته دائر اولوب اوچ فصلی

حاویدر

فصل اول

مقبول اولوب اولیان شهادت حقنده در

۴۶۲ (مسئله)

اصل وقف حقنده وقفك لهنه مرتزقه سنك شهادتی مقبولدر
مثلا بر وقف نقودك متولیسى بر کیمسه دن اصل مال وقفدن
ذمتکده شوقدر اچقه واردر دیو دعوی ایتدکده اول وقفك
مرتزقه سنندن بعض کمنه لر متولینك مدعانه شهادت ایلسه لر
قبول اولنور

کذلك بر وقفك متولیسى دیگر کیمسه نك یدنده اولان بر عقار
ایچون اول وقفك مستغلاتسنددر دیو دعوی و ذوالیه دخی
ملکمدردیو متولینك دعواسنی انکار ایتدکده متولینك مدعانه
اول وقفك مرتزقه سنندن بعض کمنه لر شهادت ایلسه لر قبول
اولنور

۴۶۳ (مسئله)

وقفه متعلق بر دعواده متولی یه شهود اقامه سی لازم کلدکده
متولی شاهدم یوقدر دیدکدنصکره شاعداقاده ایلسه قبول

اولنور (۳۳۴) مسئله يه مراجعت اولنه

۴۶۴ (مسئله)

ربح و غله وقف حتمدن وقفك ايمنه مرتزقه سـنك شهادتي مقبول دكلدر

مثلا بر وقف نقودك متواليسي ديكر كيمسه دن نقود موقوفه دن سكا اقراض ايتمش اولديغم اچه ايچون اوزرينه وجه مشروع اوزره شوقدر اچه ربح الزام ايتشيدم ديو دعوى واو كيمسه دخي انكار ايتدكده متولينك مدعاسنه اول وقفك مرتزقه سنندن بعض كيمسه لر شهادت ايتسه لر قبول اولنماز

كذلك بر وقفك متواليسي ديكر كيمسه يه اول وقفك عقاراتندن فلان عقارى سكا ايجار ايتشيدم انك اجر تندن مجتمع ذمتكده شوقدر اچه واردر ديو دعوا واو كيمسه دخي انكار ايتدكده متولينك مدعاسنه اول وقفك مرتزقه سنندن بعض كيمسه لر شهادت ايلسه لر قبول اولنماز

۴۶۵ (مسئله)

بر محالك وقف قديم اولديغنه شهادت ايدن شاهدلر واقفك اسمنى بيان ايتماسه لر بيله شهادتلى قبول اولنور

۴۶۶ (مسئله)

بر كيمسه نك ذريت واقفدن اولديغنه شهادت ايدن شاهدلر او كيمسه ايله واقف بئنده اولان وسائلى بيان ايتك لازمدر بناء عليه شاهدلر بوجه محرر وسائلى بيان ايتيهرك او كيمسه نك

مطلقاً ذریت واقفدن اولدیغنه شهادت ایلسه لر شهادتلی قبول اولماز

شوقدروار که مدعی واقفک ذریتندن اولدیغی ثابت اولان بر شخصک ذریت ویا اقر باسندن اولدیغی دعوی ایلدیکی تقدیرده شاهد لر دخی بو وجه اوزره شهادت ایلسه بوشهادت کافی اولوب مدعی ایله واقف بیننده اولان وسائطی بیان ایتک لازم دکدر بوکا دائر تفصیلات (۴۲۳) مسئله ده مرور ایتمشه در اورایه مراجعت اولمه

استطراد

۴۶۷ (مسئله)

بر حاکم منفعتی کندویه مشروطه بروقفک کرک اصلی و کرک غله سی حقنده کندی لهنه حکمی نافذ اولماز
مثلاً غله سی بر بلده حاکمه مشروطه اولان وقفک متولیس اول بلده ده واقع دیگر کسه نه نک ملکیت اوزره یدنده اولان بر عقاری اول وقفک مسـتـغـلاـتـنـدـر دیو حاکم حقـتـورنـده اوکسـنـدن انـسـکـارینـه مقارن دعوی ومدعا نه انامه بینه ایدوبده موجبینجه او حاکم دخی حکم ایتسه حکمی نافذ اولماز
اول بلده ده بو مقوله خصوصات وقفیه نی استماعه مأذون دیگر حاکم واریسه انک حضورنده مرافعه لری اجرا اولنور
دیگر حاکم یوق ایسه مجله احکام عدایه نک ۱۸۰۹ نجی مادد سینه توفیقاً معامله اولنور

فصل ثانی

تسامعه شهادتہ دائرہ

(مسئلہ) ۴۶۸

ذوالیدک تصرفی اسباب ملکدن بر سبب شرعی یہ مستند اولمادچہ
اصل وقف حقندہ تسامعه شهادت قبول اولور
بو مقامہ اصل وقفدن مراد وقفہ متعلق اولوب صحت وقفک
موقوف علیہی برائبان شیلردر

مثلا بر کیمسہ نک پدندہ اولان بر عمار ایچون وقفک متولیس
اول وقفک مالیدر دیو دعوی و او کیمسہ دخی اسباب ملکدن
بر سبب بیان ایتیمہ رک اول عمار بنم ملکمدر دیو ملک مطابق
ادعا و بو وجهله متولینک دعواسنی انکار ایتدکده متولینک مدعا سنہ
بعض کیمسہ لر تسامعه شهادت ایلسہ لر قبول اولور

اما ذوی الیدک تصرفی شرا و ہبہ وارث کی اسباب ملکدن
بر سبب شرعی یہ مستند اولور ایسہ او صورتہ اصل وقف
حقندہ تسامعه شهادت قبول اولمویوب تہ سجیل وقفی اثبات
لازمدر

تسجیل حقندہ ایسہ تسامعه شهادت قبول اولنماز
مثلا بر کیمسہ بر عمار ایچون اشترا ایدرک ملکیت اوزرہ کا
متصرف ایکن بر وقفک متولیس اول عمار وقف مزبور
مسئلہ غلاتنددر دیو دعوی ایتدکده متولینک مدعا سنہ بعض

کیمسه لر تسامعه شهادت ایسه لر بو شهادت قبول اولماز
 ۴۶۹ (مسئله)

محض شروط وقف حقنده تسامعه شهادت قبول اولماز
 مثلا برجهته مشروطه اولق اوزره ضبط اولنه کلان بر عقارک
 حقنده واقفک اولاد و اولادندن بر کیمسه اول عقارک غله سی
 واقف اولادینه و اولاد اولادینه شرط ایتمشدر دیو دعوی
 ایتدکده مدعاسنه بعض کمنه لر تسامعه شهادت ایسه قبول
 اولماز

اما اول وقف خصم طرفندن انکار اونوبده اصعله سماعله
 شهادت ضمیمه شروط وقفه دخی سماعله شهادت ایسه لر
 قبول اولور

فصل ثالث

ترجیح بیناته دائر

۴۷۰ (مسئله)

صحت بینه سی مرض موت بینه سندن اولادر
 مثلا بر کیمسه ملک عقارینی وقف متولی یه تسایم ایدوب تسجیل
 شرعی ایتدیردکنصکره وفات ایدوب ثلث مساعده اولما غله
 ورنه سی مرض موتنده وقف ایتمشدی دیو دعوی و متولی
 وقف دخی صحتنده وقف ایتشیدی دیو دعوی ایدوب طرفیندن
 هر بری مدعاسنه بینه اقامه ایتسه متوالیک بینه سی ترجیح
 ایدیلور

كذلك اصحاب انتقالدن اصلا وارثي اولميان بر كي مسه اجارتي ايله
تصرفنده اولان وقف عقاري آخره با اذن متولي فراغ ايتد كدن
صكره وفات ايتد كده متولي فراغ مرض موتنده فراغ ايتمشيدي بناء
عليه فراغ صحيح اوليوب اول عقار محلولاً طرف وقفه عائددر
ديو دعوي ومفروغ له دخي صحتهنده فراغ ايتمشيدي بناء عليه
فراغ صحيحدر ديو دعوي ايدوب طرفين مدعالرينه اقامه بينه
ايتك استسهلر مفروغ لهك بينه سي ترجيح ايديلور

۴۷۱ (مسئله)

بر كي مسه اجاره ايله تصرفنده اولان وقف عرصه يه كندى ماليله
بنا احداث ايتد كدن صكره متولي سن بنم امرمله مصر و فك اجرت
محسوب اولق اوزره بنا ايتمشيدك ديو دعوي مستاجر دخي
نقسم ايچون بنا ايتمشيدم ديو دعوي ايدوب آنلردن هر برى
مدعاسنه اقامه بينه ايتك استسه متولينك بينه سي ترجيح اولنور

۴۷۲ (مسئله)

تقييد بينه سي اطلاق بينه سي اوزرينه ترجيح اولنور
شويله كه بر وقفك غله سنه واقفك بطن اولده اولان اولادى
متصرفلر ايكن واقفك بطن ثابده بولنان اولادى اول وقفك
غله سي واقفك مطلقا اولادينه و اولاد اولادينه مشروطه در ديو
دعوي و واقفك بطن اولده اولان اولادى غله مذكوره
واقفك بطناً بعد بطن اولادينه و اولاد اولادينه مشروطه در
ديو دعوي ايدوب طرفين مدعالرينه اقامه بينه ايتك استسهلر

بطن اولده بولنان اولادك بينه سی ترجیح اولنور
تولیت دخی غله کبدر

۴۷۳ (مسئله)

بر محله واقع اراضی ایچون بروقفك متولیس اول وقفك
اراضیسندنر دیو دعوی وصاحب ارض اراضی امیریهدنر
دیو دعوی ایدوب هر بری مدعاسنه اقامه بینه ایتك استسه
شهرت شایعه قنخی طرفده ایسه اول طرفك بینه سی ترجیح اولنور
شویله كه اول اراضینك وقفی حقده شهرت شایعه وار ایسه
متولینك بینه سی ترجیح اولنور

وبالعکس شهرت شایعه اول اراضینك اراضی امیریهدن
اولسند ایسه صاحب ارضك بینه سی ترجیح اولنور
هیچ بر طرفده شهرت شایعه یوق ایسه نظر اولنور
اكر اول اراضیه وضع ید طرف وقفده ایسه خارج اولان
صاحب ارضك بینه سی ترجیح اولنور
واكر وضع ید طرف بیت المالد ایسه خارج اولان متولینك
بینه سی ترجیح اولنور

۴۷۴ (مسئله)

وقف دعواسی ملك مطلق دعواسی قیامتدنر
بناء عایه ایکی وقفك متولیلندن هر بری بر ملك كندو وقفندن
اولدیغنی دعوی ایدوبده انلردن بری ذی الیه دیکری خارج
بولنسه خارجك بینه سی ترجیح اولنور

کذلك بر محلی بر کیمسه ملکمدردیو ملک مطلق دعواسی ایدوب
بروقفک متوالیسی دخی وقفدر دیو دعوی ایدوبده انلردن بری
ذی الید دیکری خارج بوانسه خارجک بینهسی ترجیح اولنور
شویله که اکر اول محل ملکیت دعوی ایدن کیمسه نک یدنده ایسه
متولینک بینهسی ترجیح اولنور

واکر متولینک یدنده ایسه ملکیت دعواسی ایدنک بینهسی
ترجیح اولنور
۴۷۵ (مسئله)

وقف مورخ دعواسنده تاریخی مقدم اولان طرفک بینهسی
راجحدرد

شویله که بر محل حقنده ایکی وقفک متوالیلرندن هر بری تاریخ
وقفی بیان ایدرک و ققیمت دعوی ایدوبده برینک تاریخی دیکرندن
مقدم اولسه تاریخی مقدم اولان متولینک بینهسی ترجیح اولنور

باب عشرين

متولی به یمین توجه ایدوب ایتیمان مواد حقندهدر

۴۷۶ (مسئله)

وقفه متعلق دعاویده کندی اوزرینه عقد ادعا اولنیمان متولی به
یمین توجه ایتمز

مثلا وقف اولمق اوزره متولی یدنده اولان بر عینی بر کیمسه
ملکمدردیو دعوی ایدوبده مدطاسنی اثبات ایده منزه متولی به
یمین ویردیره منزه

كذلك بروقف نقودك متواليسي ديكر كيّمسه دن سلفم اولان متولينك ادا نه سيّله وقفه شوقدر غروش دينك واردر ديو دعوى واول كيّمسه دخي بن مبلع مزبورى سلفك اولان متولى به زمان توليتنده تماماً ادا ايتشيدم ديو دفعه تصدى ايدوب لكن دفعنى اثبات ايدمه ماسه حالا متولى به يمين ويرديره من

كذا بر كيّمسه فلان وقفه شوقدر غروش دينم واردر ديو اقرار ايتد كدن صكره دونوب بنم اول وقفه اول قدر غروش دينم اوليوب كاذباً اقرار ايتشيدم ديو دعوى ايلسه اقرارنده كاذب اولدينى حقمده اول وقفك متواليسنه يمين ويرديره من

اما كندى اوزرينه عقد ادعا اولسان متولى به يمين توجه ايدر مثلاً بر وقفك مستغلاتندن اولق اوزره متواليسي يدنده اولان عقار حقمده بر كيّمسه اول عقارى مدت معلومه تماخنه دكين بكا ايجار ايتشدك تسليم ايت ديو متولينك انكارينه مقارن دعوى ايدوبده مدعاسنى اثبات ايدمه ماسه اول عقارى كندويه ايجار ايتديكنه متولى به يمين ويرديره بيلور

كذلك بر كيّمسه بروقفك متواليسندن اول وقفك لوازمي چون بندن شوقدر اشيا اشترا و قبض ايتشيدك ثمنى وير ديو دعوى و متولى افكار ايدوبده مدعاسنى اثبات ايدمه ماسه متولى به يمين ويرديره بيلور

كذلك بروقف عقارك مستأجرندن متواليسي اجرت مجمعه دعوى ايتد كده مستأجر اجرت مذكوره ينى تماماً سكا ادا و تسليم ايدوب ذمتمده نسنه قالمه شدر ديو متولينك انكارينه مقارن دفعه تصدى

ایدوبده دفعنی اثبات ایدمهاسه متولی به یمین ویردیره بیلور
(مسئله) ۴۷۷

تعین ماده ایدلمیه رك وقف حقنده برکونه خیانت ایتدیکنه دأثر
مهم اولان متولی حاكم طرفندن تحلیف ایديله بیلور

باب حادی و عشرین

اقراره دأثردر

(مسئله) ۴۷۸

متولینك وقف علیهنه اقراری جائز دكلدر
مثلاً برکیمسه وقف اولمق اوزره متولی یدنده بولنان برعقاری
ملکمدردیو دعوی ایتدکده متولی مدعینك دعواسنی اقرار
واعتراف ایتسه متولینك اشیو اقراری وقف علیهنده جائز
ومعتبر دكلدر

بناءً علیه اقرار مذکور مدار حکم اوله من

(مسئله) ۴۷۹

برکیمسه یدنده اولان بر عقال ایچون اول عقال وقفدر دیسه
بوسوز اول عقالك مقدما ونف ایدلمش اولدیغنی اقراره محمولدر
یوقسه ابتداءً انشاء وقفه محمول دكلدر
بناءً علیه آنده شرائط وقف آرانمز

(مسئله) ۴۸۰

بروقفك غله ویا سکناسنك ویا تولیتك مشروط ایی اولان کیمسه

مشروط له اولديغى ثابت اولميان ديكر بر كمنه ايچون اول دخى
وقفك مشروط لهيدر ديو اقرار ايلسه مقرر بو اقرارى انجق
كندى حقنده نافذ اولور

سائر مشروط لهلر وار ايله انلرك حقلرنده نافذ اولماز
بناءً عليه بوجه محرمقرله اولان كمنه يالكنز مقرر حصه سنده
مقرر شريك اولور
سائر حصه دارلر اولديغى تقديرده انلره حصه لرنده شريك
اوله من

صورت مشروحه ده مقر وفات ايتسه اقرارك حكى قالماز
بناءً عليه متوفانك اقرار مذكور ايله اولادى الزام اوله من
۴۸۱ (مسئله)

اجارتينلو وقف عقارك رقبه سنده دائر بر خصوصده بالاجارتين
متصرفنك وقف عليه اقرارى صحيح ومعتبر دكلدر

مثلا بر وقفك اجارتينلو مستغلاتندن اولق اوزره بر كمنه نك
بالاجارتين تصرفنده اولان بر عقار ايچون ديكر كمنه ملكمدر
ديو دعوى ايتد كده اول كمنه دخى اول عقار مدعينك ملكى
اولديغى اقرار ايلسه بو اقرار وقف حقنده نافذ ومعتبر اولماز
بناءً عليه حاكم اقرار مزبوره بناءً اول عقارك مدعينك ملكى
اولديغنه خكم ايلسه حكى صحيح اولماز

كذلك بروقفك اجارتينلو مستغلاتندن اولق اوزره بر كمنه نك
بالاجارتين تصرفنده اولان بر عقار ايچون ديكر وقفك متولى
نم وقف مستغلاتنددر ديو دعوى ايتد كده اول كمنه دخى اقرار
ايلسه صحيح و نافذ اولماز

۴۸۲. (مسئله)

بروقف نقودك متولى، بر کیمسه دن متولى سابقك ادانه سیله مال وقف مزبور دن ذمتکده شوقدر غروش الاجق وارد دیو دعوی واول کیمسه دخی انکار ایله برابر اکر متولى سابق کلوب بابکا اول قدر غروش ادانه ایتمش اولدیغنی بیان ایدرایسه مبالغ مزبوری ادا ایدرم دیو وعد ایدوب بعده متولى سابق کلوب او کیمسه یه اول قدر غروش ادانه ایتمش اولدیغنی بیان ایدوب لکن او کیمسه تصدیق ایتماسه مجرد وعد مذکورینه بناء او کیمسه مبالغ مزبوری اقرار ایتمش عد اولنه مزبورتده حاکم مجرد وعد مذکور بناء مبالغ مزبورك اداسیله او کیمسه اوزرینه حکم ایلسه حکمی صحیح اولماز امامتولى سابق بوجه محرر بیان ایتدکدنصکره او کیمسه دخی انی تصدیق ایلسه اوصورتده مبالغ مزبوری اقرار ایتمش اوله جفتدن مبالغ مزبورك اداسیله الزام اولنور





